

182. .Oc. 1887. ১৪.



# রজনী ।

উপন্যাস ।



শ্রী বঙ্কিমচন্দ্র চট্টোপাধ্যায়

প্রণীত ।

তৃতীয় সংস্করণ ।

HARE PRESS

1887

মূল্য ১৮০ এক টাকা দুই আনা মাত্র ।



Calcutta :

PRINTED BY JODU NATH SEAL,  
HARE PRESS, 55, AMHERST STREET.  
PUBLISHED BY UMACHARAN BANERJEE,  
27, BHOWANI CHARAN DUTTA'S LANE.

## বিজ্ঞাপন ।

বঙ্গনী প্রথমে বঙ্গদর্শনে প্রকাশিত হয়। এক্ষণে, পুনর্মুদ্রণকালে, এই গ্রন্থে এত পবিবর্তন করা গিয়াছে, যে এই হাকেকে নূতন গ্রন্থও বলা যাইতে পারে। কেবল প্রথমখণ্ড পূর্নবৎ আছে; অবশিষ্টাংশের কিছু পবিত্যক্ত হইয়াছে, কিছু জ্ঞানান্তবে সনাবিষ্ট হইয়াছে, অনেক পুনর্লিখিত হইয়াছে।

প্রথম লর্ড লিটনপ্রণীত “Last Days of Pompeii” নামক উৎকৃষ্ট উপন্যাসে নিদিবা নামে একটী “কাণাকুলওয়ালী” আছে, বঙ্গনী তৎস্বৰূপে সূচিত হয়। যে সকল মানসিক বা নৈতিক তত্ত্ব প্রতিপাদন করা, এই গ্রন্থের উদ্দেশ্য, তাহা অদ্বয়বতীৰ সাহায্যে বিশেষ স্পষ্টতাপাত্ত কবিত্তে পাবিবে বলিয়াই ঐকপ ভিত্তিব উপব বঙ্গনীৰ চবিত্ত্র নিম্মাণ করা গিয়াছে।

উপাখ্যানের অংশবিশেষ, নাটক বা নাটিকাবিশেষের দ্বাৰা ব্যক্ত করা, প্রচলিত বচনাপ্রণালীৰ মধ্যে সচবাচব দেখা যায় না, কিন্তু ইহা নূতন নহে। উইল্কি কলিন্সকৃত “Woman in White” নামক গ্রন্থ প্রণবনে ইহা প্রথম বাবহৃত হয়। এ প্রথাৰ গুণ এই যে, যে কথা তাহাব মুখে গুনিতে ভাল লাগে, সেই কথা তাহাব মুখে ব্যক্ত করা যায়। এই প্রথা অবলম্বন কবিয়াছি বলিয়াই, এই উপন্যাসে যে সকল অটনসর্গিক বা অপ্রকৃত ব্যাপাব আছে, আমাকে তাহাব দায়ী হইতে হয় নাই।

শ্রীবাঙ্কিমচন্দ্র চট্টোপাধ্যায়।



# রজনী ।

—•••—  
প্রথম খণ্ড ।

—•••—  
বজনীর কথা ।

—•••—  
প্রথম পরিচ্ছেদ ।

তোমাদের সুখহুঃখে আমার সুখহুঃখ পবিমিত হইল  
পাবে না । তোমরা, আর আমি ভিন্নপ্রকৃতি । আমার  
তোমরা স্থখী হইতে পারিবে না—আমার হুঃখ তোমরা  
না—আমি একটা ক্ষুদ্র যথিকার গন্ধে স্থখী হইব, আর  
কলা শশী আমার লোচনাগ্রে সহস্র নক্ষত্রমণ্ডলমধ্যস্থ হ

## রজনী ।

বিকসিত হইলেও আমি সুখী হইব না—আমাব উপাখ্যান কি তোমরা মন দিয়া শুনিবে? আমি জন্মাক ।

কি প্রকাবে বুঝিবে? তোমাদের জীবন দৃষ্টিময়—আমার জীবন অন্ধকার—হুঃখ এই, আমি ইহা অন্ধকার বলিয়া জানি না । আমার এ রুদ্ধনয়নে, তাই আলো! না জানি তোমাদের আলো কেমন!

তাই বলিয়া কি আমার সুখ নাই? তাহা নহে। সুখ হুঃখ তোমাব আমাব প্রায় সমান। তুমি রূপ দেখিয়া সুখী, আমি শব্দ শুনিয়াই সুখী। দেখ, এই ক্ষুদ্র ক্ষুদ্র যুথিকা সকলের বস্তুগুলি কত সুন্দর, আব আমাব এই কবল সুচিকাগ্রভাগ আরও কত সুন্দর। আমি এই সুচিকাগ্রে সেই ক্ষুদ্র পুষ্পবৃন্তসকল বিদ্ধ কবিয়া মালা গাঁথি—আশৈশব নালাই গাঁথিবাছি—কেহ কখন আমাব গাঁথা মালা পবিয়া বলে নাই যে কাণায় মালা গাঁথিয়াছে।

আমি নালাই গাঁথিতাম। বালিগঞ্জের প্রান্তভাগে আমার পিতাব একখানি পুষ্পোদ্যান জমা ছিল—তাহাই তাঁহাব উপজীবিকা ছিল। ফাল্গুন মাস হইতে যতদিন ফুল ছুটিত, তত দিন পর্যন্ত পিতা প্রত্যহ তথা হইতে পুষ্পচয়ন করিয়া

য়া দিতেন, আমি মালা গাঁথিয়া দিতাম। পিতা তাহা মহানগরীর পথে পথে বিক্রয় কবিতেন। মাতা গৃহকন্মতন। অবকাশমতে পিতামাতা উভয়েই আমার মাল্যের সহায়তা কবিতেন।

---

কর্তব্যাকর্তব্য বুঝিয়া লইয়া, ফুলগুলি আমার হাতে গুছাইয়া তুলিয়া দিতে লাগিল । সেই অবধি আমি তাহাকে বব বলি— সে আমারকে ফুল গুছাইয়া দেয় ।

আমার এই দুই বিবাহ—এখন এ কালের জটলা কুটলা দিগকে আমার জিজ্ঞাস্য—আমি সতী বলাইতে পাবি কি ?



## দ্বিতীয় পরিচ্ছেদ

বড়বাড়ীতে ফুল যোগান বড় দায় । সে কালেব মালিনী মাসী বাজবাড়ীতে ফুল যোগাইবা মশানে গিয়াছিল । ফুলেব মধু খেলে বিদ্যাসুন্দর, কিল খেলে হীণা মালিনী—কেন না সে বড়বাড়ীতে ফুল যোগাইত । সুন্দবেব সেই বামবাজা হইল—কিন্তু মালিনীব কিল আব ফিবিল না ।

বাবা ত “বে কুল” হাঁকিয়া, বসিক মহলে ফুল বেচিতেন, মা ছুই একটা অবসিক মহলে ফুল নিত্য যোগাইতেন । তাহাব মধ্যে বামসদয় মিত্রেব বাড়ীই প্রধান । বামসদয়মিত্রেব সাডে চাবিটা ঘোডা ছিগ --(নাতিদেব একটা পণি আব আদত চাবিটা) সাডে চাবিটা ঘোডা—আব দেডথান গৃহিণী । একজন আদত—একজন চিরকণা এবং প্রাচীন । ঠাণ্ডা নাম ভুবনেশ্বরী—কিন্তু তাঁব গলাব সাঁই সাঁই শব্দ শুনিয়া বামমণি ভিন্ন অন্য নাম আমাব মনে আসিত না ।

আব যিনি পুবা একখানি গৃহিণী তাঁহাব নাম লবঙ্গলতা । লবঙ্গলতা লোকে বলিত, কিন্তু তাঁহাব পিতা নাম রাখিয়াছিলেন ললিতলবঙ্গলতা, এবং বামসদয় বাবু আদব করিয়া বলিতেন ললিত-লবঙ্গলতা-পবিশীলন-কোমল-মলয়-শ্রীমতী । বামসদয় বাবু প্রাচীন, বয়ঃক্রম ৬৩ বৎসর । ললিতলা প-লতা,

নবীনা, বয়স ১৯ বৎসব, দ্বিতীয় পক্ষেব স্ত্রী—আদবেব আদবিণী, গৌববেব গৌরবিণী, মানেব মানিনী, নয়নেব মণি, ষোলআনা গৃহিণী । তিনি বামসদয়েব সিন্দুকেব চাবি, বিছানাব চাদৰ, পানেব চূণ, গেলাসেব জল । তিনি বামসদয়েব জবে কুই-নাইন, কাশীতে ইপিকা, বাতে ফ্লামেল, এবং আবোগ্যে স্কুয়া ।

নয়ন নাই—ললিত-লবঙ্গ-লতাকে কখন দেখিতে পাইলাম না—কিন্তু গুনিযাছি তিনি রূপসী । রূপ যাউক, গুণ গুনিযাছি । লবঙ্গ বাস্তবিক গুণবতী । গৃহকার্যে নিপুণা, লানে মুক্তহস্তা, হৃদয়ে সবলা, কেবল বাক্যে বিষময়ী । লবঙ্গ-লতাব অশেষ গুণেব মধ্যে, একটি এই! যে তিনি বাস্তবিক পিতামহেব ভূম্য সেই স্বামীকে ভাল বাসিতেন—কোন নবীন নবীন স্বামীকে সে রূপ ভালবাসেন কি না মন্দেহ । ভাল বাসিতেন বলিষ্ঠা, তাঁহাকে নবীন সাজাইতেন—সে সজ্জাব বস কাঠাকে বৈলিঃ আপন হস্তে নিত্য শুভ্রকেশে কলপু মাথাইবা কেশ গুনি বঞ্জিত কবিতেন । যদি বামসদয় লজ্জাব অহুবোধে কোন দিন মলমলেব ধুতি পবিত, স্বহস্তে তাহা ত্যাগ কবা ইয়া কোকিলপেড়ে, ফিতেপেড়ে, কঙ্কাপেড়ে পবাইয়া দিতেন—মলমলেব ধুতিখানি তৎক্ষণাৎ বিধবা দবিভ্রগণকে বিতরণ কবিতেন । বামসদয় প্রাচীন বয়সে, আতবেব শিশি ~~কেশ~~ ভবে পলাইত—লবঙ্গলতা, তাহাব নিদ্রিতাবস্থায় সর্কাঙ্গে-স্নাতর মাথাইয়া দিতেন । বামসদয়ের চসমাগুলি,



লবঙ্গ প্রাণ চুবি কবিয়া ভাঙ্গিয়া ফেলিত, সোণাটুকু লইয়া, যাহার কন্যাব বিবাহেব সম্ভাবনা তাহাকে দিত। বামসদয়েছ নাকন্দাকিলে, লবঙ্গ ছয়গাছা মল বাহিব করিবা, পখিয়া ঘব-ময় ঝম্ঝম্ কবিয়া, বামসদয়েব নিদ্রা ভাঙ্গিয়া দিত।

লবঙ্গলতা আমাদের ফুল কিনিত—চাপি আনাব ফুল লইয়া দুই টাকা মূল্য দিত। তাহার কাবণ আমি কাণা। মালা পাইলে, লবঙ্গ গালি দিত, বলিত এমন কদর্য্য মালা আমাকে দিস কেন? কিন্তু মূল্য দিবার সময় ডবল পয়সাৰ সঙ্গে ভুগু কবিয়া টাকা দিত। ফিবাইয়া দিতে গেলে বলিত—ও আমাব টাকা নয়—দুইবার বলিতে গেলে গালি দিয়া তাজ্জ-ইয়া দিত। তাহার দানেব কথা মুখে আনিলে মাৰিতে আসিত। বাস্তবিক, বামসদয় বাবুব ঘব না থাকিলে, আমাদিগেব দিনপাত হইত না। তবে যাহা বয় সব, তাই ভাল, বলিয়া মাতা, লবঙ্গেব কাছে অধিক লইতেন না। দিনপাত হইলেই আমবা সন্তুষ্ট থাকিতাম। লবঙ্গলতা আমাদিগেব নিকট বাশি বাশি ফুল কিনিয়া বামসদয়েকে সাজাইত। সাজাইয়া, বলিত, দেখ, বতিপতি। বামসদয় বলিত, দেখ, সাক্ষাৎ—অঞ্জনানন্দন। সেই প্রাচীনে নবীনে মনেব মিল ছিল—দৰ্পণেব মত দুইজনে দুইজনেব মন দেখিতে পাইত। তাহাদেব প্রেমেব পদ্ধতিটা এইরূপ—

বামসদয় বলিত,

“ললিতলবঙ্গলতাপবিশী—?”

লবঙ্গ । আজ্ঞে, ঠাকুবদাদামশায় দাসী হাজিব ।

রাম । আমি যদি মরি ?

লব । “আমি তোমার বিষয় খাইব।” লবঙ্গ মনে মনে বলিত “আমি বিষ খাইব।” বামসদয়, তাহা মনে মনে জানিত।

লবঙ্গ এত টাকা দিত, তবে বড়বাড়ীতে ফুল যোগান হুঃখ কেন ? শুন।

একদিন মাঝ জব । অন্তঃপুবে, বাবা যাইতে পারিবেন না—তবে আমি বৈ আর কে লবঙ্গলতাকে ফুল দিতে যাইবে? আমি লবঙ্গের জন্য ফুল লইয়া চলিলাম। অন্ধ হই, যাই হই—কলিকাতার বাস্তা সকল আমার নখদর্পণ ছিল। বেত্রহস্তে সর্বত্র যাইতে পারিতাম, কখন গাড়ি ঘোড়ার সম্মুখে পড়ি নাই। অনেকবার পদচাবীর বাড়ে পড়িয়াছি বটে—তাহার কারণ কেহ কেহ অন্ধযুবতী দেখিয়া সাদা দেয় না, বরং বলে “আঁ মঞ্জা! দেখতে পাসনে? কাণা নাকি?” আমি ভাবিতাম “উভয়তঃ।”

ফুল লইয়া গিয়া লবঙ্গের কাছে গেলাম। দেখিয়া লবঙ্গ বলিলেন, “কিলো কাণী—আবার ফুল লইয়া মব্তে এয়েছিস্ কেন?” কাণী বলিলে আমার হাড জলিয়া যাইত—আমি কি কদর্য উত্তর দিতে যাইতে ছিলাম, এমত সময়ে সেখানে হঠাৎ ক্যাহার পদধ্বনি শুনিতাম—কে আসিল। যে আসিল—সে বলিল,  
“... কে ছোট মা?”

ছোট মা ! তবে রামসদয়ের পুত্র । রামসদয়ের কোন পুত্র ! বড় পুত্রের কণ্ঠ একদিন শুনিয়াছিলাম—সে এমন অমৃতময় নহে—এমন কবিবা কণ্ঠবিনব ভরিয়া, স্থথ ঢালিয়া, দেয় নাই। বুঝিলাম, এ ছোট বাবু।

ছোট মা বলিলেন, এবাব বড় মৃদুকণ্ঠ বলিলেন, “ও কাণা ফুলওয়ালী।”

“ফুলওয়ালী ! আমি বলি বা কোন ভদ্রলোকের মেয়ে।”

লবঙ্গ বলিলেন, “কেন, গা, ফুলওয়ালী হইলে কি ভদ্র লোকের মেয়ে হয় না ?”

ছোট বাবু অপ্রতিভ হইলেন। বলিলেন, “হবে না কেন ? এটা ত ভদ্রলোকের মেয়ের মতই বোধ হইতেছে। তা ওট কাণা হইল কিসে ?”

লবঙ্গ । ও জন্মাক্র ।

ছোট বাবু । দেখি ?

ছোট বাবুব বড় বিদ্যাব গোঁবব ছিল। তিনি অন্যান্য বিদ্যাও যেকপ যত্নেব সহিত শিক্ষা কবিয়াছিলেন, অর্থেব প্রত্যাশী না হইয়া চিকিৎসাশাস্ত্রেও সেইরূপ যত্ন কবিয়া-ছিলেন। লোকে রাষ্ট্র কবিত যে, শচীন্দ্র বাবু (ছোট বাবু) কেবল দবিদ্র গণেব বিনামূল্যে চিকিৎসা করিবাব জন্য চিকিৎসা শিখিতেছিলেন। “দেখি” বলিয়া আমাকে বলিলেন, “একবাব দাঁড়াও ত গা !”

আমি জড়সড় হইয়া দাঁড়াইলাম।

ছোট বাবু বলিলেন, “আমাব দিকে চাও।”

চাব কি ছাই!

“আমার দিকে চোখ ফিবাও।”

কাণা চোকে শব্দভেদী বাণ মাঝিলান। ছোট বাবু মনের মত হইল না। তিনি আমাব দাডি ধবিয়া, মুখ ফিবাইলেন।

ডাক্তারিবিব কপালে আগুন জ্বলে দিই। সেই চিবুকস্পর্শে আমি মঝিলান।

সেই স্পর্শ পুষ্পময়। সেই স্পর্শে যুথী, জাতি, মল্লিকা, সেফালিকা, কানিনী, গোলাপ, সেন্টেডি—সব ফুলেব জ্বাণ পুইনাম। বোধ হইল, আমাব আশে পাশে ফুল, আমাব মাথায় ফুল, আমাব পায়ে ফুল, আমাব পরণে ফুল, আমাব বুকেব ভিতর ফুলেব রাশি। আ মবি মবি। কোন বিধাতা এ কুসুমময় স্পর্শ গড়িবাছিল। বলিবাছি ত কাণাব স্মৃথ ছুঃথ তোমবা বুঝিবে না। আ মবি মবি—সে নবনীত—সুকুমাৰ—পুষ্পগন্ধনয়\*বীণাধ্বনিবৎ স্পর্শ! বীণাধ্বনিবৎ স্পর্শ, যাব, চোখ আছে, সে বুঝিবে কি প্রকাৰে? আমাব স্মৃথ ছুঃথ আমাতেই থাকুক। যখন সেই স্পর্শ মনে পড়িত, তখন কত বীণাধ্বনি কর্ণে স্তনিতাম তাহা তুমি, বিলোলকটাঙ্গকুশলিনি! কি বুঝিবে।

ছোট বাবু বলিলেন, “না, এ কাণা সাবিবাব নয়।”

আমাব ত সেই জন্য ঘুন হইতে ছিল না।

“~~স্বপ্ন~~ বলিল, ‘তা না সাকক টাকা খবচ কবিলে কাণার কি বিয়ে হয় না?’”

ছোট বাবু। কেন, এব কি বিবাহ হয় নাই ?

লবঙ্গ। না। টাকা খবচ কবিলে, হয় ?

ছোট বাবু। আপনি কি ইহাব বিবাহ জন্য টাকা দিবেন ?

লবঙ্গ বাগিল। বলিল “এমন ছেলেও দেখি নাই!

আমাব কি টাকা রাখিবার জায়গা নাই ? বিয়ে কি হয়, তাই জিজ্ঞাসা কবিতৈছি। মেয়ে মান্নহ, সকল কথা ত জানি না। বিবাহ কি হয় ?”

ছোট বাবু, ছোট মাকে চিনিতেন। হাসিয়া বলিলেন  
“তা মা, তুমি টাকা বেথ, আমি সম্বন্ধ করিব।”

মনে মনে ললিত-লবঙ্গ-লতাব মুণ্ডপাত কবিতৈ কবিতৈ  
আমি সে স্থান হইতে পলাইলাম।


তাই বলিতৈছিলাম, বডমানুষের বাড়ী ফুল যোগান বড  
দাব।

বহুমূর্ত্তিময়ি বসুক্বে। তুমি দেখিতৈ কেমন ? তুমি যে  
অসংখ্য, অচিস্তনীয় শক্তি ধব, অনন্ত বৈচিত্র্যবিশিষ্ট জড পদার্থ  
সকল হৃদয়ে ধাবণ কব, সে সব দেখিতৈ কেমন ? যাকে বাকে  
লোকে সুন্দব বলে, সে সব দেখিতৈ কেমন ? তোমাব হৃদয়ে  
যে অসংখ্য, বহুপ্রকৃতিবিশিষ্ট জন্তুগণ বিচরণ কবে, তাবা সব  
দেখিতৈ কেমন ? বল মা, তোমাব হৃদযেব সারভূত, পুরুষ-  
জাতি, দেখিতৈ কেমন ? দেখাও মা, তাহাব মধ্যে, -মাহাব  
কবস্পর্শে এত সুখ, সে দেখিতৈ কেমন ? দেখা মা, সৈনিক  
কেমন দেখায় ? দেখা কি ? দেখা কেমন ? দেখিতৈ কিরূপ

সুখ হব ? এক মুহূর্তজন্য এই সুখময়স্পর্শ দেখিতে পাই না ? দেখা মা ! বাহিবেব চক্ষু নিম্নীলিত—থাকে থাকুক মা । আমাব জদযেব মধো চক্ষু কুটাইবা দে, আমি একবাব অন্তবেব ভিতব অন্তব লুকাইবা, মনেব সাধে রূপ দেখে, নাবীজন্ম সার্থক কবি । সবাই দেখে—আমি দেখিব না কেন ? বুঝি কাঁট পতঙ্গ অবধি দেখে—আমি কি অপবাধে দেখিতে পাই না ? শুধু দেখা—কাবও কৃতি নাই, কাবও কষ্ট নাই, কাবও পাপ নাই, সবাই অবহেলে দেখে—কি দোষে আমি কখনও দেখিব না ?

না । না । অদৃষ্ট নাই । জদযমধো খুঁজিলাম । শুধু, স্পর্শ গন্ধ । আব কিছু পাইলাম না ।

আমাব অন্তব বিদীর্ণ কবিতা ধ্বনি উঠিতে লাগিল, কে দেখাবি দেখা গো—আনন্ড রূপ দেখা । বুঝিল না । কেহই অন্ধেব ছঃখ বুঝিল না ।



## তৃতীয় পবিচ্ছেদ ।

সেই অবধি, আমি প্রায় প্রত্যহ বামসদয় মিত্ৰেব বাড়ী ফুল বেচিতে যাইতাম। কিন্তু কেন তাহা জানি না। বাহাব নয়ন নাই, তাহার এ বদ্ব কেন ? সে দেখিতে পাইবে না— কেবল কথার শব্দ শুনিবার ভবস; মাত্র। কেন শর্চাজ্ঞ বাবু আমাব কাছে আসিয়া কথা কহিবেন ? তিনি থাকেন সদবে— আমি যাই অন্তঃপুরে। যদি তাঁগাব স্ত্রী থাকিত, তবেও বা কখন আসিতেন। কিন্তু বৎসবেক পূর্বে তাঁগাব স্ত্রী মৃত্যু হইয়াছিল—আব বিবাহ করেন নাই। অতএব সে ভবসাও নাই। কদাচিৎ কোন প্রযোজনে মাতাদিগেব নিকটে আসিতেন। আমি বে সমবে দুস লইয়া যাইব, তিনিও ঠিক সেই সময়ে আসিবেন, তাহাবই বা সম্ভাবনা কি ? অতএব যে এক শব্দ শুনিবার মাত্র আশা, তাহাঁও বজ্র সফল হইত না। তথাপি অন্ধ প্রত্যহ ফুল লইয়া যাইতা কোন্ ছুবাশায়, তাহা জানি না। নিবাস হইয়া ফিবিয়া আসিবাব সময় প্রত্যহ ভাবিতাম, আমি কেন আসি ? প্রত্যহ মনে কবিতাম, আব আসিব না। প্রত্যহই সে বলনা বৃথা হইত। প্রত্যহই আবাব যাইতাম। যেন কে চুল ধবিয়া লইয়া যাইত। আবাব নিবাস হইয়া ফিবিয়া আসিতাম, আবাব প্রতিজ্ঞা দিতাম যাইব না—আবাব যাইতাম। এইরূপে দিন কাটিতে লাগিল।

মনে মনে আপোচনা কবিতাম, কেন বাই ? শুনিয়াছি, স্ত্রীজাতি পুরুষের রূপে মুগ্ধ হইয়া ভাগবাসে । আমি কাণা, কাঁহাব রূপ দেখিয়াছি ? তবে কেন বাই ? কথা শুনিব বলিয়া ? কখন কেহ শুনিয়াছে যে কোন বমণী শুধু কথা শুনিয়া উন্মাদিনী হইয়াছে ? আমিই কি তাই হইয়াছি ? তাও কি সম্ভব ? যদি তাই হব, তবে বাদ্য শুনিবাব জন্য, বাদকেব বাডী যাই না কেন ? সৈতাব, সাবেক, এসবাজ, বেহালাৰ অপেক্ষা কি শচীন্দ্র স্কৰ্ণ ? সে কথা মিথ্যা ।

তবে কি সেই স্পৰ্শ ? আমি যে কুসুমবাশি বাত্রি দিবা লইয়া আছি, কখন পাতিয়া শুইতেছি, কখন বৃকে চাপাইতেছি—ইহাব অপেক্ষা তাহাব স্পৰ্শ কোমল ? তা ত নয় । তবে কি ? এ কাণাকে কে বুঝাইবে, তবে কি ?

তোমবা বুঝ না, বুঝাইবে কি ? তোমাদের চক্ষু আছে, রূপ চেন, রূপই বুঝ । আমি জানি, রূপ দ্ৰষ্টাব মানসিক বিকাব মাত্র—শব্দও মানসিক বিকাব । রূপ, রূপবানে নাই, রূপ দৰ্শকেব মনে—নহিলে একজনকে সকলেই সমান রূপবান্ দেখে না কেন ? একজনে সকলেই আসক্ত হয় না কেন ? সেইরূপ শব্দও তোমাব মনে । রূপ দৰ্শকেব একটি মনের সুখ মাত্র, শব্দও শ্রোতাব একটি মনের সুখ মাত্র, স্পৰ্শও স্পৰ্শকেব মনের সুখ মাত্র । যদি আমাব রূপসুখের পথ বন্ধ থাকে, তবে শব্দ স্পৰ্শ গন্ধ কেন রূপসুখের নায় মনোমধ্যে সৰ্বময় না হইবে ?



শুষ্কভূমিতে বৃষ্টি পড়িলে কেন না সে উৎপাদিনী হইবে ?  
 শুষ্ককার্ত্তে অগ্নি সংলগ্ন হইলে কেন না সে জ্বলিবে ? কপে  
 হোক শব্দ হোক, স্পর্শে হোক, শূন্য বমনীহৃদয়ে স্পৃহকৃষ  
 সংস্পর্শ হইলে কেন প্রেম না জন্মিবে ? দেখ অন্ধকাবেও ফুল  
 ফটে, মেঘে ঢানিলেও চাঁদ গগনে বিগব কণে, জনশূন্য  
 অবণোও বোঝিল ডাকে, যে সাগবগর্ভে মনুষ্য কখন যাইবে  
 না, সেখানেও বজ্র প্রভাসিত হব, অন্ধের হৃদয়েও প্রেম  
 জন্মে—আমাব নবন নিঃস্ক বলিয়া হৃদয় কেন প্রস্ফুটত  
 হইবে না ?

হইবে না কেন, বিস্ত্র সে কেবল আমাব যন্ত্রণাব জন্য।  
 বোঝাব কবিত্ব, কেবল তাহাব যন্ত্রণাব জন্য। বধিবেব সঙ্গীতা  
 ছুবাগ যদি হয়, কেবল তাহাব যন্ত্রণাব জন্ত, আপনাব গীত  
 আপনি শুনিতে পাব না। আমাব হৃদয়ে প্রণবসঞ্চাব তেমনই  
 যন্ত্রণাব জন্ত। পবেব কপ দেখিব কি—আমি, আপনাব কখন  
 আপনি দেখিলাম না। কপ। কপ। আমাব কিকপ। এই  
 ভুমণ্ডলে বঙ্গনীনামে ক্ষুদ্র বিন্দু কেমন দেখাব ? আমাকে  
 দেখিলে, কখনও কি বাহাব আবাব ফিবিয়া দেখিতে ইচ্ছা  
 হব নাই ? এমন, নীচাশয়, ক্ষুদ্র কেহ কি জগতে নাই যে  
 আমাকে সন্দব দেখে ? নয়ন না থাকিলে নাবী সন্দবী হয়  
 না—আমাব নয়ন নাই—কিন্তু তবে কাবিগবে পাথব খোদিয়া  
 চক্ৰশূন্ত মূর্ত্তি গড়ে কেন ? আদি কি কেবল সেইকপ বঙ্গনী  
 মাত্র ? তবে বিধাতা এ পাষণমধ্যে এ স্বহৃৎসমাকুল

শ্ৰণয়লালসাপববশ হৃদয় কেন পুৰিল ? পাৰাণেৰ হুংখ পাইয়াছি, পাৰাণেৰ সুখ পাইলাম না কেন ? এ সংসাবে এ তাবতম্য কেন ? অনন্ত ছক্কতকাবীও চক্ষে দেখে, আমি জন্মপূৰ্বেই কোন্ দোষ কৰিয়াছিলো যে আমি চক্ষে দেখিতে পাইব না ? এ সংসাবে বিধাতা নাই, বিধান নাই, পাপপুণ্যেৰ দণ্ড পুৰস্কাৰ নাই—আমি মৰিব ।

আমাৰ এই জীৱনে বহুবৎসৰ গিয়াছে—বহুবৎসৰ আসিতেও পাবে। বৎসবে বৎসবে বহুদিবস—দিবসে দিবসে বহুদণ্ড—দণ্ডে দণ্ডে বহু মুহূৰ্ত্ত—তাৰো মধ্যে এক মুহূৰ্ত্ত জন্তু, এক পলক জন্তু, আমাৰ কি চক্ষু ফুটিবে না ? এক মুহূৰ্ত্ত জন্তু, চক্ষু মেলিতে পাবিলে দেখিয়া লই, এই শব্দস্পৰ্শময় বিশ্বসংসাব কি—আমি কি—শতীৰ্ণ কি ?



## চতুর্থ পবিচ্ছেদ ।

আমি প্রত্যহই ফুল লইয়া যাইতাম, ছোট বাবুর কথাব শব্দশ্রবণ প্রায় ঘটত না—কিন্তু কদাচিত্‌ ভুই একদিন ঘটত । সে আফ্লাদেব কথা বলিতে পাবি না । আমাব বোধ হইত, বর্ষাব জলভবা মেঘ যখন ডাকিয়া বর্ষে, তখন মেঘেব বুঝি সেইরূপ আফ্লাদ হয়, আমাবও সেইরূপ ডাকিতে ইচ্ছা কবিত । আমি প্রত্যহ মনে কবিতাম, আমি ছোটব,বুকে কতকগুলি বাছা ফুলেব তোড়া বাঁধিয়া দিয়া আসিব—কিন্তু তাহা একদিনও পাবিলাম না । একে লজ্জা কবিত—আবাব, মনে ভাবিতাম ফুল দিলে তিনি দাম দিতে চাহিবেন—কি বলিয়া না লইব ? মনেব জুগুপে যবে আসিয়া ফুল লইয়া ছোট বাবুকেই গডিলাম । কি গডিলাম, তাহা জানি না—কখন দেখি নাই ।

এদিকে আমার যাতাযাতে একটি অচিস্তনীয় ফল ফলিতেছিল—আমি তাহাব কিছুই জানিতাম না । পিতা মাতাব কথোপকথনে তাহা প্রথম জানিতে পাবিলাম । একদিন সন্ধ্যাব পব, আমি মালা গাথিতে গাথিতে ঘুমাইয়া পড়িয়াছিলাম । কি একটা শব্দে নিদ্রা ভাঙ্গিল । জাগ্রত হইলে কঁর্ণে পিতা মাতাব কথোপকথনেব শব্দ প্রবেশ করিল । বোধ হয়, প্রদীপ নিবিয়া গিয়া থাকিবে, কেন না পিতা মাতা

আমাব নিদ্রাভঙ্গ জানিতে পাবিলেন, এমত বোধ হইল না ।  
আমিও আমাব নাম শুনিয়া কোন সাড়াশব্দ কবিলাম না ।  
শুনিলাম, মা বসিতেছেন ।

“তবে একপ্রকাব স্থিবই হইয়াছে ?”

পিতা উত্তৰ কবিলেন, “স্থিব বৈকি ? অমন বড মানুষ  
লোক, কথা দিলে কি আব নডচড আছে ? আব আমাব  
মেষেব দোষেব মধ্যে অন্ধ, নহিণে অমন মেয়ে লোকে তপস্যা  
কবিয়া পায না ।”

মা । তা, পবে এত কব্বে কেন ?

পিতা । তুমি বুঝিতে পাব না যে ওবা আমাদেব মত  
টাকাব কাঙ্গাল নয়—হাজাৰ দুহাজাৰ টাকা ওবা টাকাব মধ্যে  
ধবে না । খেদিন বজনীৰ সাক্ষাতে বামনদয় বাবুব স্ত্রী বিবাহেব  
কথা প্রথম পাড়িনে সেরি দিন হইতে বজনী তাহাব কাছে  
প্রত্যয় যাতায়াত আবম্ব কবিল । তিনি ছেলেকে জিজ্ঞাসা  
কবিয়াছিলে, “টাকায কি কাণাব বিধে হয় ?” ইহাতে অবশ্য  
মেয়েব মনে আশা ভবসা হইতে পাবে, যে বুঝি ইনি দয়াবতী  
হইবা টাকা থবচ কবিয়া আমাব বিবাহ দিবেন । সেই দিন  
হইতে বজনী নিত্য যায আসে । সেই দিন হইতে নিত্য  
যাতায়াত দেখিবা লবঙ্গ বুঝিলেন যে, মেয়েটি বিবাহেব জন্ত বড়  
কাতৰ হয়েছে—না হবে কেন, বয়স ত হয়েছে । তাতে আবার  
ছোট বাবু টাকা দিয়া হবনাথ বস্তুকে বাজি করিয়াছেন ।  
গোপালও বাজি হইয়াছে ।

হবনাথ বসু, বামসদয় বাবু বাড়ীৰ সবকাব। গোপাল তাহাব পুত্র। গোপালেব কথা কিছু কিছু জানিতাম। গোপালেব বয়স ত্রিশ বৎসব—একটি বিবাহ আছে, কিন্তু সন্তানাদি হয় নাই। গৃহধর্মার্থে তাহাব গৃহিণী আছে—সন্তানার্থ অন্ধ পত্নীতে তাহাব আপত্তি নাই। বিশেষ লবঙ্গ তাহাকে টাকা দিবে। পিতা মাতাৰ কথাৰ বুঝিলাম গোপালেব সঙ্গে আমাব সম্বন্ধ স্থিৰ হইয়াছে—টাকাৰ লোভে সেঁ কুড়িবৎসবেব মেয়েও বিবাহ কৰিতে প্রস্তুত। টাকাৰ জাতি কিনিবে। পিতামাতা মনে কবিলেন, এজন্যেব মত অন্ধ কত্তা উদ্ধাবপ্রাপ্ত হইল। তাহাবা আহ্লাদ কৰিতে লাগিলেন। আমাব মাথায় আকাশ ভাঙিয়া পড়িল।

তাৰ পবদিন স্থিৰ কবিলাম আৰ আনি লবঙ্গেব কাছে যাইব না—মনে মনে তাহাকে শতবাৰ পোডাবনুখী বলিয়া গালি দিলাম। লক্ষ্য মৰিয়া যাইতে ইচ্ছা কৰিতে লাগিল। বাণে লবঙ্গকে মাৰিতে ইচ্ছা কৰিতে লাগিল। দুখে কান্না আসিতে লাগিল। আনি লবঙ্গেব কি কবিয়াছি, যে সে আমাব উপব এত অত্যাচাৰ কৰিতে উদ্যত ? ভাবিলাম যদি সে বড মানুষ বলিয়া, অত্যাচাৰ কৰিবাই সুখী হয়, তবে জন্মান্ত দুঃখিনী ভিন্ন, আৰ কি অত্যাচাৰ কৰিবাব পাত্র পাইল না ? মনে কবিলাম, না, আৰ একদিন যাইব, তাহাকে এননই কৰিয়া তিবস্কাৰ কৰিয়া আসিব—তাৰ পব আৰ যাইব না— আৰ ফুল বেচিব না—আৰ তাহাব টাকা ল'ব না—মা যদি

তাহাকে ফুল দিয়া মূল্য লইয়া আসেন তবে, তাহার টাকার  
অল্প ভোজন কবিব না - না খাইয়া মবিতে হয়—সেও ভাল ।  
ভাবিনাম, বলিব, বডমাহুষ হইলেই কি পবপীডন কুবিতে  
হয় ? বলিব, আমি অন্ধ—অন্ধ বলিয়া কি দয়া হয় না ?  
বসিব পৃথিবীতে যাহাব কোন স্মৃথ নাই, তাহাকে বিনাপবাধে  
কষ্ট দিয়া তোমাব কি স্মৃথ ? যত ভাবি, এই এই বলিব, তত  
আপনার চক্ষের জলে আপনি ভাসি । মনে ভয় হইতে  
লাগিল, পাছে বসিবার সময় কথাগুলি ভুলিয়া যাই ।

বসাময়ে, আবার বামনদয় বাবুব বাডী চলিলাম । ফুল  
লইয়া যাইব না মনে কবিযাছিলাম—কিন্তু শুধু হাতে যাইতে  
লজ্জা ববিতে লাগিল— কি বলিয়া গিয়া বসিব । পূৰ্ব্বমত  
কিছু ফুল লইলাম । কিন্তু আজি মাকে লুকাইয়া  
গেলাম ।

ফুল দিলাম—তিবস্কাব কবিব বদিয়া লবঙ্গের কাছে  
বসিলাম । কি বলিয়া প্রসঙ্গ উত্থাপন কবিব ? হুবি । হুবি ।  
কি বলিয়া আবস্ত কবিব ? গোডাব কথা কোন্টা ? যখন  
চাবিদিকে আগুন জলিতেছে—আগে কোন্দিব নিবাইব ?  
কিছুই বলা হইল না । কথা পাড়িতেই পাবিলাম না । কান্না  
আসিতে লাগিল ।

অগাত্ৰমে লবঙ্গ আপনিই প্রসঙ্গ তুলিল,

“ফাগি—তোব বিয়ে হবে ।”

আমি জলিয়া উঠিলাম । বলিলাম “ছাই হবে ।”

লবঙ্গ বলিল, “কেন, ছোট বাবু বিবাহ দেওয়াইবেন—  
হবে না কেন ?”

আবও জ্বললাম। বললাম, “কেন আমি তোমাদের  
কাছে কি দোষ ববেছি ?”

লবঙ্গও বাগিল। বলিল,

“আঃ মলো ! তোব কি বিগেব মন নাই নাকি ?”

আমি মাথা নাড়িয়া বললাম, “না ।”

লবঙ্গ আবও বাগিল, বলিল,

“পাপিষ্ঠা কোথাকাব । বিয়ে কব্বিনে কেন ?”

আমি বললাম—“খুসি ।”

লবঙ্গের মনে বোধ হয় সন্দেহ হইল—আমি ভ্রষ্টা—নহিলে  
বিবাহে অসম্মত কেন ? সে বড বাগ করিয়া বলিল,

“আঃ মলো ! বেব বলিতেছি—নহিলে খেঙবা মাবিয়া  
বিদ্যাব কবিব ।”

আমি উঠিলাম—আমাব দুই অক্ষক্ষে জল পড়িতেছিল—  
তাহা লবঙ্গকে দেখাইলাম না—কিবিলাম। গৃহে যাইতে  
ছিলাম, সিঁড়িতে আসিয়া একটু ইতস্ততঃ কবিতেছিলাম,—কই,  
তিবন্ধাবের কথা কিছুই ত বলা হব নাই—অকস্মাৎ কাহাব  
পদশব্দ শুনিলাম। অন্ধের শ্রবনশক্তি অর্ধৈর্গর্গিক প্রথবতা  
প্রাপ্ত হয়—আমি দুই একবাব সে পদশব্দ শুনিয়াই চিনিয়া-  
ছিলাম কাহাব পদবিক্ষেপেব এ শব্দ। আমি সিঁড়িতে বসি-  
লাম। ছোট বাবু আমাব নিকটে আসিলে, আমাকে দেখিয়া

দাঁড়াইলেন। বোধ হয় আমার চক্ষের জল দেখিতে পাইয়া-  
ছিলেন,—জিজ্ঞাসা করিলেন,

“কে, বঙ্গনি!”

সকল ভুলিয়া গেলাম। বাগ ভুলিলাম। অপমান ভুলি-  
লাম, হুঃখ ভুলিলাম।—কাণে বাজিতে লাগিল--“কে, বঙ্গনি।”  
আমি উত্তর কবিরাম না—মনে কবিরাম আব ছুই একবার  
জিজ্ঞাসা করন্—আমি শুনিয়া কাণ জুড়াই।

ছোট বাবু জিজ্ঞাসা করিলেন,

“বঙ্গনি। কাঁদিতেছ কেন?”

আমার অন্তর আনন্দে ভরিতে লাগিল—চক্ষের জল আবও  
উছলিতে লাগিল। আমি কথা কহিলাম না—আবও জিজ্ঞাসা  
করন্। মনে কবিরাম আমি কি ভাগ্যবতী। বিধাতা আমার  
কাণ কবিরামে, কালা কবেন নাট।

তিনি আবার জিজ্ঞাসা করিলেন,

“কেন কাঁদিতছ? কেহ কিছু বলিয়াছে?”

আমি সেবার উত্তর কবিরাম—ঠাহার সঙ্গে কথোপকথনের  
সুখ, যদি জন্মে একবার যটতেছে—তবে ত্যাগ কবি কেন?  
আমি বলিলাম,

“ছোট মা তিবন্ধাব কবিরামে।”

ছোট বাবু হাসিলেন—বলিলেন, “ছোট মার কথা ধরিও  
না—ঠাহার মুখ ঐ বরম—কিছু মনে বাগ কবেন না। তুমি  
আমার সঙ্গে এস—এখনই তিনি আবার ভাল কথা বলিবেন।”



তাঁহাব সঙ্গে কেন না যাইব ? তিনি ডাকিলে, কি আব বাগ থাকে ? আমি উঠিলাম—তাঁহাব সঙ্গে চলিলাম । তিনি সিঁড়িতে উঠিতে লাগিলেন—আমি পশ্চাৎ পশ্চাৎ উঠিতে ছিলাম । তিনি বলিলেন, “তুমি দেখিতে পাও না—সিঁড়িতে উঠ কিরূপে ? না পাব, আমি হাত ধরিয়া হেঁচকা যাইতেছি ।”

আমাব গা কাঁপিয়া উঠিল—সৰ্ব্বশরীরে বোমাঞ্চ হইল—তিনি আমাব হাত ধরিলেন । ধকন না—লোকে নিন্দা কবে ককক—আমাব নারীজন্ম সার্থক হউক । আমি পবেব সাহায্য ব্যতীত কলিকাতাব গলি গলি বেড়াতে পাবি, কিন্তু ছোটবাবুকে নিষেধ কবিলাম না । ছোট বাবু—বলিব কি ? কুঁ বলিয়া বলিব—উপযুক্ত কথা পাই না—ছোটবাবু হাত ধরিলেন ।

যেন একটি প্রভাত-প্রকল্পপদ্ম, দলগুলিব দ্বাৰা আমাব প্রকোষ্ঠ বোঁড়িয়া ধবিল—যেন গোলাবেব ম্বালা গাঁথিয়া কে আমাব হাতে বেঁড়িয়া দিল । আনাই আব কিছু মনে নাই । বুঝি, সেই সময়ে, ইচ্ছা হইয়াছিল—এখন মবি না কেন ? বুঝি তখন গলিবা জল হইয়া যাইতে ইচ্ছা কবিয়াছিল—বুঝি ইচ্ছা কবিয়াছিল শচীন্দ্র আব আমি, দুইট কুল হইয়া এইরূপ সংস্পৃষ্ট হইয়া, কোন বন্যবৃক্ষে গিবা এক বোঁটার ঝুলিয়া থাকি । আব কি মনে হইয়াছিল—তাহা মনে নাই । যখন সিঁড়িব উপবে উঠিয়া, ছোটবাবু হাত ছাড়িয়া দিলেন—তখন দীর্ঘনিশ্বাস ত্যাগ কবিলাম—এ সংসার আঁর্বাঁ মনে পড়িল—

সেই সঙ্গে মনে পড়িল—“কি কবিলে প্রাণেশ্বর । না বুঝিয়া  
কি করিলে ! তুমি আমাব পাণিগ্রহণ কবিয়াছ । এখন তুমি  
আমাব গ্রহণ কব না কব—তুমি আমাব স্বামী—আমি তোমাব  
পত্নী—ইহজন্মে অক্ল কুলওয়ালীব আব কেহ স্বামী হইবে না ।”

সেই সময়ে কি পোড়া লোকের চোখ পড়িল ? বুঝি তাই ।



পঞ্চম পরিচ্ছেদ ।

ছোটবাবু ছোট মাব কাছে গিয়া, জিজ্ঞাসা করিলেন, “বজনীকে কি বলিয়াছ গা ? সে কাঁদিতেছে।” ছোট মা আমাব চক্ষে জল দেখিয়া অপ্রতিভ হইলেন,—আমাকে ভাল কথা বলিয়া কাছে বসাইলেন—বয়োজ্যেষ্ঠ সপত্নীপুত্রের কাছে সকল কথা ভাগিয়া বলিতে পাবিলেন না। ছোটবাবু ছোট মাকে প্রশ্ন দেখিয়া নিজ প্রশ্নোজনে বড় মাব কাছে চলিয়া গেলেন। আমিও বাড়ী ফিবিয়া আসিলাম।

এ দিকে গোপাল বাবুব সঙ্গে আমাব বিবাহেব উদ্যোগ হইতে লাগিল। দিনস্থিব হইল। আমি কি কবিব ? ফুল গাঁথা বন্ধ কবিয়া, দিবাবাত্র কিসে এ বিবাহ বন্ধ কবিব—সেই চিন্তা কবিতো লাগিলাম। এ বিবাহে মাতাব আনন্দ, পিতাব উৎসাহ, লবঙ্গলতাব যত্ন, ছোটবাবু ঘটক—এই কথাটা সর্কাপেক্ষা কষ্টদায়ক—ছোটবাবু ঘটক। - আমি একা অন্ধ কি প্রকাবে ইহাব প্রতিবন্ধকতা কবিব ? কোন উপায় দেখিতে পাইশাম না। মালা গাঁথা বন্ধ হইল। মাতাপিতা মনে করিলেন, বিবাহেব আনন্দে আমি বিহ্বল হইয়! মালা গাঁথা ত্যাগ কবিয়াছি।

ঈশ্বর আমাকে এক সহায় আনিয়া দিলেন। বলিয়াছি, গোপালবাবুব বিবাহ ছিল—তাঁহাব পত্নীব নাম চাঁপা—বাপ

রেখেছিল, চম্পকলতা । চাঁপাই কেবল এ বিবাহে অসম্মত । চাঁপা একটু শক্ত মেবে । যাহাতে ঘবে মপত্নী না হব—তাহার চেষ্টার কিছু ক্রটি করিল না ।

হীবালাল নামে চাঁপাব এক ভাই ছিল—চাঁপাব অপেক্ষা দেড় বৎসবেব ছোট । হীবালাল মদ খায়—তাহাও অল্প মাত্রায় নহে । শুনিয়াছি গাঁজাও টানে । তাহাব পিতা তাহাকে লেখা পড়া শিখান নাই—কোনপ্রকারে সে হস্তাক্ষরটি শ্রম্বত কবিয়াছিল মাত্র, তথাপি বামসদয় বাবু তাহাকে কোথা কেবানিগিবি কবিয়া দিয়াছিলেন । মাতলামিব দোষে সে চাকবিটি গেল । হবনাথ বসু, তাহাব দমে ভুলিয়া, লাভেব আশায় তাহাকে দোকান কবিয়া দিলেন । দোকানে লাভ দুবে থাক দেনা পড়িল—দোকান উঠিয়া গেল । তাব পব কোন গ্রামে, বাব টাকা বেতনে হীবালাল মাষ্টাব হইয়া গেল । সে গ্রামে মদ প্লাওয়া যায় না বলিয়া হীবালাল পলাইয়া আসিল । তার পব সে একখানা খববেব কাগজ কবিল । দিনকতক তাহাতে খুব লাভ হইল, বড পসাব জাঁকিল—কিন্তু অশ্লীলতা দোষে পুলিষে টানাটানি আবস্ত কবিল—ভয়ে হীবালাল কাগজ ফেলিয়া রপোষ হইল । কিছুদিন পবে হীবালাল আবাব হঠাৎ ভাসিয়া উঠিয়া ছোট বাবুব মোসাবেবি কবিতে চেষ্টা কবিতে লাগিল । কিন্তু ছোট বাবুব কাছে মদেব চাল নাই দেখিয়া আপনা আপনি সবিল । অনন্যোপায় হইয়া নাটক লিখিতে আবস্ত করিল । নাটক একখানিও বিক্রয় হইল না ।

তবে ছাপাখানার দেনা শোধিতে হয় না বলিয়া সে যাত্রা বন্ধ পাইল। এক্ষণে এ ভবসংসাবে আব কুল কিনারা না দেখিয়া—হীবালাল চাপাদিদিব আঁচল ধবিয়া বসিয়া বহিল।

চাপা হীবালালকে স্বকার্য্যোদ্ধাব জন্য নিয়োজিত কবিল। হীবালাল ভগিনীক কাছে সবিশেষ শুনিয়া জিজ্ঞাসা কবিল,

“টাকার কথা সত্য ত? যেই কাণীকে বিবাহ কবিবে; সেই টাকা পাইবে?”

চাপা সে বিষয়ে সন্দেহভঞ্জন কবিল। হীবালালের টাকার বড় দরকাব। সে তখনই আমার পিতৃভবনে আসিয়া দর্শন দিল। পিতা তখন বাড়ী ছিলেন। আমি তখন সেখানে ছিলাম না। আমি নিকটস্থ অন্য ঘরে ছিলাম—অপবিচিত্ত পুরুষে পিতার সঙ্গে কথা কহিতেছে, কণ্ঠস্ববে জানিতে পারিয়া, কাণ পাতিয়া কথাবার্তা শুনিতে লাগিলাম। হীবালালের কি কৰ্কশ কদর্গা স্বব!

হীবালাল বলিতেছে “সতীনের উপর কেব মেয়ে দিবে।”

পিতা ছুঃখিতভাবে বলিলেন, “কি কবি। না দিলে ত বিবে ভব না—এতকাল ত হলো না।”

হীবালাল। কেন, তোমার মেয়ের বিবাহের ভারমা কি?

পিতা হাসিলেন, বলিলেন, “আমি গবির—ফুল বেচিয়া খাই—আমার মেয়ে কে বিবাহ কবিবে? তাতে আবার কাণা মেয়ে, আবার বদনও চেব হযেছে।”

হীবা। “কেন পাত্রের অভাব কি? আমায় বলিলে আমি

বিয়ে করি। এখন বয়ঃস্থা মেয়ে ত লোকে চায়। আমি যখন স্কুলে ভিষ্চুশাং পত্রিকাৰ এডিটাব ছিলাম, তখন আমি মোম্বে বড কবিয়া বিবাহ দিবাব জনা কত আর্টিকেল লিখেছি— পড়িয়া আকাশেব মেব ডেকে উঠেছিল। বাল্যবিবাহ। ছি। ছি। মেয়ে ত বড কবিয়াই বিবাহ দিবে। এমো। আমাকে দেশেব উন্নতিব একজাম্পল সেট্ কবিত্তে দাও—আমিই এ মেয়ে বিয়ে কবিব।”

আমবা তখন হীবালালেব চবিত্ত্বেব কথা সবিশেষ শুনি নাই—পশ্চাৎ শুনিয়াছি। পিতা ইতস্ততঃ কবিত্তে লাগিলেন। এতবড পণ্ডিত জামাই হাতছাড়া হয় ভাবিয়া শেষ একটু দুঃখিত হইলেন; শেষ বলিলেন, “এখন কথা ধার্য্য হইয়া গিয়াছে—এখন আব নডচড হয় না। বিশেষ এবিবাহেব কৰ্ত্তা শচীন্দ্র বাবু। তাঁহাবাই বিবাহ দিতেছেন। তাঁহাবা যাহা কবিবেন তাহাই হইবে। তাঁহাবাই গোপাল বাবুব সঙ্গে সম্বন্ধ কবিয়াছেন।”

হীবা। তাঁদেব মতলব তুমি কি বুঝিবে? বড মান্নবেব চবিত্ত্বেব অন্ত পাওবা ভাব। তাঁদেব বড বিশ্বাস কবিও না। এই বলিয়া হীবালাল চুপিচুপি কি বলিল তাহা শুনিতে পাইলাম না। পিতা বলিলেন “সে কি? না—আমার কাণা মেয়ে।”

হীবালাল তৎকালে ভগ্নমনোবথ হইয়া ঘবেব এদিক্ সেদিক্ দেখিতে লাগিল। চারিদিক্ দেখিয়া বলিল,

“তোমাব ঘবে মদ নাই, বটে হে?” পিতা বিাত্ত হইলেন, বলিলেন “মদ । কি জন্য বাখিব ।”

হীবালাল মদ নাই জানিয়া, বিচ্ছেব ন্যায় বলিল,

“সাবধান কবিবা দিবাব জন্য বন্ছিলাম । এখন তদ্র লোকেব সঙ্গে কুটুধিত্তা কবিত্তে চলিলে, ওগুণা যেন না থাকে ।’

কথাত্তি পিতাব বড ভাল লাগিল না । তিদি চুপ কৰিয়া রহিলেন । হীবালাল না বিবাহে, না মদে, কোন দিকেই দেশেব উন্নতিব একজাম্পল সেট কবিত্তে না পাবিয়া, ক্ষুণ্ণমনে বিদায় হইল ।



ষষ্ঠ পবিচ্ছেদ ।



বিবাহের দিন অতি নিকট হইল—আব একদিনমাত্র বিলম্ব আছে। উপায় নাই। নিষ্কৃতি নাই। চাবিদিক্ হইতে উচ্ছাদিত বাবিবাশি গর্জিয়া আসিতেছে—নিশ্চিত ডুবিব।

তখন লজ্জায় জলাঞ্জলি দিয়া, মাতার পায়ে আছড়াইয়া পড়িয়া কাঁদিতে লাগিলাম। যোডহাত কবিতা বলিলাম—  
“আমাব বিবাহ্ দিও না—আমি আইবুড় থাকিব।”

মা বিস্মিত হইয়া জিজ্ঞাসা করিলেন “কেন ?” কেন ? তাহার উত্তর দিতে পাবিলাম না। কেবল যোডহাত কবিতা লাগিলাম—কেবল কাঁদিতে লাগিলাম। মাতা, বিবক্ত হইলেন,—বাগিয়া উঠিলেন, গালি দিলেন। শেষ পিতাকে বলিয়া দিলেন। পিতাও গালি দিয়া মারিতে আসিলেন। আব কিছু বলিতে পাবিলাম না।

উপায় নাই। নিষ্কৃতি নাই। ডুবিলাম।

সেইদিন বৈকালে গৃহে কেবল আমি একা ছিলাম—পিতা বিবাহের খবরসংগ্রহে গিয়াছিলেন—মাতা দ্রব্যসামগ্রী কিনিতে গিয়াছিলেন। এ সব যে সময়ে হয়, সে সময়ে আমি দ্বাব দিয়া থাকিতাম, না হয় বামাচরণ আমাব কাছে বসিয়া থাকিত। বামাচরণ ৩ দিন বসিয়াছিল। একজন কে দ্বাব



ঠেলিয়া গৃহমধ্যে প্রবেশ কবিল। চেনা পায়ের শব্দ নহে।  
জিজ্ঞাসা কবিলাম, “কে গা ?”

উদ্ভব “তোমাব যম।”

কথা কোপযুক্ত বটে কিন্তু স্বব স্ত্রীলোকেব। ভয় পাইলাম  
না। হাসিয়া বলিলাম—“আমাব যম কি আছে? তবে এত  
দিন কোথা ছিলে।”

স্ত্রীলোকটির বাগশাস্তি হইল না। “এখন জান্‌বি। বড  
বিষেব সাধ। পোড়াবমুখী, আবাগী।” ইত্যাদি গালির  
ছড়া আবস্ত হইল। গালি সমাপ্তে সেই মধুবভাষিণী বলিলেন,  
“হা দেখ, কাণি, যদি আমাব স্বামীব সঙ্গে তোব বিবে হয়,  
তবে যে দিন তুই ঘর কবিত্তে যাইবি, সেইদিন তোকে বিষ  
খাওয়াইয়া মাবিব।”

বুলিলাম চাঁপা খোদ। আদব কবিয়া বসিত্তে বলিলাম।  
বলিলাম, “শুন—তোমাব সঙ্গে কথা আছে।” এত গালির  
উদ্ভবে সাদৃবসস্তাষণ দেখিয়া, চাঁপা একটু শীতল হইয়া বসিল।

আমি বলিলাম, “শুন, এ বিবাহেঁ তুমি যেমন বিবস্ত্ত,  
আমিও তেমনি। আমাব এ বিবাহ বাহাতে না হব, আমি  
তাছাট্ট করিত্তে বাজ্জি আছি। কিসে বিবাহ বন্ধ হয় তাহার  
উপায় বলিত্তে পার ?”

চাঁপা বিস্মিত্ত হইল। বলিল, “তা তোমাব বাপ মাকে  
বল না কেন ?”

আমি বলিলাম, “ছাজাব বার বলিয়াছি। কিছু হয় নাই।”

চাপা । বাবুদের বাড়ী গিয়া তাঁদের হাতে পায়ে ধব না কেন ?

আমি । তাতেও বিছু হয় নাই ।

চাপা, একটু ভাবিয়া বলিল, “তবে এক কাজ করিবি ?”

আমি । কি ?

চাপা । ছুদিন লুকাইয়া থাকিবি ?

আমি । কোথায় লুকাইব ? আমার স্থান কোথায় আছে ?

• চাপা আমার একটু ভাবিল । বলিল, “আমাব বাপের বাড়ী গিয়া থাকিবি ?”

ভাবিনাম মন্দ কি ? আব ত উদ্ধাবের কোন উপায় দেখি না । বলিলাম, “আমি কাণা, নতন স্থানে আমাকে কে পথ চিনাইয়া লইয়া যাইবে ? তাহাবাই বা স্থান দিবে কেন ?”

চাপা আমার সৰ্ব্বনাশিনী কুপ্রবৃত্তি মূর্তিমতী হইয়া আসিয়াছিল ; সে বলিল “তোব তা ভাবিতে হইবে না । সে সব বন্দবস্ত আমি করিব । আমি সাম্র লোক দিব, আমি তাদের বলিবা পাঠাইব । তুই যাস্ ত বন্ ?

মজ্জনোগ্রন্থের সমীপবর্তী বাষ্ঠকলকবৎ এষ্ট প্রবৃত্তি আমার চক্রে একমাত্র বক্ষাব উপায় বলিয়া বোধ হইল । আমি সম্মত হইলাম ।

চাঁপা বলিল, “আচ্ছা, তবে ঠিক থাকিস্। রাত্রে সবাই ঘুমাইলে আমি আসিয়া দ্বাবে টোকা মারিব, বাহির হইয়ু আসিস্।”

আমি সশ্রুত হইলাম।

বাত্রি দ্বিতীয় প্রহবে দ্বাবে ঠক্ঠক্ কবিয়া অল্প শব্দ হইল। আমি জাগ্রত ছিলাম। দ্বিতীয় বস্তু মাত্র লইয়া, আমি দ্বারো-দ্যাটনপূর্বক বাহিব হইলাম। বুঝিলাম চাঁপা দাঁড়াইয়া আছে। তাহার সঙ্গে চলিলাম। একবার ভাবিলাম না, একবার বুঝিলাম না, যে কি দুর্লক্ষ্য কবিতেছি। পিতা মাতার জন্য মন কাতব হইল বটে, কিন্তু তখন মনে মনে বিশ্বাস ছিল, যে অল্প দিনেব জন্য যাইতেছি। বিবাহেব কথা নিবৃত্তি পাঠিলেই আবার আসিব।

আমি চাঁপাব গৃহে—আমাব শ্বশুরবড়ী ?—উপস্থিত হইলে—চাঁপা আমায় সদ্যই লোক সঙ্গে দিয়া বিদায় কবিল—পাছে তাহাব স্বামী জানিতে পাবে, এই ভয়ে বড় তাড়াতাড়ি কবিল—যে লোক সঙ্গে দিল, তাহাব সঙ্গে যাওয়ার পক্ষে আমাব বিশেষ আপত্তি—কিন্তু চাঁপা এমনই তাড়াতাড়ি কবিল, যে আমাব আপত্তি ভাসিয়া গেল। মনে কব কাহাকে আমার সঙ্গে দিল ? হীবালালকে।

হীবালালেব মন্দ চবিত্তেব কথা তখন আমি কিছুই জানিতাম না। সেজন্ত আপত্তি কবি নাই। সে যুবাপুরুষ—

আমি যুবতী—তাহার সঙ্গে কি প্রকারে একা যাইব ? এই আপত্তি । কিন্তু তখন আমার কথা কে শুনে ? আমি অন্ধ, পঞ্চ অপবিচিত, রাত্রে আসিয়াছি—সুতবাং পথে যে সকল শব্দঘটিত চিহ্ন চিনিয়া বাখিয়া আসিয়া থাকি, সে সকল কিছু গুণিতে পাই নাই—অতএব বিনাসহায়ে বাড়ী ফিবিয়া যাইতে পারিলাম না—বাড়ী ফিবিয়া গেলেও সেই পাপ বিবাহ ! অগত্যা হীবালালের সঙ্গে যাইতে হইল । তখন মনে হইল—আর কেহ অন্ধের সহায় থাক না থাক—মাথার উপর দেবতা আছেন ; তাঁহারা কখনও লবঙ্গলতাব ন্যায়, পীড়িতকে পীড়ন করিবেন না ; তাঁহাদের দয়া আছে, শক্তি আছে, অবশ্য দয়া করিয়া আমাকে বক্ষা করিবেন—নহিলে দয়া কাব জন্ত ?

তখন জ্ঞানিতাম না যে ঐশিক নিয়ম বিচিত্র—মনুষ্যের বুদ্ধির অতীত—আমবা যাহাকে দয়া বলি, ঈশ্বরের অনন্ত জ্ঞানের কাছে তাহা দয়া নহে—আমবা যাহাকে পীড়ন বলি—ঈশ্বরের অনন্ত জ্ঞানের কাছে তাহা পীড়ন নহে । তখন জ্ঞানিতাম না যে এই সংসারের অনন্ত চক্র দযাদাক্ষিণ্য শূন্ত, সে চক্র নিয়মিত পথে অনতিক্ষুন্ন বেথায় অহরহ চলিতেছে, তাহাব দাক্ষণ বেগের পথে যে পড়িবে—অন্ধ হউক, থঞ্জ হউক, আর্ন্ত হউক, সেই পিষিয়া মবিবে । আমি অন্ধ নিঃসহায় বলিয়া, অনন্ত সংসারচক্র পথ ছাড়িয়া চলিবে কেন ?

হীরালালের সঙ্গে প্রশস্ত বাজপথে বাহির হইলাম—তাহার পদশব্দ অহুঁসবণ করিয়া চলিলাম—কোথাকার ঘড়িতে

একটা বাজিল । পথে কেহ নাই—কোথাও শব্দ নাই—দুই একথানা গাড়িব শব্দ—দুই একজন সুবাপহৃতবুদ্ধি কামিনীৰ অনন্থগীতিশব্দ। আমি হীবালালকে সহসা জিজ্ঞাসা কবিলাম—

“হীবালাল বাবু, আপনাব গায়ে জোৰ কেমন ?”

হীবালাল একটু বিস্মিত হইল—বলিল “কেন ?”

আমি বলিলাম, “জিজ্ঞাসা কবে ?”

হীবালাল বলিল, “তা মন্দ নয় ।”

আমি । তোমাব হাতে কিসেব লাঠি ?

হীবা । তালেব ।

আমি । ভাঙ্গিতে পাব ?

হীবা । সাধ্য কি ?

আমি । আমাব হাতে দাও দেখি ।

হীবালাল আমাব হাতে লাঠি দিল । আমি তাহা ভাঙ্গিয়া দিখও কবিলাম । হীবালাল আমাব বল দেখিয়া বিস্মিত হইল । আমি আধথানা তাহাকে দিবা, আধথানা আপনি বাখিলাম । তাহাব লাঠি ভাঙ্গিয়া দিলাম দেখিয়া হীবালাল বাগ কবিল । আম বলিলাম,—“আমি এখন নিশ্চিত হই লাম—বাগ কবিও না । তুমি আমাব বল দেখিলে—আমাব হাতে এই আধথানা লাঠি দেখিলে—তোমাব ইচ্ছা থাকিলেও তুমি আমাব উপৰ কোন অত্যাচাব কবিতে সাহস কবিবে না ।”

হীবালাল চুপ কবিয়া বহিল ।

সপ্তম পবিচ্ছেদ

হীবালাল, জগন্নাথের ঘাটে গিয়া নৌকা কবিল ।  
 বাত্রিকালে দক্ষিণাবাতাসে পাল দিল । সে বলিল তাহাদেব  
 পিত্রালয় ছগলী । আমি তাহা জিজ্ঞাসা কবিত্তে ভুলিয়া  
 গিয়াছিলাম ।

পথে হীবালাল বলিল, “গোপালের সঙ্গে তোমাব বিবাহ  
 ত হইবে না—আনায় বিবাহ কব ।” আমি বলিলাম “না ।”  
 হীবালাল বিচাব আবন্ত কবিল । তাহাব যত্ন যে বিচাবেব দ্বাৰা  
 প্রতিপন্ন কবে, যে তাহাব ন্যায় সৎপাত্ৰ পৃথিবীতে দুৰ্লভ ;  
 আমাব ন্যায় কুপাত্ৰীও পৃথিবীতে দুৰ্লভ । আমি উভয়ই  
 স্বীকাব কবিলাম—তথাপি বলিলাম যে “না, তোমাকে বিবাহ  
 কবিব না ।”

তখন হীবালাল বড জ্বুরু হইল । বলিল, “কাণাকে কে  
 বিবাহ কবিত্তে চাহে ।” এই বলিয়া নীবব হইল । উভয়ে  
 নীববে বহিলাম—এইকপে বাত্রি কাটিতে লাগিল ।

তাহাব পবে, শেষ বাত্রে, হীবালাল অকস্মাৎ মাঝিদিগকে  
 বলিল, “এইখানে ভিডো ।” মাঝিরা নৌকা লাগাইল—  
 নৌকাতলে ভূমিস্পর্শেব শব্দ শুনিলাম । হীবালাল আমাকে  
 বলিল “নাম—আসিয়াছি ।”—সে আমাবে হাত ধবিয়া  
 নামাইল । আমি কূলে দাড়াইলাম ।

তাহার পরে, শব্দ শুনিলাম, যেন হীরালাল আবার নৌকায় উঠিল। মাঝিদিগকে বলিল “দে নৌকা খুলিয়া দে।” আমি বলিলাম “সে কি? আমাকে নামাইয়া দিয়া নৌকা খুলিয়া দাও কেন?”

হীবালাল বলিল, “আপনার পথ আপনি দেখ।” মাঝিরা নৌকা খুলিতে লাগিল—দাঁড়ের শব্দ শুনিলাম। আমি তখন কাতব হইয়া বলিলাম, “তোমার পায়ে পড়ি! আমি অন্ধ—যদি একান্তই আমাকে ফেলিয়া যাইবে, তবে কাহাবও বাড়ী পর্য্যন্ত আমাকে বাখিয়া দিয়া যাও। আমি ত এখানে কখনও আসি নাই—এখানকার পথ চিনিব কি প্রকাবে?”

হীবালাল বলিল, “আমাকে বিবাহ করিতে সম্মত আছ?”

আমার কান্না আসিল। ক্ষণেক বোদন করিলাম; বাগে হীবালালকে বলিলাম, “তুমি যাও। তোমার কাছে কোম উপকারও পাইতে নাই—বাত্রি প্রভাত হইলে তোমার অপেক্ষা দর্বাণু শত শত লোকের সাক্ষাৎ পাইব। তাহারা অন্ধের প্রতি তোমার অপেক্ষা দয়া করিবে।”

হী। দেখা পেলো ত? এ যে চড়া। চারিদিকে জল। আমাকে বিবাহ করিবে?

হীবালালের নৌকা তখন কিছু বাহিবে গিয়াছিল। শ্রবণশক্তি আমার জীবনাবলম্বন—শ্রবণেই আমার চক্ষের কাজ কবে। কেহ কথা कहিলে—কত দূবে, কোন দিকে কথা

কহিতেছে তাহা অমুভব করিতে পারি। হীবালাল কোন দিকে, কতদূবে থাকিয়া কথা কহিল, তাহা মনে মনে অমুভব কবিয়া, জলে নামিয়া সেই দিকে ছুটলাম—ইচ্ছা নৌকা ধুবিব। গলাজল অবধি নামিলাম। নৌকা পাইলাম না। নৌকা আবও বেশী জলে। নৌকা ধবিতে গেলে ডুবিয়া মবিব।

ভালেব লাঠি তখনও হাতে ছিল। আবার ঠিক কবিয়া শব্দামুভব কবিয়া বুঝিলাম 'হীবালাল এই দিকে, এত দূব হইতে কথা কহিতেছে। পিছু হটিয়া, কোমবজলে উঠিয়া, শব্দেব স্থানামুভব কবিয়া, সবলে সেই তালেব লাঠি নিক্ষেপ কুবিলাম।

চীৎকাব কবিয়া হীবালাল নৌকাব উপব পড়িয়া গেল। “খুন হইয়াছে, খুন হইয়াছে।” বলিয়া মাঝিবা নৌকা খুলিয়া দিল। বাস্তবিক—সেই পাপিষ্ঠ খুন হয় নাই। তখনই তাহাব মধুব বর্গ শুনিতে পাইলাম—নৌকা বাহিয়া চলিল—সে উচ্চৈঃস্ববে আমাকে গালি দিতে দিতে চলিল—অতি কদর্যা অশ্রাব্য ভাষাষ পবিত্রা গঙ্গা কলুষিত কবিতে কবিতে চলিল। আমি স্পষ্ট শুনিতে পাইলাম যে, সে শাসাইতে লাগিল, যে আবার খববেব কাগজ কবিয়া, আমার নামে আর্টিকেল লিখিবে।





### অষ্টম পরিচ্ছেদ ।

সেই জনহীনা বাত্রিতে, আমি অন্ধযুবতী, একা সেই দ্বীপে  
দাঁড়াইয়া, গঙ্গাব কলকল জলকল্লোল শুনিতে লাগিলাম ।

হায়, মানুষেব জীবন ! কি অসাব তুই ! কেন আসিস্—  
কেন থাকিস্—কেন যাস্ ? এ তুঃখময় জীবন কেন ? ভাবিলে  
জ্ঞান থাকে না । শচীন্দ্র বাবু, একদিন তাঁহাব মাতাকে  
বুঝাইতেছিলেন, সকলই নিয়মাধীন । মানুষেব এই জীবন কি  
কেবল সেই নিয়মেব কল ? যে নিয়মে ফুল ফুটে, মেঘ ছুটে,  
চাঁদ উঠে,—যে নিয়মে জড়বুদ্ধ ভাসে, ভাসে, মিলায়, যে  
নিয়মে ধূলা উড়ে, তণ পুড়ে, পাতা খসে, সেই নিয়মেই কি এই  
সুখতুঃখময় মনুষ্যজীবন আবদ্ধ, সম্পূর্ণ, বিনীত হয় ? যে নিয়মেব  
অধীন হইয়া ঐ নদীগর্ভস্থ কুস্তীৰ শিকাবেব সন্ধান করিতেছে—  
যে নিয়মেব অধীন হইয়া এই চরে ক্ষুদ্র নীটসকল অগ্র কীটের  
সন্ধান কবিয়া বেড়াইতেছে, সেই নিয়মেব অধীন হইয়া আমি  
শচীন্দ্রেব জন্য প্রাণত্যাগ কবিতে বসিয়াছি ? ধিক প্রাণত্যাগে ।  
ধিক প্রণবে, ধিক মনুষ্যজীবনে ! কেন এই গঙ্গাজলে হঁহা  
পবিত্যাগ কবি না ?

জীবন অসাব—সুখ নাই বলিয়া অসাব, তাহা নহে ।  
শিমুলগাছে শিমুল ফুলই ফুটিবে, তাহা বলিয়া তাহাকে অসাব

বলিব না । ছুঃখময় জীবনে ছুঃখ আছে বলিয়া তাহাকে  
 অসাব বলিব না । কিন্তু অসাব বলি এই জন্য, যে ছুঃখই  
 ছুঃখেব পরিণাম—তাহাব পব আব কিছু নাই । আমাব মন্মোহ  
 ছুঃখ, আমি একা ভোগ কবিনাম, আব কেহ জানিল না—আব  
 কেহ বুঝিল না—ছুঃখ প্রকাশেব ভাষা নাই বলিয়া তাহা বলিতে  
 পাবিলাম না ; শ্রোতা নাই বলিয়া তাহা শুনাইতে পাবিলাম  
 না—সহদয় বোদ্ধা নাই বলিয়া তাহা বুঝাইতে পাবিলাম না ।  
 একটি শিমূল বৃক্ষ হইতে সহস্র শিমূল বৃক্ষ হইতে পাবিবে, কিন্তু  
 তোমাব ছুঃখে আব কযজনেব ছুঃখ হইবে । পবেব অন্তঃকবণ-  
 মূধ্যে পবে প্রবেশ কবিতে পাবে, এমন কযজন পব পৃথিবীতে  
 জন্মিয়াছে ? পৃথিবীতে কে এমন জন্মিয়াছে, যে অন্ধ পুষ্প  
 নাবীৰ ছুঃখ বুঝিবে ? কে এমন জন্মিয়াছে যে এ ক্ষুদ্র হৃদয়ে,  
 প্রতি কথাৰ, প্রতি শব্দে, প্রতি বর্ণ, কত সূখছুঃখেব তবঙ্গ  
 উঠে, তাহা বুঝিতে পাবে ? সূখ ছুঃখ ? হাঁ সূখও আছে ।  
 যখন চৈত্রমাসে, ফুলেব বোকাৰ সঙ্গে সঙ্গে মৌমাছি ছুটিবা  
 আমাদেব গৃহমধ্যে প্রবেশ কবিত, তখন সে শব্দেব সঙ্গে আমাব  
 কত সূখ উছলিত, কে বুঝিত ? যখন গীতিবাবসায়িনীৰ অট্টা-  
 লিকা হইতে বাদ্যানিক্ৰম, সান্দ্যসনীবেণে কৰ্ণে আসিত, তখন  
 আমাব সূখ কে বুঝিয়াছে ? যখন বামাচৰণেব আধ আধ কথা  
 ফুটিয়াছিল—জল বলিতে “ত” বলিত, কাপড় বলিতে “খাব”  
 বলিত, বঙ্গনী বলিতে “জুঞ্জি” বলিত, তখন, আমাব মনে  
 কত সূখ উছলিত তাহা কে বুঝিয়াছিল ? আমাব ছুঃখই বা

কে বুঝাবে ? অক্লেব কপোন্মাদ কে বুঝবে ? না দেখায় যে ছঃখ তাহা কে বুঝবে ? বুঝিয়েও বুঝিতে পাবে, কিন্তু ছঃখ যে কখন প্রকাশ করিতে পাবিলাম না, এ ছঃখ কে বুঝিবে ? পৃথিবীতে যে ছঃখেব ভাষা নাই, এ ছঃখ কে বুঝিবে ? ছোট মুখে বড় কথা তোমরা ভাল বাস না, ছোট ভাষায় বড় ছঃখ কি প্রকাশ করা যায় ? এমনই ছঃখ, যে আমার যে কি ছঃখ, তাহাতে হৃদয় ধ্বংস হইলেও, সকলটা আপনি মনে ভাবিয়া আনিতে পাবি না ।

মহুষ্যভাষাতে তেমন কথা নাই—মহুষ্যেব তেমন চিন্তাশক্তি নাই । ছঃখ ভোগ করি—কিন্তু ছঃখটা বুঝিয়া উঠিতে পারি না । আমার কি ছঃখ ? কি তাহা জানি না, কিন্তু হৃদয় ফাটিয়া যাইতেছে । সর্বদা দেখিতে পাইবে যে, তোমার দেহ শীর্ণ হইতেছে, বল অপহৃত হইতেছে, কিন্তু তোমার শাবীবিষক বেগ কি তাহা জানিতে পারিতেছ না । তেমনি অনেক সময়ে দেখিবে, যে ছঃখে তোমার ঘঙ্গ বিদীর্ণ হইতেছে, প্রাণ বাহির্ব করিয়া দিয়া, শূন্যমার্গে পাঠাইতে ইচ্ছা করিতেছে—কিন্তু কি ছঃখ তাহা আপনি বুঝিতে পারিতেছ না । আপনি বুঝিতে পারিতেছ না—পবে বুঝিবে কি ? ইহা কি সামান্য ছঃখ ? সাধ করিয়া যদি জীবন অসাব ।

যে জীবন এমন ছঃখময়, তাহাব বক্ষাব জন্য এত ভয় পাইতেছিলাম কেন ? আনি কেন ইহা ত্যাগ করি না ? এই ত কলনাদিনীগঙ্গাক তবঙ্গমধ্যে দাঁডাইয়া আছি—আব চুই পা

অগ্রসর হইলেই মরিতে পাবি। না মরি কেন? এ জীৱন রাখিয়া কি হইবে? মবিব।

আমি কেন জন্মিলাম? কেন অন্ধ হইলাম? জন্মিলাম ত শচীন্দ্রের যোগ্য হইয়া জন্মিলাম না কেন? শচীন্দ্রের যোগ্য না হইলাম, তবে শচীন্দ্রকে ভাল বাসিলাম কেন? ভাল বাসিলাম তবে তাঁহার কাছে বহিতে পারিলাম না কেন? কিসেব জন্য শচীন্দ্রকে ভাবিয়া গৃহত্যাগ কবিতে হইল? নিঃসহায় অন্ধ, গঙ্গাব চবে মরিতে আসিলাম কেন? কেন বানের মুখে কুটাব মত, সংসারস্রোতে, অজ্ঞাতপথে ভাসিয়া চলিলাম? এ সংসাবে অনেক দুঃখী আছে, আমি সৰ্ব্বাপেক্ষা দুঃখী কেন? এ সকল কাহাব খেলা? দেবতাব? জীবের এত কষ্টে দেবতাব কি সুখ? কষ্ট দিবাব জন্য সৃষ্টি কবিয়া কি সুখ? মূৰ্ত্তিমতী নির্দয়তাকে কেন দেবতা বলিব? কেন নিষ্ঠুরতাব পূজা কবিব? মানুষের এত ভয়ানক দুঃখ কখন দেবরূত নহে—তাহা হইলে দেবতা বাঙ্গসেব অপেক্ষা মহত্বগুণে নিকৃষ্ট। তবে কি আমাব কস্মকল? কোন পাপে আমি জন্মিলাম?


ছই এক পা কবিয়া অগ্রসর হইতে লাগিলাম—মবিব। গঙ্গাব তবঙ্গবব কাণে বাজিতে লাগিল—বুঝি মবা হইল না—আমি নিষ্টশব্দ বড় ভাল বাসি। না, মবিব। চিবুক ডুবিল! অধব ডুবিল! আব একটু মাত্র। নাসিকা ডুবিল। চক্ষু ডুবিল। আমি ডুবিলাম!

ডুবিলাম, কিন্তু মল্লিলাম না। কিন্তু এ যন্ত্রণাময় জীবন-

চবিত, আর বলিতে সাধ কবে না। আব একজন  
বশিবে।

আমি সেই প্রভাতবায়ুতাড়িত গঙ্গাজলপ্রবাহমধ্যে নিমগ্ন  
হইয়া ভাসিতে ভাসিতে চলিলাম। ক্রমে শ্বাস নিশ্চেষ্ট,  
চেতনা বিনষ্ট হইয়া আসিল।





## দ্বিতীয় খণ্ড ।

অমবনাথের কথা ।

প্রথম পবিচ্ছেদ ।

আমাব এই অমাব জীবনের ক্ষুদ্র কাহিনী লিখিবাব বিশেষ প্রযোজন আছে । এ সংসাবসাগবে, কোন্ চরে লাগিয়া আমাব এই নোকা ভাঙ্গিয়াছে, তাহা এই বিশ্বচিত্রে আমি অঁকিবা রাখিব ; দেখিয়া নবীন নাবিকেরা সতর্ক হইতে পাবিবে ।

আমাব নিবাস—অথবা পিত্রালয়, শান্তিপুব—আনার বর্তমান বাসস্থানের কিছুমাত্র স্তিবতা নাই । আমি সংকায়স্থ-কুলোদ্ভূত, কিন্তু আমাব পিতৃকূলে একটি গুণকতব কলঙ্ক ষাটয়াছিল । আমাব খুল্যাতাপত্নী কুলত্যাগিনী হইয়াছিলেন । আমাব পিতাব ভূসম্পত্তি বাহা ছিল—তদ্বাবা অন্য উপায় অবলম্বন না কবিয়াও সংসাবযাত্রা নির্বাহ করা যায় । লোকে

তাঁহাকে ধনী বলিয়া গণনা করিত। তিনি আমার শিক্ষার্থ অনেক ধনব্যয় করিয়াছিলেন। আমিও কিঞ্চিৎ লেখা পড়া শিখিয়াছিলাম—কিন্তু সে কথায় কাজ নাই। সপ্তের মণি থাকে; আমারও বিদ্যা ছিল।

আমার বিবাহযোগ্য বয়স উপস্থিত হইলে আমার অনেক সম্বন্ধ আসিল—কিন্তু কোন সম্বন্ধই পিতার মনোমত হইল না। তাঁহার ইচ্ছা কন্যা পরমসুন্দরী হইবে, কন্যার পিতা পবন ধনী হইবে, এবং কোর্লীনোর নিয়ম সকল বজায় থাকিবে। কিন্তু একপ কোন সম্বন্ধ উপস্থিত হইল না। আসল কথা, আমা-দিগেব কুলকলঙ্ক শুনিয়া কোন বড় লোক আমাকে কন্যাটান করিতে ইচ্ছুক হযেন নাই। এইকপ সম্বন্ধ কবিত্তে করিত্তে আমার পিতাব পবলোক প্রাপ্তি হইল।

পবিশেষে, পিতাব স্বর্গারোহণেব পব আমার এক পিসী এক সম্বন্ধ উপস্থিত কবিলেন। গঙ্গাপাব, কালিকাপুব নামে এক গ্রাম ছিল। এই ইতিহাসে ভবানীনগব নামে অন্য গ্রামেব নাম উথাপিত হইবে, এই কালিকাপুব সেই ভবানীনগবের নিকটস্থ গ্রাম। আমার পিসীব খণ্ডবালয় সেই কালিকাপুবে। সেইখানে লবঙ্গ নামে কোন ভদ্রলোকেব কন্যাব সঙ্গে পিসী আমার সম্বন্ধ উপস্থিত কবিলেন।

সম্বন্ধেব পূর্বে আমি লবঙ্গকে সর্সদাই দেখিত্তে পাইতাম। আমার পিসীর বাড়ীতে আমি মধ্যে মধ্যে যাইতাম। লবঙ্গকে পিসীর বাড়ীতেও দেখিত্তাম—তাঁহাক পিত্রালয়েও দেখিত্তাম।

মধ্যে মধ্যে লবঙ্গকে শিশুবোধ হইতে “ক”য়ে করাত, “থ”য়ে থবা, শিখাইতাম। যখন তাহাব সঙ্গে আমার সঙ্ক হইল, তখন হইতে সে আমার কাছে আব আসিত না। কিন্তু সেই সময়েই আমিও তাহাবে দেখিবার জন্য অধিকতর উৎসুক হইয়া উঠিলাম। তখন লবঙ্গের বিবাহের বয়ঃক্রম উত্তীর্ণ হইয়াছিল—লবঙ্গ কলিকা ফোট ফোট হইয়াছিল। চক্ষু চাহনি চঞ্চল অথচ ভীত হইয়া আসিয়াছিল—উচ্চহাস্য মূহু এবং ব্রীড়ায়ুক্ত হইয়া উঠিয়াছিল—দ্রুতগতি মস্থ হইয়া আসিতেছিল। আমি মনে কবিতাম, এমন সৌন্দর্য্য কখন দেখি নাই—এ সৌন্দর্য্য যুবতীর অদৃষ্টে কখন ঘটে না। বস্তুতঃ অতীতশৈশব অথচ অপ্ৰাপ্তযৌবনাব সৌন্দর্য্য, এবং অক্ষুটবাক শিশুব সৌন্দর্য্য, ইহাই মনোহর—যৌবনের সৌন্দর্য্য তাদৃশ নহে। যৌবনে বসনভূষণের ঘটা, হাসি চাহনির ঘটা,—বেগীক দোলনি, বাহুব বলনি, গ্রীবার হেলনি, কথাব ছলনি—যুবতীর রূপের বিকাশ একপ্রকার দোকানদারি। আব আমবা যে চক্ষে সে সৌন্দর্য্য দেখি, তাহাও বিকৃত। যে সৌন্দর্য্যেব উপভোগে ইন্দ্রিয়েব সহিত সঙ্কযুক্ত চিত্তভাবেব সংস্পর্শ মাত্র নাই, সেই সৌন্দর্য্যই সৌন্দর্য্য।

এই সময়ে আমাদের কুলকলঙ্ক কন্যাকর্তাব কর্ণে প্রবেশ কবিল। সঙ্ক ভাঙ্গিয়া গেল। আমাব হৃদয়পতঙ্গী সবে এই লবঙ্গলতায় বসিতেছিল—এমত সময় ভবানীনগরেব বামসদয় মিত্র আসিয়া লবঙ্গলতা ছিঁড়িয়া লইয়া গেল। তাহাব সঙ্গে



লবঙ্গলতার বিবাহ হইল। লবঙ্গলাভে নিরাশ হইয়া আমি বড় ক্ষুব্ধ হইলাম।

ইহার কয়বৎসর পবে এমন একটা ঘটনা ঘটিল, যে তাহা আমি বলিতে পারিতেছি না। পশ্চাৎ বলিব, কি না তাহাও স্থির করিতে পারিতেছি না। সেই অবধি আমি গৃহত্যাগ কবিলাম। সেই পর্য্যন্ত নানা দেশে ভ্রমণ করিয়াই বেড়াই। কোথাও স্থায়ী হইতে পারি নাই।

কোথাও স্থায়ী হই নাই. কিন্তু মনে করিলেই স্থায়ী হইতে পারিতাম। মনে কবিলে কুলীনব্রাহ্মণেব অপেক্ষা অধিক বিবাহ কবিতে পারিতাম। আমার সব ছিল—ধন, সম্পদ, বয়স, বিদ্যা, বাহুবল—কিছুবই অভাব ছিল না, অদৃষ্টদোষে একদিনের ছুর্লুচ্ছিদোষে, সকল ত্যাগ কবিয়া, আমি এই স্মৃথ মব গৃহ—এই উদ্যানতুল্য পুষ্পময় সংসার ত্যাগ কবিয়া, বাত্যাতাড়িত পতঙ্গেব মত দেশে দেশে বেড়াইলাম। আমি, মনে কবিলে আমার সেই জন্মভূমিতে বুয়্যগৃহ বম্যসজ্জায় সাজাইয়া, বঙ্গেব পবনে স্মৃথের নিশান উডাইয়া দিয়া, হাসিব বাণে ছুঃথ বাঙ্গসকে বধ কবিতে পারিতাম। কিন্তু—

এখন তাই ভাবি, কেন কবিলাম না। স্মৃথ ছুঃথের বিধান পবেব হাতে, কিন্তু মন ত আমার। তবঙ্গে নোক, ডুবিল বলিয়া, কেন ডুবিয়া বহিলাম—সঁাতাব দিয়া ত কুল পাওয়া বায। আর ছুঃথ—ছুঃথ কি? মনেব অবস্থা, সে ত নিজেব আয়ত্ত। স্মৃথ ছুঃথ পরেব হাত না আমার নিজেব হাত? পর,

কেবল বহির্জগতের কর্তা—অন্তর্জগতে আমি একা কর্তা ।  
 আমার রাজ্য লইয়া আমি সুখী হইতে পাবি না কেন ? জড়  
 গৎ জগৎ, অন্তর্জগৎ কি জগৎ নয় ? আপনাব মন লইয়া কি  
 থাকা যায় না ? তোমাব বাহ্যজগতে কয়টা সামগ্রী আছে,  
 আমার অন্তবে কি বা নাই ? আমার অন্তবে বাহ্য আছে, তাহা  
 তোমাব বাহ্যজগৎ দেখাইবে, সাধ্য কি ? যে কুসুম এ মৃত্তি-  
 কায় ফুটে, যে বায়ু এ আকাশে বয়, যে চাঁদ এ গগনে উঠে,  
 যে সাগর এ অন্ধকাবে আপনি মাতে, তোমার বাহ্যজগতে  
 তেমন কোথায় ?

তবে কেন, সেই নিশীথকালে, সুষুপ্তা স্তম্ভবীৰ সৌন্দর্য্য-  
 প্রভা—দুব হোক । একদিন নিশীথকালে—এই অসীম পৃথিবী  
 সহনা আমার চক্ষে গুঞ্চবদবীৰ মত ক্ষুদ্র হইয়া গেল—আমি  
 লুকাইবাব স্থান পাইলাম না । দেশে দেশে ফিরিলাম ।



## দ্বিতীয় পরিচ্ছেদ ।



কালের শীতল প্রলেপে সেই হৃদয়ক্ষত, ক্রমে পুরিয়া উঠিতে লাগিল ।

কাশীধামে গোবিন্দকান্ত দত্ত নামে কোন সচ্চবিদ্র, অতি প্রাচীন সম্ভ্রান্ত ব্যক্তির সঙ্গে আমাব<sup>১</sup> আলাপ হইল । ইনি বহুকাল হইতে কাশীবাস কবিয়া আছেন ।

একদা তাঁহার সঙ্গে কথোপকথনকালে পুলিষের অত্যাচারের কথা প্রসঙ্গক্রমে উত্থাপিত হইল । অনেকে পুলিষের অত্যাচারঘটিত অনেক গুলি গল্প বলিলেন—ছুই একটা বা সত্য, ছুই একটা বক্তাদিগেব কপোলকল্পিত । গোবিন্দকান্ত বাবু একটি গল্প বলিলেন, তাহার সাব মর্দ এই ।

“হবেকৃষ্ণদাস নামে আমাদিগেব গ্রামে একঘর দবিদ্র কায়স্থ ছিল । তাহার একটি কন্যা ভিন্ন অহু সন্তান ছিল না । তাহার গৃহিণী ব মৃত্যু হইবাছিল, এবং সে নিজেও রুগ্ন । এজন্য সে কন্যাটি আপন শ্রালীপতিকে প্রতিপালন কবিতো দিয়াছিল । তাহার কন্যাটির কতকগুলি স্বর্ণালঙ্কার ছিল । লোভবশতঃ তাহা সে শ্রালীপতিকে দেব নাই । কিন্তু যখন মৃত্যু উপস্থিত দেখিল, তখন সেই অলঙ্কার গুলি সে আমাকে ডাকিয়া আমাব কাছে বাখিল—বলিল যে ‘আমাব কন্যার জ্ঞান হইলে তাহাকে দিবেন—এখন দিলে বাজচক্র ইহা আশ্ব-

সাৎ করিবে।’ আমি স্বীকৃত হইলাম। পবে হবেকৃষ্ণেব মৃত্যু হইলে সে লাওযাবেশ মবিয়াছে বলিয়া, নন্দী ভূঙ্গী সঙ্গে দেবাদিদেব মহাদেব দাবোগা মহাশয় আসিয়া উপস্থিত হইলেন। হবেকৃষ্ণেব ঘটা বাটা পাতব টুকনি লাওযাবেশ মান বলিয়া হস্তগত কবিলেন। কেহ কেহ বলিল, যে হবেকৃষ্ণ লাওযাবেশ নহে—কলিকাতায় তাহাব কত্না আছে। দাবোগা মহাশয়, তাহাকে কটু বলিয়া, আজ্ঞা কবিলেন, ‘ওযাবেশ থাকে হজুবে হাজিব হইবে।’ তখন, আমাব দুই একজন শত্রু স্রুযোগ মনে কবিয়া বলিয়া দিল, যে গোবিন্দদত্তেব কাছে ইহাব স্বর্ণালঙ্কাব আছে। আমাকে তলব হইল। আমি তখন দেবাদিদেবেব কাছে আসিয়া বৃত্তকবে দাঁড়াইলাম। কিছু গালি খাইলাম। আসানীব শ্রেণীতে চালান হইবার গতিক দেখিলাম। বলিব কি ? ঘুমাঘুমিব উদ্যোগ দেখিয়া অলঙ্কাবগুলি সকুল দাবোগা মহাশয়েব পাদপদ্মে চালিয়া দিলাম, তাহাব উপব পঞ্চাশ টাকা নগদ দিয়া নিষ্কৃতি পাইলাম।

“বলা বাহুল্য যে দাবোগা মহাশয় অলঙ্কাবগুলি আপন কত্নাব ব্যবহাবার্থ নিজালয়ে প্রেবণ কবিলেন। সাহেবেব কাছে তিনি বিপোর্ট কবিলেন, যে ‘হবেকৃষ্ণ দাসেব এক লোটা আর এক দেবকো ভিন্ন অত্র কোন সম্পত্তিই নাই ; এবং সে লাওয়ারেশা ফৌত করিয়াছে, তাহাব কেহ নাই।”

হরেকৃষ্ণ দাসেব নাম গুনিয়াছিলাম। আমি গোবিন্দ বাবুকে জিজ্ঞাসা কবিলাম যে,

“ঐ হবেকৃষ্ণ দাসেব এক ভাইষেব নাম মনোহর দাস  
না ?”

গোবিন্দকান্ত বাবু বলিলেন, “হাঁ। আপনি কি প্রকাৰে  
জানিলেন ?”

আমি বিশেষ কিছু বলিলাম না। জিজ্ঞাসা কবিলাম,  
“হবেকৃষ্ণেব শ্রাদ্ধীপতিব নাম কি ?”

গোবিন্দ বাবু বলিলেন, “বাজচন্দ্র দাস।”

আমি। তাহাব বাড়ী কোণায় ?

গোবিন্দ বাবু বলিলেন, “কলিকাতায়। কিন্তু কোনস্থানে  
তাহা আমি ভুলিয়া গিয়াছি।”

আনি জিজ্ঞাসা কবিলাম, “সে কণ্ঠাটীব নাম কি জানেন?”

গোবিন্দ বাবু বলিলেন, “হবেকৃষ্ণ তাহার নাম রজনী  
বাখিয়াছিলেন।”

ইহাব অল্পদিন পবেই আমি কাশী পবিত্যাগ কবিলাম।



### তৃতীয় পবিচ্ছেদ ।

প্রথমে আমাকে বুঝিতে হইতেছে, আমি কি খুঁজি । চিত্ত  
আমাব দুঃখময়, এ সংসার আমাব পক্ষে অন্ধকাব । আজি  
আমাব মৃত্যু হইলেন, আমি কাল চাহি না । যদি দুঃখ নিবারণ  
কবিতেন না পাবিলাম, তবে পুরুষত্ব কি ? কিন্তু ব্যাধিব শাস্তি  
কবিতেন গেলে আগে ব্যাধিব নির্ণয় চাহি । দুঃখ নিবারণেব  
আগে আমাব দুঃখ কি, তাহা নিরূপণেব আবশ্যক ।

দুঃখ কি ? অভাব । সকল দুঃখই অভাব । বোগ দুঃখ,  
কাবণ, বোগ স্বাস্থ্যেব অভাব । অভাবমাত্রই দুঃখ নহে,  
তাহা জানি । বোগেব অভাব দুঃখ নহে । অভাববিশেষই  
দুঃখ ।

আমাব কিসেব অভাব ? আমি চাই কি ? মনুষ্যই চায়  
কি ? ধন ? আমাব যথেষ্ট আছে ।

যশঃ ? পৃথিবীতে এমন কেহ নাই যাহাব যশ নাই । যে  
পাকা জুয়াচোব, তাহাবও বুদ্ধিসম্বন্ধে যশ আছে । আমি  
একজন কশাইয়েবও যশ শুনিয়াছি—মাংসসম্বন্ধে সে কাহাকেও  
প্রবঞ্চনা কবিতেন না । সে কখন মেঘমাংস বলিয়া কাহাকেও  
কুক্কুমমাংস দেয় নাই । যশ সকলেবই আছে । আবাব কাহাবও  
যশ সম্পূর্ণ নহে । বেকনেব ঘুমথোব অপবাদ—সক্রোতিস  
অপযশহেতু বধদণ্ড ইহঁরাই ছিলেন । যুধিষ্ঠিৰ দ্রোণবধে মিথ্যা-

বাদী—অর্জুন বক্রবাহন কর্তৃক পবাভূত। কাইসরকে যে বিধিনিষ্যক রাণী বলিত, সে কথা অদ্যাপি প্রচলিত ;—সেক্ষপীষরকে বল্টেব ভাঁড় বলিয়াছেন। যশ চাহি না।

যশ, সাধাবণলোকেব মুখে। সাধারণলোক, কোন বিষয়েবই বিচাবক নহে—কেন না সাধাবণলোক মুর্থ এবং স্থূলবুদ্ধি। মুর্থ ও স্থূলবুদ্ধিব কাছে যশস্বী হইয়া আমার কি স্থপ হইবে? আমি যশ চাহি না।

মান? সংসাবে এমন লোক কে আছে, যে সে মানিলে স্থপী হই? যে দুই চাৰিজন আছে, তাহাদিগেব কাছে আমার মান আছে। অত্বেব কাছে মান—অপমান মাত্র। রাজদববাবে মান—সে কেবল দাসত্বেব প্রাধাত্ত চিহ্ন বন্দিয়া আমি অগ্রাহ্য কবি। আমি মান চাহি না। মান চাহি কেবল আপনাব কাছে।

রূপ? কতটুকু চাই? কিছু চাই। লোকে দেখিয়া, না নিঙ্গীবন ত্যাগ কবে। আমাকে দেখিবা কেহ নিঙ্গীবন ত্যাগ কবে না। রূপ যাহা আছে, তাহাই আমাব যথেষ্ট।

স্বাস্থ্য? আমাব স্বাস্থ্য অদ্যাপি অনস্ত।

বন? লইয়া কি কবিব? প্রহারের জন্ত বল আবশ্যক। আমি বাহাকেও প্রহার করিতে চাচি না।

বুদ্ধি? এ সংসাবে, কেহ কখন বুদ্ধিব অভাব আছে, মনে কবে নাই—আনিও কবি না। সবলেই আপনাকে অত্যন্ত বুদ্ধমান্ বলিয়া জানে, আনিও জানি।\*

বিদ্যা ? ইহার অভাব স্বীকার কবি, কিন্তু কেহ কখন বিদ্যার অভাবে আপনাকে অসুখী মনে করে নাই । আমিও করি না ।

ধর্ম ? লোকে বলে, ধর্মের অভাব পরকালের দুঃখের কারণ, ইহকালের নহে । লোকের চবিত্রে দেখিতে পাই, অধর্মের অভাবই দুঃখ । জানি আমি সে মিথ্যা । কিন্তু জানিয়াও ধর্মকামনা করি না । আমার সে দুঃখ নহে ।

প্রণয় ? স্নেহ ? ভালবাসা ? আমি জানি, ইহাব অভাবই সুখ—ভালবাসাই দুঃখ । সাক্ষী লবঙ্গলতা ।

তবে আমার দুঃখ কিসেব ? আমার অভাব কিসেব ? আমার কিসের কামনা, যে তাহা লাভে সফল হইয়া দুঃখ-নিবারণ করিব ? আমার কাম্য বস্তু কি ?

বুঝিয়াছি । আমার কাম্য বস্তুব অভাবই আমার দুঃখ । আমি বুঝিয়াছি, যে সকলই অসাব । তাই আমার কেবল দুঃখ সার ।





## চতুর্থ পবিচ্ছেদ ।

কিছু কাম্য কি খুঁজিয়া পাই না ? এই অনন্ত সংসার, অসংখ্য বহুবাজিময়, ঠহাতে আমাব প্রার্থনীয় কি কিছু নাই ? যে সংসাবে, এক একটি ছববেষ্ণীয় ক্ষুদ্র কীট পতঙ্গ অনন্ত কৌশলেব স্থান, অনন্ত জ্ঞানেব ভাণ্ডাব, যে জগতে পথিস্থ বালুকাব এক এক কণা, অনন্তবহুপ্রভব নগাধিবাজেব ভগ্নাংশ, সে জগতে কি আমাব কাম্য বস্তু কিছু নাই। দেখ, আমি কোন ছাব। টিঙল, হক্‌সলী, ডার্বিন, এবং লায়ল এক আসনে বসিয়া যাবচ্ছীবনে ঐ ক্ষুদ্র নীহাববিন্দুব, ঐ বালুকাকণাব, বা ঐ শিয়ালকাঁটাফুলটিব গুণ বর্ণনা কবিয়া উঠিতে পাবেন না—তবু আমাব কাম্য বস্তু নাই ? আমি কি ?

দেখ, এই পৃথিবীতে কত কোটি মনুষ্য আছে, তাহা কেহ গণিবা সংখ্যা কবে নাই। বহু কোটি মনুষ্য সন্দেহ নাই। উহাব এক একটি মনুষ্য, অসংখ্য গুণেব আধাব। সকলেই ভক্তি, প্রীতি, দয়া, ধর্মাদিব আধাব—সকলেই পূজ্য, সকলেই অনুসবণীয়। আমাব কাম্য কি কেহ নাই ? আমি কি ?

আমাব এক বাঞ্ছনীয় পদার্থ ছিল—আজিও আছে। কিন্তু সে বাসনা পূর্ণ হইবাব নহে। পূর্ণ হইবাব নহে, বলিয়া তাহা হৃদব হইতে অনেক দিন হইল উন্মূলিত করিয়াছি।

আব পুনরুজ্জীবিত করিতে চাহি না । অথ কোন বাঞ্ছনীয় কি সংসাবে নাই ?

তাই খুঁজি । কি কবিব ?

কয়বৎসব হইতে আমি আপন্য আপনি এই প্রশ্ন করিতে ছিলাম, উত্তর দিতে পাবিতেছিলাম না । যে দুই একজন বন্ধু বান্ধব আছেন, তাঁহাদিগকে জিজ্ঞাসা কবিলে বলিতেন, তোমার আপন্য কাজ না থাকে, পবেব কাজ কব । লোকের যথাসাধ্য উপকাব কব ।

সে ত প্রাচীন কথা । লোকের উপকাব কিসে হয় ? রামের মাব ছেলেব জব হইবাছে, নাডি টিপিবা একটু কুই-নাইন দাও । বঘো পাগলেব গাত্রবস্ত্র নাই, কঞ্চল কিনিয়া দাও । সস্তার মা বিধবা, মাসিক দাও । স্কন্দব নাপিতেব ছেলে, ইস্কুলে পডিতে পায না—তাহাব বেতনেব আনুকূলা কব । এই কি পবেব উপকাব ?

মানিলাম এইপবেব উপকার । কিন্তু এ সকলে কতক্ষণ যায় ? কতটুকু সময় কাটে ? কতটুকু পরিশ্রম হয় ? মানসিক শক্তি সকল কতখানি উত্তেজিত হয় ? আমি এমত বলি না, যে এই সকল কার্য্য আমাব যথাসাধ্য আমি কবিবা থাকি, কিন্তু যতটুকু কবি, তাহাতে আমাব বোধ হয় না যে ইহাতে আমাব অভাব পূরণ হইবে । আমাব যোগ্য কাজ আমি খুঁজি, যাহাতে আমাব মন মজিবে তাই খুঁজি ।

আর একপ্রকারের লোকের উপকারের চং উঠিয়াছে । তাহার এক কথায় নাম দিতে হইলে বলিতে হয় “ বকাবকি লেখালেখি । ” সোসাইটি, ক্লাব, এসোসিয়েসন, সভা, সমাজ ; বক্তৃতা, রিজলিউশ্যান, আবেদন, নিবেদন, সমবেদন,—আমি তাহাতে নহি । আমি একদা কোন বন্ধুকে একটা মহাসভার ঐরূপ একখানি আবেদন পড়িতে দেখিয়া জিজ্ঞাসা করিলাম যে কি পড়িতেছ ? তিনি বলিলেন, “এমন কিছু না, কেবল কাণা ফকিব ভিক মাস্তে । ” এ সকল, আমাব মৃদ্র বুদ্ধিতে তাই—কেবল “কাণা ফকিব ভিক মাস্তেবে বাবা । ”

এই বোগেব আর এক প্রকাব বিকাব আছে । বিধব্ধাব বিবাহ দাও, কুলীন ব্রাহ্মণেব বিবাহ বন্ধ কব, অল্প বয়সে বিবাহ বন্ধ কব, জাতি উঠাইয়া দেও, স্ত্রীলোকগণ এক্ষণে গোকর মর্ত গোহালে বাঁধা থাকে, দডি খুলিয়া তাহাদিগকে ছাড়িয়া দাও, চবিয়া থাক্ । আমাব গোক নাট, পবেব গোহালেব সঙ্গেও আমাব বিশেষ সম্বন্ধ নাই । জাতি উঠাইতে আমি বড় রাজি নহি, আমি তন দূব আজিও স্মশিক্ষিত হই নাই । আমি এখনও আমাব ঝাড়ুদাবেব সঙ্গে একত্রে বসিয়া খাইতে অনিচ্ছুক, তাহাব কন্যা বিবাহ কবিত্তে অনিচ্ছুক, এবং যে গালি শিবোমণি মহাশয় দিলে নিঃশব্দে সহিব, ঝাড়ুদারেব কাছে তাহা সড়িত্তে অনিচ্ছুক । স্তববাং আমাব জাতি থাকুক । বিধবা বিবাহ কবে করুক, ছেলে পুলেরা আইবুড় থাকে থাকুক, কুলীন ব্রাহ্মণ একপত্নীর যত্নগায় খুসী হয় হউক, আমাব

আপত্তি নাই ; কিন্তু তাহার পোষকতায় লোকের কি হিত হইবে তাহা আমার বুদ্ধির অতীত ।

সুতবাং এ বঙ্গসমাজে আমার কোন কার্য্য নাই । এখানে আমি কেহ নহি—আমি কোথাও নহি । আমি, আমি, এই পর্য্যন্ত, আর কিছু নহি । আমার সেই ছঃখ । আর কিছু ছঃখ নাই—লবঙ্গলতার হস্তলিপি ভুলিয়া যাইতেছি ।



পঞ্চম পরিচ্ছেদ ।

আমার এইরূপ মনেব অবস্থা, আমি এমত সময়ে—কাশীধামে গোবিন্দ দত্তের কাছে, বজনীর নাম শুনিলাম । মনে হইল, ঈশ্বর আমাকে, বৃদ্ধি একটি গুরুতব কার্য্যেব ভাব দিলেন । এ সংসাবে আমি একটি কার্য্য পাইলাম । বজনীব যথার্থ উপকাব চেষ্ঠা করিলে কবা যায় । আমার ত কোন কাজ নাই—এই কাজ কেন করি না । ইহা কি আমার যোগ্য কাজ নহে ?

এখানে শচীন্দ্রের বংশাবলীব পবিচয় কিছু দিতে হইল । শচীন্দ্রনাথের পিতার নাম বামসদর মিত্র , পিতামহেব নাম বাজীবাম মিত্র ; প্রপিতামহেব নাম কেবলবাম মিত্র । তাহা-দিগেব পূর্কপুরুষেব বাস কলিকাতায় নহে—তাহাব পিতা প্রথমে কলিকাতায় বাস কবেন । তাহা-দিগেব পূর্ক পুরুষেব বাস ভবানীনগর গ্রামে । তাহাব প্রপিতামহ দরিদ্র নিঃস্ব ব্যক্তি ছিলেন । পিতামহ বুদ্ধিবলে ধনসঞ্চয় কবিয়া তাহা-দিগেব ভোগ্য ভূসম্পত্তি সকল ক্রয় কবিয়াছিলাম ।

বাজীবামেব এক পবম বন্ধু ছিলেন, নাম মনোহর দাস । বাজীবাম মনোহর দাসেব সাহায্যেই এই বিভবেব অধিপতি হইয়াছিলেন । মনোহর, প্রাণপাত কবিয়া তাহাব কার্য্য কবিতেন, নিজে কখন ধনসঞ্চয় কবিতেন না । বাজীবাম

তাঁহার এই সকল গুণে অত্যন্ত বাধ্য ছিলেন। মনোহরকে সহোদরের ন্যায় ভালবাসিতেন, এবং মনোহর বয়োজ্যেষ্ঠ বলিয়া জ্যেষ্ঠ ভ্রাতাব ন্যায় তাঁহাকে মান্য কবিতেন। তাঁহার পিতাব সঙ্গে পিতামহেব তাদৃশ সম্প্রীতি ছিল না। বোধ হয় উভয়পক্ষেবই কিছু কিছু দোষ ছিল।

একদা বামসদয়েব সঙ্গে মনোহর দাসেব ষোড়শতব বিবাদ উপস্থিত হইল। মনোহর দাস, বাজীবামকে বলিলেন, যে বামসদয় তাঁহাকে কোন বিষয়ে সহনাতীত অপমান কবিয়াছেন। অপমানেব কথা বাজীবামকে বসিয়া, মনোহর তাঁহার কার্য্য পবিত্যাগ কবিয়া সপবিবাবে ভবানীনগর হইতে উঠিয়া গেলেন। বাজীবাম মনোহরকে অনেক অনুন্নব বিনয় কবিলেন; মনোহর কিছুই শুনিলেন না। উঠিয়া কোন দেশে গিয়া বাস কবিলেন, তাহাও কাহাকে জানাইলেন না।

বাজীবাম বামসদয়েব প্রতি যত স্নেহ ককন বা না ককন, মনোহরকে ততোধিক স্নেহ কবিতেন। স্নতবাং বামসদয়েব উপর তাঁহাব ক্রোধ অপবিনীন হইল। বাজীবাম অত্যন্ত কটুক্তি কবিয়া গালি দিলেন, বামসদয়ও সকল কথা নিঃশঙ্কে সহ কবিলেন না।

পিতা পুত্রের বিবাদেব ফল এই দাডাইল, যে বাজীবাম পুত্রকে গৃহবহিষ্কৃত কবিয়া দিলেন। পুত্রও গৃহত্যাগ কবিয়া, শপথ কবিলেন, আব কখনও পিতৃভবনে মুখ দেখাইবেন না। বাজীবাম রাগ কবিয়া এক উইল কবিলেন। \*উইলে লিখিত

হইল যে বাঞ্ছারাম মিত্রের সম্পত্তিতে তন্ত্র পুত্র রামসদয় মিত্র কখন অধিকারী হইবেন না। বাঞ্ছারাম মিত্রের অবর্তমানে মনোহর দাস, মনোহর দাসের অভাবে মনোহরের উদ্ভবাধিকারীগণ অধিকারী হইবেন; তদভাবে রামসদয়ের পুত্র পৌত্রাদি যথাক্রমে, কিন্তু রামসদয় নহে।

রামসদয় গৃহত্যাগ কবিত্তা প্রথমা স্ত্রীকে লইয়া কলিকাতায় আসিলেন। ঐ স্ত্রী কিছু পিতৃদত্ত অর্থ ছিল। তদবলম্বনে, এবং একজন সজ্জন বণিক্‌মাহেবেব আশ্রুকূল্যে তিনি বাণিজ্যে প্রবৃত্ত হইলেন। লক্ষ্মী সুরসরা হইলেন, সংসার প্রতিপালনের জন্ত, তাঁহাকে কোন কষ্ট পাইতে হইল না।

যদি কষ্ট পাইতে হইত তাহা হইলে বোধ হয়, বাঞ্ছারাম সদয় হইতেন। পুত্রের সুখেব অবস্থা শুনিয়া, বৃদ্ধেব যে স্নেহাবশেষ ছিল, তাহাও নিবিয়া গেল। পুত্র অভিমানপ্রযুক্ত, পিতা না ডাকিলে, আব যাইব না, ইগা স্থিব কবিত্তা, আব পিতাব কোন সম্বাদ লইলেন না। অভক্তি এবং তাচ্ছিল্যবশতঃ পুত্র একপ কবিত্তেছে বিবেচনা করিয়া বাঞ্ছারাম তাঁহাকেও আব ডাকিলেন না।

সুতবাং কাহাবও বাগ পড়িল না; উইলও অণরিবর্তিত রহিল। এমতকালে হঠাৎ বাঞ্ছারামেব স্বর্গপ্রাপ্তি হইল।

রামসদয় শোকাকুল হইলেন; তাঁহাব পিতাব মৃত্যুর পূর্বে তাঁহাব সঙ্গে সাক্ষাৎলাভ কবিত্তা যথাকর্তব্য কবেন নাই, এই ছুখে অনেক দিন ধরিত্তা রোদন কবিলেন। তিনি আর

ভবানীনগর গেলেন না, কলিকাতাতেই পিতৃকৃত্য সম্পন্ন কবিলেন । কেন না এক্ষণে ঐ বাটী মনোহর দাসের হইল ।

\*এদিকে, মনোহর দাসের কোন সন্বাদ নাই । পশ্চাৎ জানিতে পাবা গেল, যে বাঞ্জাবামের জীবিতাবস্থাতেও মনোহরের কেহ কোন সন্বাদ পায় নাই । মনোহর দাস ভবানীনগর হইতে যে গিয়াছিল, সেই গিয়াছিল ; কোথাও গেল, বাঞ্জারাম তাহার অনেক সন্ধান কবিলেন । কিছুতেই কোন সন্বাদ পাইলেন না । তখন তিনি উইলের এক ক্রোডপত্র সৃজন কবিলেন । তাহাতে বিষ্ণুবাম সবকাব নামক একজন কলিকাতানিবাসী আত্মীয় কুটুম্বকে উইলের একজিকিউটব নিযুক্ত করিলেন । তাহাতে কথা বহিল যে তিনি সযত্নে মনোহর দাসের অনুসন্ধান কবিবেন । পশ্চাৎ ফলানুসাবে সম্পত্তি যাহা প্রাপ্য তাহাকে দিবেন ।

বিষ্ণুবাম বাবু অতি বিচক্ষণ, নিবপেক্ষ, এবং কর্মঠ ব্যক্তি । তিনি বাঞ্জাবামের মৃত্যুর পবেই মনোহর দাসের অনুসন্ধান করিতে লাগিলেন ; অনেক পবিশ্রম ও অর্থব্যয় কবিয়া, যাহা বাঞ্জাবাম কর্তৃক অনুসন্ধান হয় নাই, তাহা নিগূঢ় কথা পবিস্ফাত হইলেন । স্থূল বৃত্তান্ত অনুসন্ধানে এই জানা গেল, যে মনোহর ভবানীনগর হইতে পলাইয়া কিছুকাল সপবিবাবে চাকা অঞ্চলে গিয়া বাস কবেন । পবে সেখানে জীবিকা-নির্কাহের জন্য কিছু কষ্ট হওয়াতে, কলিকাতায়, নৌকাযোগে আসিতেছিলেন । পশ্চিমধ্যে বাত্যাগ পতিত হইয়া সপবিবাবে



জলমগ্ন হইয়াছিলেন । তাহাব আব উত্তরাধিকারী ছিল এমন সন্ধান পাইলেন না ।

বিষ্ণুবাম বাবু এ সকল কথাব অকাট্য প্রমাণ সংগ্রহ করিয়া বামসদরকে দেখাইলেন । তখন বাজীবামেব ভূসম্পত্তি শচীন্দ্র-দিগেব ছই ভ্রাতাব হইল , এবং বিষ্ণুবাম বাবুও তাহা তাহা-দেব হস্তে সমর্পণ করিলেন ।

এক্ষণে এই বজনী যদি জীবিত থাকে, তবে যে সম্পত্তি বামসদর মিত্র ভোগ করিতেছে, তাহা বজনীব । বজনী হয়ন্ত নিতান্ত দবিজাবস্থাপন্ন । সন্ধান করিয়া দেখা যাউক । আমাব আব কোন কাজ নাই ।



ষষ্ঠ পরিচ্ছেদ ।

বাঙ্গালায় আসাব পৰ একদা কোন গ্রাম্যকুটুম্বের বাড়ী নিমন্ত্রণে গিয়াছিলাম । প্রাতঃকালে গ্রামপর্য্যটনে গিয়াছিলাম । একস্থানে অতি মনোহর নিভৃত জঙ্গল, দবেল সম্প্রস্বব মিলাটয়া আশ্চর্য্য ঐকতানবাদ্য বাজাইতেছে ; চাবিদিকে বৃক্ষবাজি, ঘনবিন্যস্ত, কোমল শ্রাম, পল্লবদলে আচ্ছন্ন ; পাতাব পাতাব ঠেসাঠেসি মিশামিশি, শ্রামরূপেব বাশি বাশি, কোথাও কলিকা, কোথাও স্ফুটত পুষ্প, কোথাও অপক্ক, কোথাও স্পক্ক ফল । সেই বনমধ্যে আর্ন্তনাদ শুনিতে পাঠিলাম । বনাভ্যন্তবে প্রবেশ কবিয়া দেখিলাম, একজন বিকটমূর্ত্তি পুকষ এক যুবতীকে বলপূর্ব্বক আক্রমণ কবিতেছে ।

দেখিবামাত্র বুঝিলাম পুকষ অতিনীচজাতীয় পাষণ্ড— বোধ হয় ডোম কি সিউলি—কোমবে দা । গঠন অত্যন্ত বলবানের মত ।

ধীবে ধীবে তাহাব পশ্চাত্তাগে গেনাম । গিষা তাহাব কঙ্কাল হইতে দাখানি টানিয়া লইয়া দূবে নিষ্কিণ্ত কবিলাম । দ্রষ্ট তখন যুবতীকে ছাড়িয়া দিল—আমাব সম্মুখীন হইয়া দাঁড়াইল । আমাকে গালি দিল । তাহাব দৃষ্টি দেখিয়া আমাব শঙ্কা হইল ।

বুঝিলাম, এশ্বলে বিলম্ব অকর্তব্য। একেবাবে তাহাব গলদেশে হস্তার্পণ করিলাম। ছাড়াইয়া সেও আমাকে ধ্বিল। আমিও তাহাকে পুনর্কাবে ধবিলাম। তাহাব বল অধিক। কিন্তু আমি ভীত হই নাই—বা অস্থির হই নাই। অবকাশ পাইয়া আমি যুবতীকে বলিলাম যে, তুমি এই সময়ে পলাও—আমি ইহাব উপযুক্ত দণ্ড দিতেছি।

যুবতী বলিল,—“কোথায় পলাইব? আমি যে অন্ধ। এখানকাব পথ চিনি না।”

অন্ধ! আমার বশ বাড়িল। আমি বজনী নামে একটি অন্ধকন্যাকে খুঁজিতেছিলাম।

দেখিলাম, সেই বলবান্ পুরুষ আমাকে প্রহাব কবিত্তে পারিতেছে না বটে, কিন্তু আমাকে বলপূর্বক টানিয়া লইয়া যাইতেছে। তাহাব অভিপ্রায় বুঝিলাম যে দিকে আমি দা ফেলিয়া দিয়াছিলাম, সেই দিকে সে আমাকে টানিয়া লইয়া যাইতেছে। আমি তখন চুপ্তকে ছাঁড়িয়া দিয়া অগ্রে গিয়া দা কুড়াইয়া লইলাম। সে এক বৃক্ষের ডাল ভাঙ্গিয়া লইয়া, তাহা ফিরাইয়া আমার হস্তে প্রহাব কবিল, আমার হস্ত হইতে দা পড়িয়া গেল। সে দা তুলিয়া লইয়া, আমাকে তিন চারি স্থানে আঘাত কবিয়া পলাইয়া গেল।

আমি গুরুতব পীড়াপোপ্ত হইয়াছিলাম। বহুকষ্টে আমি কুটুম্বের গুহাভিমুখে চলিলাম। অন্ধযুবতী আমার পদশব্দানুসরণ কবিয়া আমার সঙ্গে সঙ্গে আসিতে লাগিল। কিছু দূব

গিয়া আব আমি চলিতে পাবিলাম না । পথিক লোকে আমাকে ধৰিয়া আমার কুটুম্বের বাড়ীতে বাথিয়া আসিল ।

সেই স্থানে আমি কিছুকাল শয্যাগত বহিলাম—জনা আশ্রযাভাবেও বটে, এবং আমার দশা কি হয়, তাহা না জানিয়া কোথাও যাইতে পাবে না, সে জন্যও বটে, অন্ধযুবতীও সেইখানে বহিল ।

বহুদিনে, বহুকষ্টে, আমি আবোগ্যালাভ করিলাম ।

মেঘেটি অন্ধ দেখিয়া অবধিই আমার সন্দেহ হইয়াছিল । যেদিন প্রথম আমার বাকশক্তি হইল, সে আমার কণ্ঠশয্যাপার্শ্বে আসিল, সেইদিনই তাহাকে জিজ্ঞাসা কবিলাম,

“তানাব নাম কি গা ?”

‘বজনী ।’

আমি চমকিয়া উঠিলাম । জিজ্ঞাসা কবিলাম, তুমি বাঙ্গা-  
চন্দ্র দাসের কন্যা ?

বজনীও বিস্মিতা হইল । বলিল, “আপনি বাবাকে কি  
চেনেন ?

আমি স্পষ্টতঃ কোন উত্তর দিলাম না ।

আমি সম্পূর্ণরূপে আবোগ্যালাভ কবিলে, বজনীকে কলি-  
কাতায় লইয়া গেলাম ।

## সপ্তম পরিচ্ছেদ ।



কলিকাতায় গমনকালে, আমি একা বজনীকে সঙ্গে কবিয়া লইয়া গেলাম না। কুটুম্বগহহইতে তিনকড়িনামে একজন প্রাচীনা পবিচারিকা সমভিব্যাহাবে লইয়া গেলাম। এ সতর্কতা বজনীর মন প্রসন্ন কবিবাব জন্য। গমনকালে বজনীকে জিজ্ঞাসা কবিলাম—

“বজনী—তোমাদেব বাড়ী কলিকাতায়—কিস্ত তুমি এখানে আসিলে কি প্রকাবে?”

বজনী বলিল, “আমাকে কি সকল কথা বলিতে হইবে?”

আমি বলিলাম, “তোমাব যদি ইচ্ছা না হয় তবে বলিও না।”

বস্তুতঃ এই অন্ধ স্ত্রীলোকের বুদ্ধি, বিবেচনা, এবং সবলতায় আমি বিশেষ প্রীত হইয়াছিলাম। তাঁহাকে কোন প্রকাব ক্লেশ দিবাব আমার ইচ্ছা ছিল না। বজনী ধলিল,

“যদি অন্তমতি কবিলেন, তবে কতক কথা গোপন বাখিব। গোপালবাবু বলিয়া আমার একজন প্রতিবাসী আছেন। তাঁহাব স্ত্রী চাঁপা। চাঁপাব সঙ্গে আমার হঠাৎ পবিচয় হইয়াছিল। তাহাব বাপেব বাড়ী ছগলী। সে আমাকে বলিল, ‘আমাব বাপেব বাড়ী যাইবে?’ আমি বাজি হইলাম। সে আমাকে একদিন সঙ্গে কবিয়া গোপালবাবুব বাড়ীতে লইয়া

আসিল । কিন্তু তাহাব বাপের বাড়ী আমাকে পাঠাইবার সময় আপনি আমাব সঙ্গে আসিল না । তাহাব ভাই হীরালালকে আমাব সঙ্গে দিল । হীবালালও নৌকা কবিয়া আমায় হুগলী লইয়া চলিল ।”

আমি এইখানে বুদ্ধিতে পাবিলাম যে বজনী হীরালাল সম্বন্ধে কথা গোপন কবিতেকে । আমি জিজ্ঞাসা কবিলাম,

“তুমি তাহাব সঙ্গে গেলে ?”

বজনী বলিল, “ইচ্ছা ছিল না, কিন্তু যাইতে হইল । কেন যাইতে হইল, তাহা বলিতে পারিব না । পথিমধ্যে হীবালাল আমাব উপব অত্যাচার কবিতেকে লাগিল । আমি তাহাব বাধ্য নহি দেখিয়া, সে আমাকে বিনাশ কবিবাব জন্ত, গঙ্গাব এক চবে নামাইয়া দিয়া নৌকা লইয়া চলিয়া গেল ।”

বজনী চুপ কবিল—আমি হীবালালকে ছদ্মবেশী বাঙ্গল মনে কবিয়া, মনে মনে তাহাব কপধ্যান কবিতেকে লাগিলাম ।—তার পব রজনী বন্ধিতে লাগিল,

“সে চলিয়া গেলে, আমি ডুবিয়া মবিব বনিয়া জলে ডুবিলাম ।”

আমি বলিলাম, “কেন ? তুমি কি হীবালালকে এত ভালবাসিতে ?”

রজনী অকুটী কবিল । বলিল, “তিলান্ন না । আমি পৃথিবীতে কাহাবও উপর এত বিবক্ত নহি ।”

“তবে ডুবিয়া মরিতে গেলে কেন ?”

“আমাব যে দুঃখ, তাহা আপনাকে বলিতে পারি না ।”

“আচ্ছা । বলিয়া যাও ।”

“আমি জলে ডুবিয়া ভাসিয়া উঠিলাম । একখানা গহনার নৌকা যাইতেছিল । সেই নৌকাব লোক আমাকে ভাসিতে দেখিয়া উঠাইল । যে গ্রামে আপনার সহিত সাক্ষাৎ সেইখানে একজন আবোহী নামিল । সে নামিষাব সময়ে আমাকে জিজ্ঞাসা কবিল, ‘তুমি কোথায় নামিবে ?’ আমি বলিলাম, আমাকে যেখানে নামাইয়া দিবে, আমি সেইখানে নামিব । তখন সে জিজ্ঞাসা কবিল, ‘তোমাব বাড়ী কোথায় ?’ আমি বলিলাম, কলিকাতায় । সে বলিল, ‘আমি কালি আব্বাব কলিকাতায় যাইব । তুমি আজ আমাব সঙ্গে আইস । আজি আমাব বাড়ী থাকিবে । কালি তোমাকে কলিকাতায় রাখিয়া আসিব ।’ আমি আনন্দিত হইয়া তাহাব সঙ্গে উঠিলাম । সে আমাকে সঙ্গে লইয়া চলিল । তাব পব আপনি সব জানেন ।”

আমি বলিলাম, “আমি যাহার হাত হুইতে তোমাকে মুক্ত কবিয়াছিলাম, সে কি সেই ?”

“সে সেই ”

আমি বঙ্গনীকে কলিকাতায় আনিয়া, তাহাব কথিতস্থানে অন্বেষণ কবিয়া, বাজচন্দ্র দাসেব বাড়ী পাইলাম । সেইখানে বঙ্গনীকে লইয়া গেলাম ।

বাজচন্দ্র কন্যা পাইয়া বিশেষ আনন্দপ্রকাশ করিল । তাহার স্ত্রী অনেক রোদন কবিল । উহাবা আমার কাছে

রজনীব বৃত্তান্ত সবিশেষ গুনিয়া বিশেষ রুতজ্ঞতাপ্রকাশ কবিল ।

পরে রাজচন্দ্রকে আমি নিভূতে লইয়া গিয়া জিজ্ঞাসা কবিলাম, “তোমাব কন্যা গৃহত্যাগ কবিয়া গিয়াছিল কেন জান?”

বাজচন্দ্র বলিল, “না । আমি তাহা সৰ্ব্বদাই ভাবি, কিন্তু কিছুই ঠিকানা কবিতে পারি নাই ।”

আমি বলিলাম, “বজনী জলে ডুবিয়া মবিতে গিয়াছিল কি হুঃখে জান?”

রাজচন্দ্র বিস্মিত হইল । বলিল, “রজনীব এমন কি হুঃখ, কিছুই ত ভাবিয়া পাই না । সে অন্ধ, এটি বড হুঃখ বটে, কিন্তু তাব জন্য এত দিনেব পব ডুবিয়া মবিতে যাইবে কেন ? তবে, এত বড মেখে, আজিও তাহাব বিবাহ হয় নাই । কিন্তু তাহাব জন্যও নয় । তাহাব ত সম্বন্ধ কবিয়া বিবাহ দিতে ছিলাম । বিবাহেব আগেব বাত্রেই পলাইয়াছিল ।”

আমি নূতন কথা পাইলাম । জিজ্ঞাসা কবিলাম, “সে পলাইয়াছিল?”

রাজ । হাঁ ।

আমি । তোমাদিগকে না বলিয়া ?

রাজ । কাহাকেও না বলিয়া ।

আমি । কাহাব সহিত সম্বন্ধ কবিয়াছিলে ?

রাজ । গোপালবাবুব সঙ্গে ।

আমি । কে গোপাল বাবু ? চাপাব স্বামী ।

রাজ । আপনি সবই ত জানেন । সেই বটে ।



আমি একটু আলো দেখিলাম। তবে চাঁপা মপত্নী-  
যন্ত্রণাভয়ে বজনীকে প্রবঞ্চনা কবিয়া ভ্রাতৃসঙ্গে ছগলী পাঠাই  
য়াছিল। বোধ হয় তাহাবই পবামর্শে হীবালাল উহার বিনাশে  
উদ্যোগ পাইয়াছিল।

সে কথা কিছু না বলিয়া বাজচন্দ্রকে বলিলাম, “আমি  
সবই জানি। আমি আবও যাহা জানি তোমায বলিতেছি।  
তুমি কিছু লুকাইও না।”

বাজ। কি—আজ্ঞা করুন।

আমি। বজনী তোমাব কন্যা নহে।

বাজচন্দ্র বিস্মিত হইল। বলিল, “সে কি! আমাব স্নেহে  
নয় ত কাহাব?”

“হবেকৃষ্ণ দাসেব।”

বাজচন্দ্র কিছুক্ষণ নীবব হইয়া রছিল। শেষে বলিল,  
“আপনি কে তাহা জানি না। কিন্তু আপনাব পায়ে পড়ি,  
এ কথা বজনীকে বলিবেন না।”

আমি এখন বলিব না। কিন্তু বলিতে চইবে। আমি  
যাগা জিজ্ঞাসা কবি, তাহাব সত্য উত্তর দাও। যখন হবেকৃষ্ণ  
মবিয়া যায, তখন বজনীব কিছু অলঙ্কার ছিল?

বাজচন্দ্র ভীত হটল। বলিল, “আমি ত, তাহাব অল-  
ঙ্কারেব কথা কিছু জানি না। অলঙ্কার কিছুই পাঠ নাই।”

আমি। হবেকৃষ্ণেব মৃত্যুয পব তুমি তাহাব ত্যক্ত সম্পত্তিয  
সন্ধানে সে দেশে আর গিয়াছিলে?

রাজ । হাঁ, গিয়াছিলাম । গিবা শুনিলাম, হবেকৃষ্ণেব  
যাহা কিছু ছিল তাহা পুণিষে লইবা গিয়াছে ।

আমি । তাগতে তুনি কি কবিলে ?

রাজ । আমি আব কি কবিব ? আমি পুণিষকে বড ভয়  
কবি বজনীৰ বালাচুবি মোকদ্দমায় বড ভুগিয়াছিলাম । আমি  
পুলিষেব নাম শুনিয়া আব কিছু বলিলাম না ।

আমি । বজনীৰ বালাচুবি মোকদ্দমা কিরূপ ?

রাজ । বজনীৰ অন্তপ্রাশনেব সময় তাহাব বালা চুবি  
গিয়াছিল । চোব ধবা পড়িয়াছিল । বর্দ্ধনানে তাহাব মোক  
দ্দমা হইয়াছিল । এই কলিকাতা হইতে বর্দ্ধমানে আমাকে  
সাক্ষা দিতে বাইতে হইয়াছিল । বড ভুগিয়াছিলাম ।

আমি পথ দেখিতে পাইলাম ।





## তৃতীয় খণ্ড ।

শতীঞ্জ বক্তা ।

প্রথম পবিচ্ছেদ ।

এ ভাব আমার প্রতি হইয়াছে—বজনীর জীবনচবিত্ৰেব এ অংশ আমাকে লিখিতে হইবে । লিখিব ।

আমি বজনীর বিবাহেব সকল উদ্যোগ করিয়াছিলাম—বিবাহেব দিন প্রাতে শুনিলাম যে, বজনী পলাইয়াছে, তাহাকে জ্বাব পাওবা যায় না । তাহাব অনেক স্কুসক্কান কবিলাম, পাইলাম না । কেহ বলিল সে ভ্রষ্টা । আমি বিশ্বাস কবিলাম না । আমি তাহাকে অনেকবাব দেখিবাছিলাম—শপথ কবিজে

পাবি সে কখন ভ্রষ্টা হইতে পাবে না। তবে ইহা হইতে পাবে  
 যে, সে কুমারী, কৌমার্য্যাবস্থাতেই, কাহাবও প্রণয়সক্ত হইয়া,  
 বিবাহাশঙ্কায়, গুরুত্যাগ করিয়াছে। কিন্তু ইহাতেও ছুইটা  
 আপত্তি, প্রথম, যে অন্ধ, সে কি প্রকারে সাহস করিয়া আশ্রয়  
 ত্যাগ করিয়া যাইবে? দ্বিতীয়তঃ যে অন্ধ সে কি প্রণয়সক্ত  
 হইতে পাবে? মনে কবিলাম কদাচ না। কেহ হাসিও না,  
 আনন্দের মত গণ্ডমূৰ্খ অনেক আছে। আমরা খান দুই তিন বহি  
 পড়িয়া, মনে কবি জগতের চেতনাচেতনের গূঢ়াদপি গূঢ়তত্ত্ব  
 সকলই নন্দনন্দন কবিয়া ফেলিয়াছি। যাহা আমাদের বুদ্ধিতে  
 ধরে না, তাহা বিশ্বাস করি না। ঈশ্বর মানি না, কেননা  
 আমাদের ক্ষুদ্র বিচারশক্তিতে সে বৃহত্তত্ত্বের মীমাংসা কবিয়া  
 উদ্ভিতে পাবি না। অন্ধের কাপোক্ষ্মাদ কি প্রকারে বুঝিব?

সন্ধান করিতে করিতে জানিলাম, যে, যে ব্যক্তি হইতে বঙ্কনী  
 অদৃশ্য হইয়াছে, সেই ব্যক্তি হইতে হীরালালও অদৃশ্য হইয়াছে।  
 সকলে বলিতে লাগিল, হীরালালের সঙ্গে সে কুলত্যাগ করিয়া  
 গিয়াছে। অগত্যা আমি এই সিদ্ধান্ত করিলাম, যে হীরালাল  
 বঙ্কনীকে কাঁপি দিয়া বইয়া গিয়াছে। বঙ্কনী পবনা স্তম্ভবী;  
 কাণা হটক, এমন নোক নাই, যে তাহার কপে মুগ্ধ হইবে না।  
 হীরালাল তাহার কপে মুগ্ধ হইয়া তাহাকে বঙ্কনী কবিয়া লইয়া  
 গিয়াছে। অককে বঙ্কনী করা বড় অসাধ্য।

বিছুদিন পরে হীরালাল দেখা দিল। আমি তাহাকে  
 বলিলাম, “তুমি বঙ্কনীর সম্বাদ জান ?” সে বলিল “না।”

কি কবিব । নালিশ, ফবিবাদ হইতে পাবে না । আমাব  
জ্যেষ্ঠকে বলিলাম । জ্যেষ্ঠ বলিলেন, “বান্ধালকে মাব ।”  
কিছু মাবিবা কি হইবে ? আনি সম্বাদপত্রে বিজ্ঞাপন দিতে  
আবস্ত কবিলাম । যে বজনীৰ সন্ধান দিবে, তাহাকে অর্থ  
পুবস্কাব দিব, ঘোষণা কবিলাম । কিছু ফল ফলিল না ।



## ଦ୍ଵିତୀୟ ପରିଚ୍ଛେଦ

ବଞ୍ଜନୀ ଜନ୍ମାନ୍ତ, କିନ୍ତୁ ତାହାର ଚକ୍ଷୁ ଦେଖିଲେ ଅନ୍ଧ ବଳିଷା ବୋଧ ହୁଏ ନା । ଚକ୍ଷୁ ଦେଖିତେ କୋନ ଦୋଷ ନାହିଁ । ଚକ୍ଷୁ ବୃହତ୍, ସୁନୀଳ, ଭ୍ରମବକୃଷ୍ଣ ତାବାବିଶିଷ୍ଟ । ଅତି ସୁନ୍ଦର ଚକ୍ଷୁଃ—କିନ୍ତୁ ବଟାନ୍ତ ନାହିଁ । ଚାକ୍ଷୁଷ ସ୍ନାୟୁର ଦୋଷେ ଅନ୍ଧ । ସ୍ନାୟୁର ନିଶ୍ଚେଷ୍ଟତା ବଶତଃ ଗୋଟିନାସ୍ଥିତ ପ୍ରତିବିମ୍ବ ମସ୍ତିକ୍ରେ ଗୃହିତ ହୁଏ ନା । ବଞ୍ଜନୀ ସର୍ବଜ୍ଞସୁନ୍ଦରୀ, ବର୍ଣ୍ଣ ଉଦ୍ଭେଦ-ପ୍ରମୁଖ ନିତାନ୍ତ ନବୀନ କଦମ୍ବୀପତ୍ରେର ଗ୍ରୀଷ୍ମ ଗୋଷ, ଗର୍ଜନ, ବର୍ଷାଜନପୂର୍ଣ୍ଣ ତବନ୍ଧିନୀର ଗ୍ରୀଷ୍ମ ସମ୍ପୂର୍ଣ୍ଣତପ୍ରାପ୍ତ, ମୁଖକାନ୍ତି ଗର୍ଭୀର; ଗତି ଅନ୍ଧଭଙ୍ଗୀ ସକଳ, ଗୁଢ଼, ସ୍ଥିର, ଏବଂ ଅନ୍ଧତା ବଶତଃ ସର୍ବଦା ସଙ୍କୋଚଜ୍ଞାପକ, ହାସ୍ୟ ଉତ୍ସାହ । ସଚବାଚର, ଏହି ଶ୍ଵିତ୍ରପ୍ରକୃତି ସୁନ୍ଦରଶରୀରେ, ସେହି କଟାକ୍ଷଶୈଳ ଦୃଷ୍ଟି ଦେଖିବା କୋନ ଭାଙ୍ଗିବ୍ୟାପଟୁ ଶିଳ୍ପକବେର ବଦ୍ଧନିର୍ମିତ ପ୍ରସ୍ତବମୟୀ କ୍ରିୟାମୂର୍ତ୍ତି ବଳିଷା ବୋଧ ହୁଏତ ।

ବଞ୍ଜନୀକେ ପ୍ରଥମ ଦେଖିଯାହି ଆନାର ବିଶ୍ଵାସ ହୁଏନାହିଁ, ଯେ ଏହି ମୌନ୍ଦର୍ଯ୍ୟ ଅନିନ୍ଦନୀୟ ହୁଏନେଓ ମୁଖକବ ନହେ । ବଞ୍ଜନୀ ରୂପବତୀ, କିନ୍ତୁ ତାହାର ରୂପ ଦେଖିବା କେତେ କଥନ ପାଗଳ ହୁଏବେ ନା । ତାହାର ଚକ୍ଷୁର ସେ ମୋହିନୀ ଗତି ନାହିଁ । ମୌନ୍ଦର୍ଯ୍ୟ ଦେଖିବା ଲୋକେ ପ୍ରଶଂସା କବିବେ, ବୋଧ ହୁଏ, ସେ ମୁର୍ତ୍ତି ସହଜେ ଭୁଲିବେଓ

না, কেন না সে স্থিৰ, গম্ভীৰ কান্তিৰ একটু অদ্ভুত আকৰ্ষণী শক্তি আছে, কিন্তু সেই আকৰ্ষণ অন্যবিধ; ইন্দ্ৰিয়েৰ সঙ্গ তেহঁত কোন সম্বন্ধ নাই। যাহাকে “পঞ্চবাণ” বলে, বজ্জনীৰ কপেৰ সঙ্গ তেহঁত কোন সম্বন্ধ নাই। নাই কি?

সে যাহাই হউক—আমি মध्ये মध्ये চিন্তা কৰিতাম— বজ্জনীৰ দশা কি হইবে? সে ইতৰ লোকেৰ কন্যা, কিন্তু তেহঁতকে দেখিবাই বোধ হব যে সে ইতৰপ্ৰকৃতিবিশিষ্ট নহে। ইতৰ নোকে ভিন্ন, তেহঁতৰ অন্যত্ৰ বিবাহেৰ সম্ভাৱনা নাই। ইতৰ নোকেৰ সঙ্গ এতকালে বিবাহ ঘটে নাই। দৰিদ্ৰেৰ ভূম্যা গৃহক্ৰমেৰ জন্ম, যে ভাব্যাৰ অন্ধতানিবন্ধন গৃহক্ৰমেৰ সাহায্য হইবে না—তেহঁতকে কোন দৰিদ্ৰ বিবাহ কৰিবে? কিন্তু ইতৰ নোক ভিন্ন এই ইতৰবৃত্তিপৰিচয় কায়হেৰ কন্যা কে বিবাহ কৰিবে? তেহঁতে আৰাৰ এ অন্ধ। একপ স্বামীৰ সংবাসে বজ্জনীৰ দুঃখ ভিন্ন সুখেৰ সম্ভাৱনা নাই। দুঃখেৰ কষ্টক-কাননमध्ये মন্থপালনীৰ উদ্যানপুষ্পেৰ জন্মেৰ ন্যায়, এই বজ্জনীৰ পুষ্পবিক্ৰেতাৰ গৃহে জন্ম ঘটিবাহে। কষ্টকাবৃত ইহঁত যাই ইহঁতকে মৰিতে হইবে। তবে আমি গোপালেৰ সঙ্গ ইহঁতৰ বিবাহ দিবাব জন্ম এত ব্যস্ত কেন? ঠিক জানি না। তবে ছোট মাৰ দৌৰাণ্য বড, তেহঁতৰই উত্তেজনাতে ইতৰ বিবাহ দিতে প্ৰবৃত্ত হইবাজিলাম। আৰ বৰিণ্ডে কি, যাহাকে স্বয়ং বিবাহ কৰিতে না পাৰি, তেহঁতৰ বিবাহ দিতে ইচ্ছা কৰে।

এ কথা শুনিয়া অনেক সুন্দরী মধুব হাসিয়া জিজ্ঞাসা করিতে পাবেন, তোমার মনে মনে বজনীকে বিবাহ করিতে ইচ্ছা আছে কি? না, সে ইচ্ছা নাই। বজনী সুন্দরী হইলেও অন্ধ, বজনী পুষ্পবিক্রেতার কন্যা এবং বজনী অশিক্ষিতা। বজনীকে আমি বিবাহ করিতে পারি না, ইচ্ছাও নাই। আমার বিবাহে অনিচ্ছাও নাই। তবে মনোমত কন্যা পাই না। আমি যাহাকে বিবাহ করিব, সে বজনীর মত সুন্দরী হইবে, অথচ বিদ্যাৎ-কটাক্ষবর্ষিণী হইবে, বংশমর্যাদায় শাহ আলমেব বা মল্লাব-বাও হুঙ্কারেব প্রপবাপ সং পৌত্রী হইবে, বিদ্যায় লীলাবৃত্তী বা শাপল্যসী সর্বস্বতী হইবে, এবং পতিভক্তিতে সাবিত্রী হইবে, চরিত্রে লক্ষ্মী, বন্ধনে দ্রৌপদি, আদবে সত্যভামা, এবং গৃহকন্ডে গদাব মা। আমি পান খাইবার সময়ে পানের লবঙ্গ খুলিয়া দিবে, তামাকু খাইবার সময়ে ছঁকায় কলিকা আছে কি না বলিয়া দিবে, আহাঁবেব সময়ে মাছেব কাঁটা বাঁচিয়া দিবে, এবং স্নানেব পব গা মুষ্টিবাঁচি কি না, তদাবক করিবে। আমি চা খাইবার সময়ে, দোষাতেব ভিতবে চামচে পুঁবিয়া চাব অনুসন্ধান না করি, এবং কালীর অনুসন্ধানে চাব পাত্রমধ্যে কলম না দিই, তদ্বিষয়ে সতর্ক থাকিবে; পিক্-দানিতে টাকা বাঁধিয়া বাঁধেব ভিতবে ছেপ না ফেলি, তাহাব খববদাবি করিবে। বন্ধুকে পত্রলিখিয়া আপনাব নামে শিবোনামা দিলে, সংশোধন কবাইক্স লইবে, পয়সা দিতে



টাকা দিতেছি কি না খবর লইবে, নোটের পিঠে দোকানের চিঠি কাটতেছি কি না দেখিবে, এবং তামাসা করিবার সময়ে বিয়ানের নামের পবিবর্ত্তে ভক্তিমতী প্রতিবাসিনী নাম কবিলে, ভুল সংশোধন কবিয়া লইবে। ঔষধ খাইতে কুলোল তৈশ না খাই, চাববাণীব নাম কবিয়া ডাকিতে, হোসেব সাহেবেব মেমেব নাম না ধবি, এসকল বিষয়ে সৰ্ব্বদা সতর্ক থাকিবে। এমত কন্যা পাই, তবে বিবাহ কবি। আপনারা যে ইনি ওঁকে টিপিয়া হাসিতেছেন, আপনাদেব মধো যদি কেহ অবিবাহিতা, এবং এই সকল গুণে গুণবতী থাকেন, তবে বলুন, আমি পুৰ্বাহিত ডাকি।

### তৃতীয় পবিচ্ছেদ ।



শেষে রাজচন্দ্র দাসেব কাছে শুনিতে পাইলাম যে বজনীকে পাওয়া গিয়াছে । কিন্তু বাজচন্দ্র দাস, এ বিষয়ে আমাদিগেব সঙ্গে বড় চমৎকায় ব্যবহাব কবিতে লাগিল । বজনীকে কোথায় পাওয়া গেল, কি প্রকাবে পাওয়া গেল তাহা কিছুই বলিল না । আমবা অনেক জিজ্ঞাসা কবিলাম, কিছুতেই কোন কথা বাহির কবিতে পারিলাম না । সে কেনই বা গৃহত্যাগ করিয়া গিয়াছিল, তাহাও জিজ্ঞাসাবাদ কবিলাম, তাহাও বলিল না । তাহাব স্ত্রীও ঐরূপ—ছোট মা, সূচীব শ্রায় লোকের মনেব ভিতব প্রবেশ কবেন, কিন্তু তাহাব কাছে হইতে কোন কথাই বাহির কবিতে পাবিলেন না । বজনী স্বয়ং, আব আমাদের বাড়ীতে আসিত না । কেন আসিত না, তাহাও কিছু জানিতে পাবিলাম না । শেষে বাজচন্দ্র ও তাহার স্ত্রীও আমাদিগেব বাড়ী আসা পবিত্যাগ কবিল । ছোট মা কিছু হুঃখিত হইয়া তাহাদিগেব অল্পসম্বানে লোক পাঠাইলেন । লোক ফিবিয়া আসিয়া বলিল, যে উহাবা সপবিবাবে অন্ত্র উঠিয়া গিয়াছে, সাবেক বাড়ীতে আব নাই । কোথায় গিয়াছে তাহার কোন ঠিকানা কবিতে পারিলাম না ।

ইহার একমাস পবে, একজন ভদ্রলোক আমাব সঙ্গে সাক্ষাৎ করিতে আসিলেন। তিনি আসিয়াই, আপনি আত্ম-পরিচয় দিলেন। “আমাব নিবাস কলিকাতায় নহে। আমুব নাম অমবনাথ ঘোষ, আমাব নিবাস শান্তিপুর।”

তখন আমি তাঁহাব সঙ্গে কথোপকথনে নিযুক্ত হইলাম। কিজন্ত তিনি আসিয়াছিলেন, আমি তাঁহাকে হঠাৎ জিজ্ঞাসা করিতে পাবিলাম না। তিনিও প্রথমে কিছু বলিলেন না। স্মতরাং সামাজিক ও বাজকীয় বিষয়ঘটিত নানা কথাবার্তা হইতে লাগিল। দেখিলাম তিনি কথাবার্তায় অত্যন্ত বিচক্ষণ। তাঁহাব বুদ্ধি মার্জিত, শিক্ষা সম্পূর্ণ, এবং চিন্তা বহুদূৰগামিনী। কথাবার্তায় একটু অবসব পাইয়া, তিনি, আমাব টেবিলেব উপবে স্থিত “সেক্ষপিষব গেলেবিব” পাতা উল্টাইতে লাগিলেন। ততক্ষণ আমি অমবনাথকে দেখিয়া লইতে লাগিলাম। অমবনাথ দেখিতে সুপুরুষ, গৌববর্ণ, কিঞ্চিৎ খৰ্ব্ব, স্থূলও নহে, শীর্ণও নহে, বড বড় চক্ষু, কেশগুলি সূক্ষ্ম, কুঞ্চিত, যত্নবঞ্জিত। বেশভূষাব পাবিপাটেব বাডাবাড়ি নাই, কিন্তু পাবিষ্কাব পবিচ্ছন্ন বটে। তাঁহাব কথা কহিবাব ভঙ্গী অতি মনোহব; কণ্ঠ অতি স্নমধুব। দেখিয়া বুঝিলাম লোক অতি স্মচতুর।

সেক্ষপিষব গেলেবিব পাতা উল্টান শেষ হইলে অমবনাথ, নিজপ্রয়োজনেব কথা কিছু না বলিয়া, ঐ পুস্তকস্থিত চিত্র সকলেব সমালোচনা অববস্ত কবিলেন। আমাকে বুঝাইয়া

দিলেন, যে বাণী, বাক্য এবং কাৰ্য্যদ্বাৰা চিত্ৰিত হইয়াছে, তাহা চিত্ৰফলকে চিত্ৰিত কৰিতে চেষ্টা পাওয়া ধুইতাব বাজ। সে চিত্ৰ, কখনই সম্পূৰ্ণ হইতে পাৰে না; এবং এ সকল চিত্ৰও সম্পূৰ্ণ নহে। ডেস্‌ডিমনার চিত্ৰ দেখাইবা বহিলেন, আপনি এই চিত্ৰে ধৈৰ্য্য, মাধুৰ্য্য, নম্ৰতা পাইতেছেন, কিন্তু ধৈৰ্য্যেব সহিত সে সাহস কই? নম্ৰতাব সঙ্গে সে সতীত্বের অচক্ষণ কই? জুলিয়েটের মূৰ্ত্তি দেখাইবা বহিলেন, এ নবনবতীর মূৰ্ত্তি বটে, কিন্তু ইহাতে জুলিয়েটের নবনবতীর অদমনীয় চাঞ্চল্য কই?

অমবনাথ এইকপে কত বহিতে লাগিলেন। সেক্ষণিষয়েব নাযিকাগণ হইতে শকুন্তলা, সীতা, কাদম্বী, বাসবদত্তা, কঙ্কণী, সভাভামা প্ৰভৃতি আসিয়া পড়িল। অমবনাথ একে একে তাহাদিগেব চিত্ৰেব বিশ্লেষণ কৰিলেন। প্ৰাচীন সাহিত্যেব বৰ্ণনা ক্ৰমে প্ৰাচীন ইতিহাসেব কথা আসিয়া পড়িল, তৎপ্ৰসঙ্গে শাসিতস, প্লুটাক, থুকিডিডস প্ৰভৃতিব অপুল্ৰ সমালোচনাৰ মনোভাৱণা হইল। প্ৰাচীন ইতিহাস-লেখকদিগেব মত পঠিয়া অমবনাথ কোমতেব ত্ৰৈকালিক উন্নতিসম্বন্ধীয় মতেব সমর্থন কৰিলেন। কোমৎ হইতে তাহাব সমালোচক মিল ও হকস্‌লীৰ কথা আসিল। হকস্‌লী হইতে ওয়েন ও ডাকটন, ডাকটন হইতে বকনেবৰ সোপোনম্বৰ প্ৰভৃতিব সমালোচনা আসিল। অমবনাথ অপূৰ্ণপাণ্ডিত্যস্ৰোতঃ আমাব বৰ্ণনকে প্ৰেৰণ কৰিতে লাগিলেন। আমি মুগ্ধ হইয়া আসন কথা ভুলিয়া গেলাম।

বেলা গেল দেখিবা, অমবনাথ বলিলেন, “মহাশয়কে আব

বিবক্ত কবিব না। যে জন্ম আসিয়াছিলাম, তাহা এখনও বলা হয় নাই। রাজচন্দ্র দাস, যে আপনাদিগকে ফুল বেচিত, তাহাব একটী কণ্ঠা আছে ?”

আমি বলিলাম, “আছে বোধ হয়।”

অমবনাথ ঙ্গং হাসিয়া বলিলেন, “বোধ হয় নয়, সে আছে। আমি তাহাকে বিবাহ কবিব স্থিব কবিয়াছি।”

আমি অবাক হইলাম। অমবনাথ বলিতে লাগিলেন, “আমি বাজচন্দ্রের নিকটে এই কথা বলিতেই গিয়াছিলাম। তাহাকে বলা হইয়াছে। এক্ষণে আপনাদিগেব সঙ্গে একটা কথা আছে। যে কথা বলিব, তাণ মহাশযেব পিতাব কাছে বলাই আমাব উচিত, কেন না তিনি কণ্ঠা। কিন্তু আমি যাহা বলিব, তাহাতে আপনাদিগেব বাগ কবিবাব কথা। আপনি সন্মাপেক্ষা স্থিবস্বভাব এবং ধম্মজ্ঞ এজন্ম আপনাকেই বলিতেছি।”

আমি বলিলাম, “কি কথা মহাশয ?”

অমব। বজ্রনীৰ কিছু বিষয় আছে।

আমি। সে কি ? সে যে বাজচন্দ্রেব কণ্ঠা।

অমব। বাজচন্দ্রেব পালিতপণ্ঠা স্নাত্ত।

আমি। তবে সে কাহাব কণ্ঠা ? কোণায় বিষয় পাঠিল ?  
এ কথা আমবা এতদিন কিছু শুনিলাম না কেন ?

অমব। আপনাবা যে সম্পত্তি ভোগ কবিতেছেন, ইহাই রজনীৰ। বজ্রনী মনোহর দাসেব ভ্রাতৃকণ্ঠা।

একবার, প্রথমে চমকিয়া উঠিলাম। তাব পব বুঝিলাম,

যে কোন জালসাজ জুয়াচোবের হাতে পড়িয়াছি। প্রকাশে,  
উচ্চৈঃহাস্ত কবিয়া বলিলাম,

“মহাশয়কে নিৰ্দ্ধম্মা লোক বলিয়া বোধ হইতেছে।  
আমাব অনেক কৰ্ম্ম আছে। এক্ষণে আপনাব সঙ্গে রহন্তেব  
আমাব অবসর নাই। আপনি গৃহে গমন করুন।”

অমবনাথ বলিল, “তবে উকীলেব মুখে সস্বাদ শুনিবেন।”



চতুর্থ পরিচ্ছেদ ।

এদিকে বিষ্ণুবাম বাবু সম্বাদ পাঠাইবা দিলেন, যে মনোহবদাসের উত্তবাধিকারী উপস্থিত হইবাছে—বিষয় ছাডিয়া দিতে হইবে। অমবনাথি তবে জুয়াচোব জালসাজ নহে ?

কে উত্তবাধিকারী তাহা বিষ্ণুবাম বাবু প্রথমে কিছু বলেন নাই। কিন্তু অমবনাথের কথা শ্রবণ হইল। বুঝি রজনীই উত্তবাধিকারিণী। যে ব্যক্তি দাবিদাব, সে যে মনোহব দাসেব যথার্থ উত্তবাধিকারী তদ্বিষয়ে নিশ্চবতা আছে কি না, ইহা জানিবাব জগু বিষ্ণুবাম বাবুব কাছে গেলাম। আমি বলিলাম, “মহাশয় পূর্বে বলিয়াছিলেন, যে মনোহবদাস সপবিবাবে জলে ডুবিয়া মবিয়াছে। তাহাব প্রমাণও আছে। তবে তাহার আবাব ওয়াবিস অসিল কোথা হইতে ?”

বিষ্ণুবাম বাবু বলিলেন, “হবেক্কুৎ দাস নামে তাহাব এক ভাই ছিল, জানেন বোধ হয়।”

আমি। তা ত জানি। কিন্তু সেও ত মবিয়াছে।

বিষ্ণু। বটে, কিন্তু মনোহবেব পব মবিয়াছে। স্তঁতবাং সে বিষয়েব অধিকারী হইয়া মবিয়াছে।

আমি। তা হৌক, কিন্তু হবেক্কুৎও ত এক্ষণে কেহ নাই ?

বিষ্ণু । পূর্বে তাহাই মনে কবিয়া আপনাদিগকে বিষয় ছাডিয়া দিবাছিলাম । কিন্তু এক্ষণে জানিতেছি যে তাহাব এক্ষ কথ্য আছে ।

আমি । তবে এতদিন সে কন্যার কোন প্রসঙ্গ উথাপিষ্ট হয নাই কেন ?

বিষ্ণু । হবেকৃষ্ণেব স্ত্রী তাহাব পূর্বে মবে ; স্ত্রীব মৃত্যুব পবে শিশুকন্যাকে পালন করিতে 'অক্ষয় হইয়া হবেকৃষ্ণ কন্যাটিকে তাহাব শ্রানীকে দান কবে । তাহাব শ্রানী ঐ কন্যাটিকে আশ্রয়কন্যাবৎ প্রতিপালন কবে, এবং আপনাব বলিনী পবিচয় দেয় । হবেকৃষ্ণেব মৃত্যুব পব তাহাব সম্পত্তি লাওবাব্যেণ বলিনী মার্জিষ্ট্রেট সাহেবকর্তৃক গৃহীত হওযাব প্রমাণ পাইয়া, আমি হবেকৃষ্ণকে লাওয়াবেশ মনে কবিয়াছিলাম । কিন্তু এক্ষণে হবেকৃষ্ণেব একজন প্রতিবাসী আনাব নিকট উপস্থিত হইয়া, তাহাব কন্যাব কথা প্রকাশ কবিয়াছে । আমি তাহাব প্রদত্ত সন্মানেব অনুসরণ কবিয়া জানিযাছি, যে তাহাব কন্যা আছে বটে ।

আমি বলিলাম “যে হয একটা মেয়ে ধবিয়া হবেকৃষ্ণ দাসের কন্যা বলিয়া ধূললোক উপস্থিত কবিত্তে পাবে । কিন্তু সে যে যথার্থ হবেকৃষ্ণ দাসেব কন্যা তাহাব কিছু প্রমাণ আছে কি ?”

“আছে ।” বলিয়া বিষ্ণুবামবাব আমাকে একটা কাগজ দেখিত্তে দিলেন, বলিলেন, “এ বিষয়ে যে যে প্রমাণ সংগৃহীত হইযাছে, তাহা উহাতে ইযাদ দাস্ত করিয়া রাখিযাছি ।”



আমি ঐ কাগজ লইয়া পুড়িতে লাগিলাম। তাহাতে পাইলাম যে হবেকৃষ্ণ দাসেব স্থানীপতি বাজচন্দ্র দাস, এবং হবেকৃষ্ণেব কন্যাব নাম বজ্রনী ।

প্রমাণ যাহা দেখিলাম তাহা ভয়ানক বটে। আমবা এতদিন অন্ধ বজ্রনীর ধনে ধনী হইয়া তাহাকে দবিজ্ঞ বলিয়া ঘৃণা করিতেছিলাম।

বিষ্ণুবাম একটি জোবানবন্দীর জাবেতা নকল আমার হাতে দিয়া বলিলেন,

“এক্ষণে দেখুন, এই জোবানবন্দী কারাব ?”

আমি পড়িয়া দেখিলাম, যে জোবানবন্দীর বক্তা হবেকৃষ্ণ দাস। মাজিষ্ট্রেটের সম্মুখে তিনি এক বালাচুবীর মোকদ্দমাব এই জোবানবন্দী দিতেছেন। জোবানবন্দীতে, পিতাব নাম ও বাসস্থান লেখা থাকে, তাহাও পড়িয়া দেখিলাম। তাহা মনোহরদাসেব পিতাব নামে ও বাসস্থানেব সঙ্গে মিলিল। বিষ্ণুবাম জিজ্ঞাসা করিলেন,

“মনোহর দাসেব ভাই হবেকৃষ্ণেব এই জোবানবন্দী বলিয়া আপনাব বোধ হইতোছ কি না ?”

আমি। বোধ হইতেছে।

বিষ্ণু। যদি সংশয় থাকে তবে এখনই তাহা ভঞ্জন হইবে। পড়িয়া ঝাউন।

পড়িতে লাগিলাম যে সে বলিতেছে, “আমার ছয়মাসের একটি কন্যা আছে। ঐক সপ্তাহ হইল তাহাব অন্তপ্রাশন

দিরাছি। অন্নপ্রাশনের দিন বৈকালে তাহার বালাচুবি গিয়াছে।”

এই পর্য্যন্ত পড়িবা দেখিলে, বিষ্ণুবাম বলিলেন, “দেখুন কতদিনেব জোবানবন্দী ?”

জোবানবন্দী' তাবিথ দেখিলাম জোবানবন্দী উনিশ বৎসবেব ।

বিষ্ণুবাম বলিলেন, “ঐ কন্যাব বয়স এক্ষণে হিসাবে কত হয় ?”

আমি । উনিশ বৎসব কয়মাস—প্রায় কুড়ি ।

বিষ্ণু । বজনী'ব বয়স ঐত অনুমান কবেন ?

আমি । প্রায় কুড়ি ।

বিষ্ণু । পড়িবা যাউন , হবেরুঞ্চ কিছু পবে বালিকার নামোল্লেখ কবিবাছেন ।

আমি পড়িতে লাগিলাম । দেখিলাম, যে একস্থানে হবেরুঞ্চ পুনঃপ্রাপ্ত বালা দেখিবা বলিতেছেন, “এই বালা আমার কন্যা রজনী'ব বালা বটে।”

আব বড সংশয়ের কথা বহিল না—তথাপি পড়িতে লাগিলাম । প্রতিবাদী'ব নোক্তাব হবেরুঞ্চকে জিজ্ঞাসা কবিতেছেন, “তুমি দবিদ্রনোক । তোনার কন্যাকে সোণাব বালা দিলে কি প্রকারে ?” হবেরুঞ্চ উত্তর দিতেছে, “আমি গবী'র কিছু আনার ভাই মনোহ'র দাস দশটা কা উপার্জন কবেন । তিনি আনার নেয়েকে সোণাব গহনাগুলি দি'য়াছেন ।”

তবে যে এই হবেকৃষ্ণ দাস, আমাদিগেব মনোহর দাসেব  
ভাই, তদ্বিষয়ে আব সংশয়েব স্থান বহিল না ।

পঁবে মোক্তাব আবাব জিজ্ঞাসা কবিতোছেন,

“তোমাব ভাই তোমাব পবিবার বা তোমাব আব কাহাকে  
কখন অলঙ্কাব দিবাছে ?”

উত্তব—না ।

পুনশ্চ প্রশ্ন । সংসাব থক্চ দেয ?

উত্তব । না ।

প্রশ্ন । তবে তোমাব কন্যাকে অন্তপ্রাশনে সোণাব গহনা  
দিবাব কাবণ কি ?

উত্তব—আমাব এই মেয়েটি জন্মাক্র । সেজন্য আমাব স্ত্রী  
সৰ্ব্বদা কাঁদিতা থাকে । আমাব ভাই ও ভাইজ তাহাতে  
ছঃখিত হইবা, আমাদিগেব মনোছঃখ যদি কিছু নিবাবণ হয়  
এই ভাবিবা অন্তপ্রাশনেব সময় মেয়েটিকে এই গহনাগুল  
দিবাছিলেন ।

জন্মাক্র । তবে যে সৈ এই বন্ধনী তদ্বিষয়ে আব সংশয় কি ?  
আমি হতাশ হইয়া জোবানবন্দী বাখিবা দিলাম । বগি-  
লাম “ আমাব আব বড সন্দেহ নাই । ”

বিষ্ণুবাম বলিলেন, “ অত অল্প প্রনাণে আপনাকে সুস্থষ্ট  
হইতে বলি না । আব একটা জোবানবন্দীব নকল দেখুন । ”

দ্বিতীয় জোবানবন্দীও দেখিলাম, যে উহাও ঐ কণিত  
বালাচুবীব মোকদ্দমায গৃহীত হইবাছিল । এই জোবানবন্দীতে

বক্তা বাজচন্দ্র দাস । তিনি একমাত্র কুটুম্ব বলিয়া ঐ অন্ন-প্রাশনে উপস্থিত ছিলেন । তিনি হবেকৃষ্ণেব শ্যালীপতি বলিয়া আত্মপরিচয় দিতেছেন । এবং চুবীব বিষয় সকল সঙ্গ-মাণ কবিতেন ।

বিষ্ণুবাম বলিলেন, “উপস্থিত বাজচন্দ্র দাস সেই বাজচন্দ্র দাস । সংশয় থাকে ডাকিয়া তাহাকে জিজ্ঞাসা করুন ।”

আমি বলিলাম, “নিশ্চয়বোজনু ।”

বিষ্ণুবাম আদও কতকগুলি দলিল দেখাইলেন, সে সকলের বৃত্তান্ত সবিস্তারে বর্ণিত হইলে, সকলের ভাল লাগিবে না । ইহা বলিলেই যথেষ্ট হইবে, যে এই বজনী দাসী যে হবেকৃষ্ণ দাসের কন্যা তদ্বিষয়ে আমার সংশয় বহিল না । তখন দেখিলাম বৃদ্ধ পিতা মাতা লইয়া, অন্নের জন্য কাঁতব হইয়া বেড়াইব ।

বিষ্ণুবামকে বলিলাম, “নোকদ্দমা কবা, বৃথা । বিষয় বজনী দাসীর, তাঁহার বিষয় তাঁহাকে ছাড়িয়া দিব । তবে আমার জ্যেষ্ঠ সহোদর এ বিষয়ে আমার সঙ্গে তুল্যাধিকাৰী । তাঁহাকে জিজ্ঞাসা কবাব অপেক্ষা বহিল মাত্র ।”

আমি একবার আদালতে গিয়া, আসল জীবানবন্দী দেখিয়া আসিলাম । এখন পুৰাণ নথি ছিঁড়িয়া ফেলে, তখন বাধিত । আসল দেখিয়া জানিলাম যে নকলে কোন কৃত্রিমতা নাই ।

বিষয় বজনীকে ছাড়িয়া দিলাম ।



পঞ্চম পরিচ্ছেদ ।

বজনীকে বিষয় ছাড়িয়া দিলাম, কিন্তু কেহ ত সে বিষয় দখল কবিল না ।

রাজচন্দ্র দাস একদিন দেখা কবিত্তে আসিল । তাহাব মুখে গুনিলাম সে শিমলায, একটী বাড়ী কিনিয়া সেইখানে বজনীকে লইয়া আছে । জিজ্ঞাসা কবিলাম, টাকা কোথায় পাইলে ? বাজচন্দ্র বলিল, অমবনাথ কর্জ দিয়াছেন, পশ্চাৎ বিষয় হইতে শোধ হইবে । জিজ্ঞাসা কবিলাম যে তবে তোমাবা বিষয়ে দখল লইতেছ না কেন ? তাহাতে সে বলিল, সে সকল কথা অমবনাথ বাবু জানেন । অমবনাথ বাবু কি বজনীকে বিবাহ কবিয়াছেন ? তাহাতে বাজচন্দ্র বলিল “না ।” পবে বাজচন্দ্রের সঙ্গ কথোপকথন কবিত্তে কবিত্তে আমি জিজ্ঞাসা কবিলাম,

“বাজচন্দ্র, তোমায় এত দিন দেখি নাই কেন ?”

রাজচন্দ্র বলিল, “একটু গা ঢাকা হইয়া ছিলাম ।”

আমি । কাব কি চুবি কবিয়াছ যে গা ঢাকা হইয়াছিলে ?

বাজ । চুবি কবিব কাব ? তবে অমবনাথ বাবু বলিয়া-  
ছিলেন, যে, এখন বিষয় লইয়া গোলযোগ, হইতেছে, এখন একটু আডাল হওয়াই ভাল । মানুষ্যেব চক্ষুলজ্জা আছে ত ?

আমি । অর্থাৎ পাছে আমবা কিছু ছাড়িয়া দিতে অনুবোধ কবি । অমবনাথ বাবু বিজ্ঞ লোক দেখিতেছি । তা যাই হোক, এখন যে বড দেখা দিলে ?

রাজ । আপনাব ঠাকুব আমাকে ডাকাইয়াছেন ।

আমি । আমাব ঠাকুব ? তিনি তোমাব দক্ষান পাইলেন কি প্রকাবে ?

রাজ । খুঁজিয়া খুঁজিয়া ।

আমি । এত খোঁজাখুঁজি কেন, তোমাব বিষয় ছাড়িয়া দিতে অনুবোধ কবিবাব জন্ত নব ত ?

রাজ । না—না—তা কেন—তা কেন ? আর একুটা কথাব জন্ত । এখন বজনীব কিছু বিষয় হইয়াছে গুনিয়া অনেক সম্বন্ধ আসিতেছে । তা কোথায় সম্বন্ধ কবি—তাই আপনাদেব জিজ্ঞাসা কবিত্তে আসিয়াছি ।

আমি । কেন, অমবনাথ বাবুব সঙ্গে ত সম্বন্ধ হইতেছিল ? তিনি এত কবিয়া বজনীব বিষয় উদ্ধার কবিলেন, তাঁকে ছাড়িয়া কাহাকে বিবাহ দিবে ?

রাজ । যদি তাঁব অপেক্ষাও ভাল পাত্র পাই ?

আমি । অমবনাথের অপেক্ষা ভাল পাত্র কোথায় পাইবে ?

রাজ । মনে ককন, আপনি যেমন, এমনই পাত্র যদি পাই ?

আমি একটু চমকিনাম । বলিলাম, “তাহা হইলে অমবনাথের অপেক্ষা ভাল পাত্র হইল না । কিন্তু হেঁদো কথা ছাড়িয়া দেও—তুমি কি আমার সঙ্গে রজনীব সম্বন্ধ কবিত্তে আসিয়াছ ?”

রাজচন্দ্র একটু কুণ্ঠিত হইল । বলিল, “হাঁ, তাই বটে ।  
এ সম্বন্ধ করিতেই, কর্তা আমাকে ডাকাইয়াছিলেন ।”

নায়া, আকাশ হইতে পড়িলাম । সম্মুখে, দাবিদ্র বান্ধসকল  
দেখিয়া, ভীত হইয়া, পিতা যে এই সম্বন্ধ করিতেছেন, তাহা  
বুদ্ধিতে পাবিলাম—বজনীকে আমি বিবাহ কবিলে ঘরের  
বিষয় হবে থাকিবে । আমাকে অল্প পুস্তনাবীর কাছে বিক্রয়  
করিয়া, পিতা বিক্রয়মূল্যস্বরূপ ক্ষত সম্পত্তি পুনঃপ্রাপ্ত হইবেন ।  
শুনিয়া হাড় জলিয়া গেল ।

বাজচন্দ্রকে বলিলাম, “তুমি এখন যাও । কর্তাব সঙ্গে  
আমাব সে কথা হইবে ।”

আমাব বাগ দেখিয়া, বাজচন্দ্র পিতাব কাছে গেল । সে  
কি বলিল বলিতে পাবি না । পিতা তাহাকে বিদায় দিয়া,  
আমাকে ডাকাইলেন ।

তিনি আমাকে নানা প্রকারে অন্তবোধ কবিলেন,—বজনীকে  
বিবাহ কবিতেই হইবে । নহিলে সপবিবাবে মাঝা যাইব—  
খাইব কি ? তাহাব দুঃখ ও কাতবতা দেখিয়া আমাব দুঃখ  
হইল না । বড় বাগ হইল । আমি বাগ কবিয়া চলিয়া  
গেলাম ।

পিতার কাছে হইতে গিয়া, আমাব মাঝ হাতে পড়িলাম ।  
পিতাব কাছে বাগ কবিলাম, কিন্তু মাঝ কাছে রাগ কবিতে  
পারিলাম না—তাঁহাব চক্ষের জগ অসহ হইল । সেখান  
হইতে পলাইলাম । কিন্তু আমাব প্রতিজ্ঞা স্থির রহিল—যে

বজনীকে দয়া কবিয়া গোপালের সঙ্গে বিবাহিত কবিবাব উদ্যোগ কবিয়াছিলাম—আজি তাহাব টাকাব লোভে তাহাকে স্বয়ং বিবাহ কবিব ?

বিপদে পডিবা মনে কবিলাম, ছোট মার সাহায্য লইব ।  
গৃহেব মধ্যে ছোট মাই বুদ্ধিমতী । ছোট মাব কাছে গেলাম ।

“ছোট মা, আমাকে কি বজনীকে বিবাহ কবিত্তে হইবে ?  
আমি কি অপবাহ কবিয়াছি ?”

ছোট মা চুপ কবিয়া বহিলেন ।

আমি । তুমিও কি ঐ পবামর্শে ?

ছোট মা । বাছা, বজনী ত সংকায়স্থেব মেয়ে ?

আমি । হইলই বা ?

ছোট মা । আমি জানি সে সচ্চবিদ্রা ।

আমি । তাহাও স্বীকাব কবি ।

ছোট মা । সে পবম স্কন্দবী ।

আমি । পদ্ম চক্ষু ।

ছোট মা । বাবা—যদি পদ্ম চক্ষুই খোঁজ, তবে তোমাব  
আব একটা বিবাহ কবিত্তে বতক্ষণ ?

আমি । সে কি মা । বজনীব টাকাব জন্ত বজনীকে বিবাহ  
কবিয়া, তাব বিম্ব লইয়া, তাব পব তাকে ঠেলিয়া ফেলিয়া  
দিয়া আব একজনকে বিবাহ করা, কেমন কাজটা হইবে ?

ছোট মা । ঠেলিয়া ফেলিবে কেন ? তোমাব বড মা কি  
ঠেলা আছেন ।



এ কথার উত্তর ছোট মার কাছে করিতে পাবা যায় না । তিনি আমার পিতার দ্বিতীয় পক্ষের বনিতা, বহুবিবাহের দোষের কথা তাঁহাব সাক্ষাতে কি প্রকারে বলিব ! সে কথা না বলিয়া, বলিলাম,

“আমি এ বিবাহ কবিব না—তুমি আমার রক্ষা কর ।  
তুমি সব পাব ।”

ছোট মা । আমি না বুঝি, এমন নহে । কিন্তু বিবাহ না কবিলে, আমবা সপবিবাবে অনাভাবে মাবা যাইব । আমি সকল কষ্ট সহ্য কবিতে পাবি, কিন্তু তোমাদিগেব অন্তকষ্ট আমি চক্ষু দেখিতে পাবিব না । তোমাব সহস্রবৎসব পরমাযু হউক, তুমি ইহাতে অমত কবিও না ।

আমি । টাকাই কি এত বড় ?

ছোট মা । তোমাব আমাব কাছে নহে । কিন্তু যাঁহাবা তোমাব আমাব সর্বস্ব, তাঁহাদেব কাছে বটে । স্ততরাং তোমাব আমাব কাছেও বটে ! দেখ, তোমাব জন্ত, আমবা তিন জনে প্রাণ দিতেও পাবি । তুমি আমাদিগেব জন্ত একটি অন্ধ কন্তা বিবাহ কবিতে পাবিবে না ?

বিচাবে ছোট মাব কাছে হাবিলাম । হাবিলে বাগ বাড়ে । আমার বাগ বাড়িল । আব মনে মনে বিশ্বাস ছিল, যে টাকাব জন্ত রজনীকে বিবাহ কবা বড় অশ্রায । অতএব আমি দম্ব করিয়া বলিলাম,

“তোমরা যাহাই বলনা কেন, আমি এ বিবাহ কবিব না ।”

ছোট মাও দস্ত করিয়া বলিলেন,

“তুমিও যাই বল না কেন, আমি যদি কায়েতের মেয়ে  
হই, তবে তোমাৎ এ বিবাহ দিবই দিব।”

আমি হাসিয়া বলিলাম, “তবে বোধ হয় তুমি গোয়ালার  
মেয়ে। আমায় এ বিবাহ দিতে পারিবে না।”

ছোট মা বলিলেন, “না বাবা, আমি কায়েতের মেয়ে।”

ছোট মা বড় ছুঁট। আমাকেই বাবা বলিয়া, গালি  
ফিঝাইয়া দিলেন।

যষ্ঠ পবিচ্ছেদ।



আমাদিগের বাড়ীতে এক সন্ন্যাসী আসিয়া মধ্যে মধ্যে থাকিত। কেহ সন্ন্যাসী বলিত, কেহ ব্রহ্মচারী, কেহ দণ্ডী, কেহ অবধূত। পবিবানে গৈবিক বাস, কঠে বক্রাক্ষ মালা, মস্তকে রুক্ষ কেশ, জটা নহে, বক্তচন্দনেব ছোট বক্রনেব ফোঁটা। বড একটা ধূলা কাদাব ঘটা নাই—সন্ন্যাসী-জাতিব মুখো ইনি একটু বাবু। খডম চন্দনকাঠেব, তাহাতে হাতীব দাঁতের বোল। তিনি যাই হউন, বালকেবা তাঁহাকে সন্ন্যাসী মহাশয় বলিত বলিয়া আমিও তাঁহাকে তাহাই বলিব।

পিতা কোথা হইতে তাঁহাকে লইয়া আসিয়াছিলেন। অনুভবে বুদ্ধিগাম, পিতাব মনে মনে বিশ্বাস ছিল, সন্ন্যাসী নানাবিধ ঔষধ জানে এবং তাত্ত্বিক যাগযজ্ঞে সুদক্ষ। বিমাতা বন্ধ্যা।

পিতাব অনুকম্পায় সন্ন্যাসী উপবেব একটা বৈঠকখানা আসিয়া দখল কবিয়াছিল। ইহা আমাব একটু বিবক্তিকব চট্টয়া উঠিয়াছিল। আবাব সন্ধ্যাকালে সূর্য্যেব দিকে মুখ কবিয়া সাবঙ্গ বাগিনীতে আৰ্য্যাঙ্কনে স্তোত্র পাঠ কবিত। তণ্ডামি আব আমাব সহ হইল না। আমি তাহাব অর্কচন্দ্রেব ব্যবস্থা কবিবাব জন্ত তাহার নিকট গেলাম।

বলিলাম, “সন্ন্যাসী ঠাকুর, ছাদের উপর মাথা মুণ্ড কি বকিতেছিলে ?”

সন্ন্যাসী হিন্দুস্থানী, কিন্তু আমাদিগের সঙ্গে যে ভাষায় কথা কহিত, তাহাব চৌদ্দ আনা নিভাজ সংস্কৃত, এক আনা হিন্দি, এক আনা বাঙ্গালা। আমি বাঙ্গালাই রাখিলাম। সন্ন্যাসী উত্তর কবিলেন,

“কেন কি বকি, আপনি ক্বি জানেন না ?”

আমি বলিলাম, “বেদমন্ত্র ?”

স। হইলে হইতে পাবে।

আমি। পড়িয়া কি হয় ?

স। কিছু না।

উত্তরটুকু সন্ন্যাসীব জিত—আমি এ টুকু প্রত্যাশা করি নাই। তখন জিজ্ঞাসা করিলাম,

“তবে পড়েন কেন ?”

স। কেন, শুনিতে কি কষ্টকর ?

আমি। না, শুনিতে মন্দ নয়, বিশেষ আপনি সুকর্ত্ত। তবে যদি কিছু ফল নাই, তবে পড়েন কেন ?

স। যেখানে হইতে কাহারও কোন অনিষ্ট নাই, সেখানে পড়ায ক্ষতি কি ?

আমি জাবি কবিতে আসিয়াছিলাম,—কিন্তু দেখিলাম যে একটু হটিয়াছি—সুতরাং আমাকে চাপিয়া ধরিতে হইল। বলিলাম,

“ক্ষতি নাই, কিন্তু নিষ্ফলে কেহ কোন কাজ কবে না—যদি বেদগান নিষ্ফল, তবে আপনি বেদগান কবেন কেন?”

স। আপনিও ত পণ্ডিত, আপনিই বলুন দেখি, বৃক্ষেব উপব কোকিল গান কবে কেন ?

ফাঁপবে পড়িলাম। ইহাব দুইটি উত্তর আছে, এক—“ইহাতেই কোকিলেব স্মৃষ্টি”—দ্বিতীয়, “স্ত্রীকোকিলকে মোহিত কবিবাব জ্ঞান।” কোন্ট বলি ? প্রথমটি আগে বলিলাম,

“গাইয়াই কোকিলেব স্মৃষ্টি।”

স। গাইয়াই আমাব স্মৃষ্টি।

আমি। তবে টপ্পা, খিষাল প্রভৃতি থাকিতে বেদগান কবেন কেন ?

কোন্ কথাগুলি স্মৃষ্টিকর—সামান্য গণিকাগণেব কদম্ব চবিত্রেব গুণগান স্মৃষ্টিকর, না দেবতাদিগেব অসীম মহিমাগান স্মৃষ্টিকর ?

হাবিয়া, দ্বিতীয় উত্তরে গেলাম। বলিলাম, “কোকিল গায়, কোকিলপত্নীকে মোহিত কবিবাব জন্য। মোহনার্থে বে শাবীবিক স্মৃষ্টি, তাহাতে জীবের স্মৃষ্টি। কর্তৃস্ববেব স্মৃষ্টি সেই শাবীবিক স্মৃষ্টির অন্তর্গত। আপনি কাহাকে মুক্ত কবিত্তে চাহেন ?”

সন্ন্যাসী হাসিয়া বলিলেন, “আমার আপনার মনকে।

মন, আত্মা অমুবাগী নহে, আত্মা হিতকারী নহে। তাহাকে বশীভূত কবিবাব জন্য গাই।”

আমি। আপনাবা দার্শনিক, মন এবং আত্মা পৃথক্ বলিয়া মানেন। কিন্তু মন একটি পৃথক্, আত্মা একটি পৃথক্ পদার্থ ইহা মানিতে পারি না। মনেবই ক্রিয়া দেখিতে পাই—ইচ্ছা, প্রবৃত্ত্যাদি আমাব মনে। স্মৃথ আমাব মনে, দুঃথ আমার মনে। তবে আবাব মনেব অতিরিক্ত আত্মা, কেন মানিব? যাহার ক্রিয়া দেখি তাহাকেই মানিব। যাহাব কোন চিহ্ন দেখি না, তাহাকে মানিব কেন?

স। তবে বল না কেন, মন ও শবীর এক। শবীর ঙ্গ মনেব প্রভেদ কেন মানিব। যে কিছু কার্য্য করিতেছ সকলই শবীরেব কার্য্য—কোনটি মনেব কার্য্য?

আমি। চিত্তা প্রবৃত্তি ভোগাদি।

স। কিসে জানিলে সে সকল শাবীরিক ক্রিয়া নহে?

আমি। তাহাও সত্য বটে। মন, শবীরেব ক্রিয়া\* মাত্র।

স। ভাল, ভাল। তবে আব একটু এসো। বল না কেন, যে শবীরও পঞ্চভূতেব ক্রিয়ামাত্র? শুনিয়াছি তোমবা পঞ্চভূত মান না—তোমবা বহুভূতবাদী, তাই ইউক, বল না কেন যে ক্ষিত্যাদি বা অন্য ভূতগণ, শবীররূপ ধারণ

\* Function of the brain.

করিয়া সকলই করিতেছে ? এই যে তুমি আমার সঙ্গে কথা কহিতেছ—আমি বলি যে কেবল ক্ষিত্যাদি আমার সম্মুখে দাঁড়াইয়া শব্দ করিতেছে, শচীন্দ্রনাথ নহে । মন ও শরীবাতির কল্পনাব প্রয়োজন কি ? ক্ষিত্যাদি ভিন্ন শচীন্দ্রনাথের অস্তিত্ব মানি না ।

হারিয়া, ভক্তিতাবে সন্ন্যাসীকে প্রণাম করিয়া উঠিয়া গেলাম । কিন্তু সেই অবধি সন্ন্যাসীকে সঙ্গে একটু সম্প্রীতি হইল । সর্কদা তাঁহাব কাছে আসিয়া বসিতাম ; এবং শাস্ত্রীয় আলাপ করিতাম । দেখিলাম, সন্ন্যাসীকে অনেকপ্রকার ভাঙানি আছে । সন্ন্যাসী ঔষধ বিলাব, সন্ন্যাসী হাত দেখিয়া গণিবা ভবিষ্যৎ বলে, সন্ন্যাসী বাগ হোনাদিও মধ্যে মধ্যে কবিবা থাকে —নল চালে, চোব রসিয়া দেব, আবও কত ভাঙানি কবে । একদিন আমার অসহ হইয়া উঠিল । একদিন আমি তাহাকে বলিলাম, “আপনি মহানহোপাধ্যায় পণ্ডিত ; আপনাব এ সকল ভাঙানি কেন ?”

স । কোনটা ভাঙানি ?

আমি । এই নলচালা, হাতগণা প্রভৃতি ।

স । কতকগুলো অনিশ্চিত বটে, কিন্তু তথাপি কর্তব্য ।

আমি । যাহা অনিশ্চিত জানিতেছেন, তদ্বাৰা লোককে প্রতাবণা কেন কবেন ?

স । হোমবা মড়া কাট কেন ?

আমি । শিক্ষার্থ । \*

স। যাহাবা শিক্ষিত, তাহাবা কাটে কেন ?

আমি। তহানুসন্ধান জন্য ।

স। আমবাও তহানুসন্ধান জন্য এ সকল করিয়া থাকি । শানয়াছি, বিলাতি পণ্ডিতের মধ্যে অনেকে বলেন, লোকের মাথাব গঠন দেখিয়া তাহাব চবিত্রের কথা বলা যায় । যদি মাথাব গঠনে চবিত্র বলা যায়, তবে হাতের রেখা দেখিবাই বা কেন না বলা যাইবে । ইহু মানি, যে হাতের বেখা দেখিয়া, কেহ এ পর্য্যন্ত ঠিক বলিতে পাবে নাই । ইহাব কাবণ এই হইতে পাবে, যে ইহাব প্রকৃত সঙ্কেত অদ্যাপি পাওয়া যায় নাই, কিন্তু ক্রমে ক্রমে হাত দেখিতে দেখিতে প্রকৃত সঙ্কেত পাওয়া যাইতে পাবে । এজন্য হাত পাইলেই দেখি ।

আমি। আব নলচালা ?

স। তোমবা লোহেব তাবে পৃথিবীময় লিপি চালাইতে পাব, আমবা কি নলটি চালাইতে পাঁবি না ? তোমাদেব একটি ভ্রম আছে, তোমবা মনে কব, যে, যাহা ইংরেজেবা জানে তাহাই সত্য, যাহা ইংবেজে জানে না, তাহা অসত্য, তাহা মনুষ্যজ্ঞানেব অতীত, তাহা অসাধ্য । বস্তুতঃ তাহা নহে । জ্ঞান অনন্ত । কিছু তুমি জান, কিছু আমি জানি, কিছু অন্যে জানে, কিন্তু কেহই বলিতে পাবে না যে আমি সব জানি, আব কেহ আনাব জ্ঞানেব অতিরিক্ত কিছু জানে না । কিছু ইংবেজে জানে, কিছু আমাদেব পূৰ্বপুরুষেরা জানিতেন । ইংরেজেরা যাহা জানে



ঋষিরা তাহা জানিতেন না ; ঋষিবা যাহা জানিতেন, ইংরেজেরা এ পর্যন্ত তাহা জানিতে পারেন নাই । সেই সকল আৰ্য্যবিদ্যা প্রায় লুপ্ত হইয়াছে, আমবা কেহ কেহ দুই একটি বিদ্যা জানি। যত্নে গোপন রাখি—কাহাকেও শিখাই না ।

আমি হাসিলাম । সন্ন্যাসী বলিলেন, “তুমি বিশ্বাস করিতেছ না ? কিছু প্রত্যক্ষ দেখিতে চাও ?”

আমি বলিলাম, “দেখিলে, বুঝিতে পাবি ।”

সন্ন্যাসী বলিল, “পশ্চাৎ দেখাইব । এক্ষণে তোমাব সঙ্গে আমাব একটি বিশেষ কথা আছে । আমার সঙ্গে তোমার বৃনিষ্ঠতা দেখিয়া, তোমাব পিতা আমাকে অনুবোধ কবিয়াছেন, যে তোমাকে বিবাহে প্রবৃত্তি দিই ।”

আমি হাসিয়া বলিলাম, “প্রবৃত্তি দিতে হইবে না, আমি বিবাহে প্রস্তুত—কিন্তু—”

স । কিন্তু কি ?

আমি । কন্যা কই ? এক কাণা কন্যা আছে তাহাকে বিবাহ কবির না ।

স । এ বাঙ্গালাদেশে কি তোমাব যোগ্য কন্যা নাই ?

আমি । হাজার হাজার আছে, কিন্তু বাছিবা লইব কি প্রকাবে ? এই শত সহস্র কন্যাব মধ্যে কে আমাকে চিবকাল ভালবাসিবে, তাহা কি প্রকাবে বুঝিব ?

স । আমাব একটি বিদ্যা আছে । যদি পৃথিবীতে এমনত কেহ থাকে, যে তোমাকে নন্দ্যাস্তিক ভালবাসে,

তবে তাহাকে স্বপ্নে দেখাইতে পারি, কিন্তু যে তোমাকে এখন ভালবাসে না ভবিষ্যতে বাসিতে পারে, তাহা আমার বিদ্যাব অতীত ।

আমি । এ বিদ্যা বড় আবশ্যিক বিদ্যা নহে । যে যাহাকে ভালবাসে সে তাহাকে প্রায় প্রণয়শাগী বলিয়া জানে ।

স । কে বলিল ? অজ্ঞাত প্রণয়ই পৃথিবীতে অধিক । তোমাকে কেহ ভালবাসে ? তুমি কি তাহাকে জান ?

আমি । আত্মীয় স্বজন ভিন্ন কেহ যে আমাকে বিশেষ ভালবাসে, এমত জানি না ।

স । তুমি আমাদেব বিদ্যা কিছু প্রত্যক্ষ কবিতে চাহিতেছিলে, আজ এইটি প্রত্যক্ষ কব ।

আমি । ক্ষতি কি ?

স । তবে শয়নকালে আমাকে শয্যাগৃহে ডাকিও ।

আমাব শয্যাগৃহ বহির্দ্বাৰাটীতে । আমি শয়নকালে সন্ন্যাসীকে ডাকাইলাম । সন্ন্যাসী আদিয়া আমাকে শয়ন কবিতে বলিলেন । আমি শয়ন কবিলে, তিনি বলিলেন, “যতক্ষণ আমি এখানে থাকিব, চক্ষু চাহিও না । আমি গেলে যদি জাগ্রত থাক, চাহিও ।” স্মৃতবাং আমি চক্ষু মুদিয়া রহিলাম— সন্ন্যাসী কি কৌশল কবিল, কিছুই জানিতে পাবিলাম না । সন্ন্যাসী যাইবাব পূর্বেই আমি নিদ্রাভিত্ত হইলাম ।

সন্ন্যাসী বলিয়াছিল, পৃথিবীমধ্যে যে নাযিকা আমাকে মৰ্ম্মাস্তিক ভালবাসে, অদ্য তাহাকেই আমি স্বপ্নে দেখিব ।

স্বপ্ন দেখিলাম বটে । কল কল গঙ্গাপ্রবাহমধ্যে সৈকতভূমি ;  
তাহার প্রান্তভাগে অঙ্কজলমগ্না—কে ?

## রজনী ।

পরদিন প্রভাতে, সন্ন্যাসী জিজ্ঞাসা কবিলেন,  
“কাহাকে স্বপ্নে দেখিয়াছিল ?”

আমি । কাণা ফুলওয়ালা ।


স । কাণা ?

আমি । জন্মান্ত ।

স । আশ্চর্য্য । কিন্তু যেই হউক, তাহার অধিক পৃথিবীতে  
আব কেহ তোমাকে ভালবাসে না ।

আমি নীবব হইয়া বহিলাম ।





## চতুর্থ খণ্ড ।

( সকলের কথা । )

প্রথম পবিচ্ছেদ ।

লবঙ্গলতাব কথা ।

বড গোল বাঁধিল । আমি ত সন্ন্যাসী ঠাকুবের হাতে  
পায়ে ধবিয়া, কাঁদিয়া কাটিয়া, শচীন্দ্রকে বঙ্গনীৰ বশীভূত  
কবিবাব উপায় কবিতেছি । সন্ন্যাসী, তন্ত্রসিদ্ধ, জগদম্বাব  
রূপস্ব যাহা মনে কথেন, তাই কবিতে পাবেন । নিত্ৰমহাশুব  
ষষ্ঠীবৎসব বয়সে, যে এ পামবীৰ এত বশীভূত, তাহা আমাব  
গুণে কি সন্ন্যাসীঠাকুবের গুণে তাহা বলিয়া উঠা ভাব ; আমিও  
কাম্মননোবাকো পতিপদসেবায় ক্রটি করি না, ব্রহ্মচারীও আমাব

জন্তু যাগ, বজ্র, তন্ত্র, মন্ত্র প্রয়োগে ক্রটি করেন না। যাহার জন্তু বাহা তিনি করিয়াছেন, তাহা ফলিয়াছে। কামার বউব, পিতলের টুকুনি সোণা করিয়া দিয়াছিলেন—উনি না পারেন কি? উঁহাব মন্ত্রোষধিব গুণে শচীন্দ্র যে রজনীকে ভাল-বাসিবে—বজনীকে বিবাহ কবিত্তে চাহিবে, তাহাতে আমার কোন সন্দেহই নাই, কিন্তু তবু গোল বাঁধিয়াছে। গোলযোগ অমবনাথ বাঁধাইয়াছে। এখন গুণিতেছি, অমবনাথের সঙ্গেই রজনীর বিবাহ স্থির হইয়াছে।

বজনীর মাসী মাসুয়া, বাজচন্দ্র এবং তাহাব স্ত্রী, আমাদিগের দিকে—তাহাব কাবণ কর্তা বলিয়াছেন, বিবাহ যদি হয় তবে তোমাদিগকে ঘটকবিদায়স্বরূপ কিছু দিব। কথাটা ঘটকবিদায়, কিন্তু আঁচটা ছু হাজার দশ হাজার। কিন্তু তাহাবা আমাদিগের দিকে হইলেও কিছু হইতেছে না। অমবনাথ ছাড়িতেছে না। সে নিশ্চয় বজনীকে বিবাহ কবিত্তে, জিদ কবিত্তেছে।

ভাল, অমবনাথ কে? মেঘের বিবাহ দিবার কর্তা হইল, তাহাব মাসুয়া মাসী,—বাপ মা বলাই উচিত—রাজচন্দ্র ও তাহাব স্ত্রী। তাহাবা যদি আমাদিগের দিকে, তবে অমবনাথের জিদে কি আসিয়া যায়? সে তাহাদিগকে বিষয় দেওয়াইয়া দিয়াছে বটে, কিন্তু তাহাব মেহনতানা ছুই চাবি হাজার ধরিয়া দিলেই হইবে। আমাব ছেলেব বৌ কবিব বলিয়া আর্মি যে কতাব সম্বন্ধ কবিত্তেছি, অমবনাথ কি না

তাহাকে বিবাহ করিতে চায় ? অমবনাথের এ বড় স্পর্ধা !  
আমি একবার অমবনাথকে কিছু শিক্ষা দিয়াছি—আব একবার  
না হয় কিছু দিব। আমি যদি কায়েতেব মেয়ে হই, তবে  
অমবনাথের নিকট হইতে এই বজনীকে কাড়িয়া লইয়া  
আমাব ছেলের সঙ্গে বিবাহ দিব।

আমি অমবনাথের সকল গুণ জানি। অমবনাথ অত্যন্ত  
ধূর্ত—তাহাব সঙ্গে বৃদ্ধে প্রবৃত্ত হইলে বড় সতর্ক হইয়া কাজ  
করিতে হয়। আমি সতর্ক হইয়াই কার্য্য আবস্ত কবিলাম।

প্রথমে বাজচন্দ্রদাসের স্ত্রীকে ডাকিয়া পাঠাইলাম। সে  
আসিলে জিজ্ঞাসা কবিলাম—

“কেন গা ?—”

মালী বৌ—বাজচন্দ্রের স্ত্রীকে আমবা আজিও মালী বৌ  
বলিতাম, বাগ না হইলে ববং বলিতাম না, রাগ হইলেই মালী  
বৌ বলিতাম—মালী বৌ বলিল,

“কি গা ?”

আমি। মেয়েব বিয়ে নাকি অমব বাবুব সঙ্গে দিবে ?

মালী বৌ। সেই কথাই ত এখন হচ্ছে।

আমি। কেন হচ্ছে ? আগাদেব সঙ্গে কি কথা হইয়াছিল ?

মালী বৌ। কি কব্বো মা—আমি মেয়ে মানুষ অত কি  
জানি ?

মাগীর মোটাবুদ্ধি দেখিয়া আমাব বড় বাগ হইল—আমি  
বলিলাম, “সে কি মালী বৌ ? মেয়ে মানুষে জানে না ত কি

পুরুষ মানুষে জানে ? পুরুষ মানুষ আবার সংসার ধর্ম কুটুম্ব কুটুম্বিতাব কি জানে ? পুরুষ মানুষ মাথায় মোট কবিয়া টাকা বহিয়া আনিয়া দিবে এই পর্য্যন্ত—পুরুষ মানুষ আবার কর্তা না কি ?”

বোধ হব মাগী ন মোটাবুদ্ধিতে আমার কথাগুলো অসঙ্গত বোধ হইল—সে একটু হাসিল। আমি বলিলাম, “তোমাব স্বামীব কি মত অমবনাথের সঙ্গে মেয়েব বিবাহ দেন ?”

মালী বৌ বলিল, “তাব মত নয়—তবে অমবনাথ বাবু হইতেই রজনী বিষয় পাইয়াছে—তঁার বাধ্য হইতেই হয়।”

আমি। তবে অমবনাথ বাবুকে বল গিয়া, বিষয় বন্ধন. এখনও পাব নাই। বিষয় আমাদেব, বিষয় আমবা ছাড়িব না। পাব, তোমবা বিষয় নোকদ্দমা কবিয়া লও গিয়া।

মালী বৌ। সে কথা আগে বলিলেই হইত। এত দিন নোকদ্দমা উপস্থিত হইত।

আমি। নোকদ্দমা কবা মুখেব কথা নহে। টাকার শ্রাদ্দ। বাজচন্দ্র দাস ফুল বেচিরা কত টাকা করিয়াছে ?

মালী বৌ বাগে গব গব কবিত্তে লাগিল। সত্য বলিতেছি, আমাব কিছুই বাগ হব নাই। মালী বৌ একটু রাগ সামলাইয়া বলিল, “অমব বাবু আমাব জামাই হইলেই বিষয় অমর বাবুব হইবে। তিনি টাকা দিয়া নোকদ্দমা করিতে পাবেন, তাঁহার এমন শক্তি আছে।”

এই বলিয়া মালী বৌ উঠিয়া যায়, আমি তাহাব  
আঁচল ধরিয়া বসাইলাম । মালী বৌ হাসিয়া বসিল । আমি  
বলিলাম,

“অমব বাবু মোকদ্দমা কবিয়া বিষয় লইলে তোমাব কি  
উপকাব ?”

মালী বৌ । আমাব মেযেব সুখ হবে ।

আমি । আব আমাব ছেঁলব সঙ্গে তোমাব মেযেব বিয়ে  
হলে বুঝি বড় দুঃখ হবে ?

মালী বৌ । তা কেন ? তবে যেখানে থাকে আমাব  
মেয়ে সুখী হইলেই হইল ।

আমি । তোমাদেব নিজেব কিছু সুখ চাহি না ?

মালী বৌ । আমাদেব আবাব কি সুখ ? মেয়েব সুখেই  
আমাদেব সুখ ।

আমি । ঘটকালি টা ?

মালী বৌ মুখ মুচকিয়া হাসিল । বলিল, “আসল কথা  
বলিব না ঠাকুবাণি ? এখানে বিবেয মেযেব মত নাই ।”

আমি । সে কি ? কি বলে ?

মালী বৌ । এখানকাব কথা হইলেই বলে, কাণাব  
আবাব বিয়েয় কাজ কি ?

আমি । আব অমবনাথেব সঙ্গে বিযেব কথা হইলে ?

মালী বৌ । বলে, ওঁ হতে আমাদেব সব । উনি যা  
বলিবেন, তাই কবিত্তে হইবে ।



আমি। তা বিয়ের কথার আবার মতামত কি ? মা বাপেব মতামত হইলেই হইল ।

মালী বৌ। বজনী ত ক্ষুদ্রে মেয়ে নয়, আব আমার পেটেব সন্তানও নয়। আব বিষয় তার, আমাদের নয়। সে আমাদের হাঁকাইয়া দিলে আমবা কি কবিত্তে পাবি ? বরং তাব মন বাখিয়াই আমাদের এখন চলিতে হইতেছে ।

আমি ভাবিয়া চিন্তিয়া জিজ্ঞাসা করিলাম—

“বজনীব সঙ্গে অমরনাথের দেখা শুনা হয় কি ?”

মালী বৌ। না। অমব বাবু দেখা কবেন না ।

আমি। আমাব সঙ্গে বজনীব একবাব দেখা হয় না কি ?

মালী বৌ। আমাবও তাই ইচ্ছা। আপনি যদি তাহাকে বুকাইয়া পড়াইয়া তাহাব মত করাইতে পারেন। আপনাকে রজনী বিশেষ ভক্তি শ্রদ্ধা কবে।

আমি। তা চেষ্টা কবিয়া দেখিব। কিন্তু বজনীব ঈদখা পাই কি প্রকারে ? কাল তাহাকে এ বাড়ীতে একবাব পাঠাইয়া দিতে পাব ?

মালী বৌ। তাব আটক কি ? সে ত এই বাড়ীতেই খাইয়া নাহুষ। কিন্তু যাব বিয়েব সম্বন্ধ হইতেছে তাহাকে কি শশুরবাড়ীতে অমন অদিনে অক্ষণে বিয়ের আগে আসিতে আছে ?

নব মাগী। আবাব কাচ ! কি করি, আমি অত্র উপায় না দেখিয়া বলিলাম,

“আচ্ছা, রজনী না আসিতে পারে, আমি একবার তোমাদের বাড়ী যাইতে পারি কি ?”

মালী বৌ। সে কি ! আমাদের কি এমন ভাগ্য হইবে, যে আপনার পায়ের ধূলা, আমাদের বাড়ীতে পড়িবে ?

আমি। কুটুম্বিতা হইলে আমার কেন, অনেকবই পড়িবে। তুমি আমাকে আজ নিমন্ত্রণ কবিয়া যাও।

মালী বৌ। তা আমাদের বাড়ীতে আপনাকে পাঠাইতে কর্তাব মত হইবে কেন ?

আমি। পুরুষ মানুষের আবার মতামত কি ? মেয়ে-মানুষের যে মত পুরুষমানুষেবও সেই মত।

মালী বৌ যোড হাত কবিয়া নিমন্ত্রণ কবিয়া হাসিতে হাসিতে বিদায়গ্রহণ কবিল।



## দ্বিতীয় শব্দচ্ছেদ ।

অমরনাথের কথা ।

বজনীর সম্পত্তির উদ্ধাব জন্য আমাব এত কষ্ট সফল হইয়াছে, মিত্রেবাও নির্ঝিবাদে বিষয় ছাডিয়া দিয়াছে, তথাপি বিষয়ে দখল লওয়া হয় নাই, ইহা গুনিবা অনেকে চমৎকৃত হইতে পাবেন । তাহাতে আমিও কিছু বিস্মিত । বিষয় আমাব নহে, আমি দখল লইবাব কেহ নহি । বিষয় বজনীকে সে দখল না লইলে কে কি কবিতে পাবে ? কিন্তু বজনী কিছুতেই বিষয়ে দখল লইতে সন্মত নহে । বলে—আজ নহে—আব দুইদিন যাক—পশ্চাৎ দখল লইবেন ইত্যাদি । দখল না লউক—কিন্তু দবিদ্রকন্যাব ঐশ্বর্য্যে এত অনাস্থা কেন, তাহা আমি অনেক ভাবিবা চিন্তিয়া কিছুই স্থিব কবিতে পাবিতেছি না । রাজচন্দ্র এবং বাজচন্দ্রের স্ত্রীও এ বিষয়ে বজনীকে অনুবোধ কবিয়াছে, কিন্তু বজনী বিষয়ে সম্প্রতি দখল লইতে চায় না । ইহার মন্ত্ৰ কি ? কাহাব জন্য এত পবিশ্রম কবিলাম ?

ইহাব যা হয়, একটা চূডান্ত স্থিব কবিবার জন্য আমি বজনীর সঙ্গে সাক্ষাৎ কবিতে গেলাম । বজনীর সঙ্গে আমাব বিবাহের কথা উথাপিত হওয়া অবধি আমি আব রজনীর সঙ্গে

সাক্ষাৎ কবিত্তে বড যাইতাম না—কেন না এখন আমাকে দেখিলে বজনী কিছু লজ্জিতা হইত। কিন্তু আত্র না গেলে নয় বলিয়া বজনীর কাছে গেলাম। সে বাড়ীতে আমার অবাবিত দ্বাব। আমি বজনীর সন্ধানে তাহাব ঘবে গিয়া তাহাকে দেখিতে পাইলাম না। ফিবিয়া আসিতেছি এমত সময়ে দেখিতে পাইলাম বজনী আব একটা স্ত্রীলোকের সঙ্গে উপবে উঠিতেছে। সে স্ত্রীলোককে দেখিয়াই চিনিলাম— অনেক দিন দেখি নাই, কিন্তু দেখিয়াই চিনিলাম, যে ঐ গজেন্দ্রগামিনী, ললিতলবঙ্গলতা ।

বজনী ইচ্ছাপূর্ব্বক জীর্ণবস্ত্র পবিয়াছিল,—লজ্জায় সে লবঙ্গলতাব সঙ্গে ভাল কবিয়া কথা কহিতেছিল না। লবঙ্গলতা, হাসিতে উছলিয়া পড়িতেছিল—বাগ বা বিদেধেব কিছুমাত্র লক্ষণ দেখা গেল না।

সে হাসি অনেক দিন শুনি নাই। সে হাসি তেমনই ছিল—পূর্ণিমার সমুদ্রে ক্ষুদ্র তবঙ্গের তুল্য, সপুষ্প বসন্তলতাব আন্দোলন তুল্য—তাহা হইতে স্মথ, ভাঙ্গিয়া ভাঙ্গিয়া, ঝবিয়া পড়িতেছিল।

আনি অবাৎ হইয়া নিষ্পন্দশবীবে, সশঙ্কচিত্তে, এই বিচিত্র-চবিত্রা বমণীষ মানসিকশক্তিব আলোচনা কবিত্তেছিলাম। ললিতলবঙ্গলতা কিছুতেই টলে না। লবঙ্গলতা মহান্ ঐশ্বর্য্য হইতে দাবিদ্র্যে পড়িয়াছে—তবু সেই স্মথমথ হাসি; যে বজনী হইতে এই ঘোর বিপদ্ ঘটিয়াছে, তাহাবই গৃহে উঠিতেছে,

ভাহার সঙ্গে আলাপ করিতেছে, তবু সেই সুখময় হাসি।  
আমি সন্মুখে--তবু সেই সুখময় হাসি! অংচ আমি জানি  
লবঙ্গ কোন কথাই ভুলে নাই।

আমি সরিয়া পার্শ্বের ঘবে গেলাম--লবঙ্গলতা প্রথমে  
সেই ঘরে প্রবেশ কবিল--নিঃশঙ্কচিত্তে, আজ্ঞাদায়িনী রাজ-  
রাজেশ্বরী ন্যায়, বজনীকে বলিল--“বজনী--তুই এখন আর  
কোথাও যা! তোব ববেব সঙ্গ আমাব গোপনে কিছু কথা  
আছে। ভয় নাই! তোব বব সুন্দব হলেও আমাব বৃদ্ধস্বামীব  
অপেক্ষা সুন্দব নহে।” বজনী অপ্রতিভ হইয়া, কি ভাবিতে  
ভাবিতে সবিয়া গেল।

ললিতলবঙ্গলতা, জকুটি কুটিল কবিয়া সেই মধুবহাসি-  
হাসিয়া, ইন্দ্রাণীর মত আমাব সন্মুখে দাঁড়াইল। একবার ঠেঁ  
কেহ অমবনাথকে আত্মবিস্মৃত দেখে নাই। আবার আত্মবিস্মৃত  
হইলাম। সেবারও ললিতলবঙ্গলতা--এবাবও ললিতলবঙ্গলতা।

লবঙ্গ হাসিয়া বলিল, “আমার মুখপানে চাহিয়া কি  
দেখিতেছ? তোমাব অর্জিত ঐশ্বর্য কাড়িয়া লইতে আসিয়াছি  
কি না? মনে কবিলে তাহা পারি।”

আমি বলিলাম, “তুমি সব পাব, কিন্তু ঐটি পাব না।  
পাবিলে কখন বজনীকে বিষয় দিয়া, এখন স্বহস্তে রাঁধিয়া  
সতীনকে খাওয়াইবাব বন্দবস্ত কবিতে না।”

লবঙ্গ, উচ্চহাসি হাসিয়া বলিল, “ওটা বুঝি বড় গায়ে  
লাগিবে মনে করেছ? সতীনকে রাঁধিয়া দিতে হয়, বড় ছুঃখের

কথা বটে, কিন্তু একটা পাহাবাওয়ালাকে ডাকিয়া তোমাকে ধবাইয়া দিলে, এখনই আবার পাঁচটা বাঁধুনী রাখিতে পারি।”

আমি বলিলাম, “বিষয় রজনীব, আমাকে ধবাইয়া দিলে কি হইবে। যাহার বিষয় সে ভোগ কবিত্তে থাকিবে।”

লবঙ্গ। তুমি কশ্মিন্‌কালে স্ত্রীলোক চিনিলে না। যাহাকে ভালবাসে তাহাকে বক্ষার জন্য রজনী এখনই বিষয় ছাড়াইয়া দিবে।

আমি। অর্থাৎ আমার বক্ষাব জন্য বিষয়টা তোমায় ঘুষ দিবে।

লবঙ্গ। তাই।

আমি। তবে এতদিন সে ঘুষ চাও নাই আমাদিগের বিবাহ হয় নাই বলিয়া। বিবাহ হইলেই সে ঘুষ চাহিবে।

লবঙ্গ। তোমার মত ছোটলোকে বুঝিবে কিপ্রকারে? চোবেবা বুঝিতে পারে না যে পবেব দ্রব্য অস্পৃশ্য। বজনীব সম্পত্তি বাণিতে পারিলেও আমি বাখিব কেন?

আমি বলিলাম, “তুমি যদি এমন না হবে, তবে আমার সে মবণ কুবুদ্ধি ঘটবে কেন? যদি আমার এত অপবোধ মার্জনা কবিয়াছ, এত অনুগ্রহ কবিয়াছ, তবে আব একটি ভিক্ষা আছে। যাহা জান, তাহা যদি অন্যেব কাছে না বলিয়াছ, তবে বজনীর কাছেও বলিও না।”

দর্পিতা লবঙ্গলতা ক্রভঙ্গী কবিল—কি স্তম্ভব ক্রভঙ্গী। বলিল, “আমি কি ঠক? যে তোমার স্ত্রী হইবে তাহার কাছে

তোমার নামে ঠকাম কবিবাব জন্ম কি আমি তাহাব বাড়ীতে আসিয়াছি ?”

এই বলিয়া লবঙ্গলতা হাসিল। তাহাব হাসিব মর্শ্ব আমি কিছু কখন বুঝিতে পারি না। লবঙ্গ বিলক্ষণ রাগিয়া উঠিয়াছিল—কিন্তু হাসিতে সব বাগ ভাসিয়া গেল। যেন জলের উপব হইতে মেঘেব ছায়া সবিয়া গেল, তাহাব উপব মেঘমুক্ত চক্রেব স্থায় জলিতে লাগিল। আমি লবঙ্গলতাব মর্শ্ব কখন বুঝিতে পাবিলাম না।

হাসিয়া লবঙ্গ বলিল, “তবে আমি বঙ্গনীব কাছে যাই।”

“যাও।”

ললিতলবঙ্গতা, ললিত লবঙ্গলতাব মত ছলিতে ছলিতে চলিল। ক্ষণেক পবে, আমাকে ডাকিয়া পাঠাইল। গিয়া দেখিলাম, লবঙ্গলতা দাঁড়াইয়া আছে। বঙ্গনী তাহাব পাষে হাত দিয়া কাঁদিতেছে। আমি গেলে লবঙ্গলতা বলিল, “শুন, তোমাব ভবিষ্যৎ ভার্য্যা কি বলিতেছে। তোমাব সম্মুখে নহিলে এমন কথা আমি কাণে শুনিব না।”

আমি বিস্মিত হইয়া জিজ্ঞাসা কবিলাম “কি ?”

লবঙ্গলতা বঙ্গনীকে বলিল, “বল। তোমাব বব আসিয়াছেন—”

বঙ্গনী সকাতেবে অশ্রুপূর্ণনোচনে ললিতলবঙ্গতাব চরণস্পর্শ কবিয়া বলিল,

“আমার এই ভিক্ষা, আমার যে কিছু সম্পত্তি আছে, এই

বাবুর যত্নে আমার যে সম্পত্তি উদ্ধৃত হইয়াছে, আমি লেখাপড়া করিয়া আপনাকে দান করিব, আপনি গ্রহণ করিবেন না কি ?”

আহ্লাদে আমার সর্বান্তঃকবণ প্লাবিত হইল—আমি বজনীর জন্ত যে যত্ন করিয়াছিলাম—যে ক্লেশ স্বীকার করিয়াছিলাম—তাহা সার্থক বোধ হইল। আমি পূর্বেই বুঝিয়াছিলাম, এখন আরও পবিষ্কার বুঝিলাম, যে বমণীকুলে, অন্ধ বজনী অধিতীয় বত্ন ! লবঙ্গলতাব প্রোজ্জ্বল জ্যোতিও তাহাব কাছে ম্লান হইল। আমি ইতিপূর্বেই বজনীব অন্ধ নয়নে আশ্রমসমর্পণ করিয়াছিলাম—আজি তাহাব কাছে বিনামূল্যে বিক্রীত হুইলাম। এই অমূল্য বত্নে আমার অন্ধকারপুত্রী প্রভাসিত করিয়া, এ জীবন সুখে কাটাইব। বিধাতা আমার কি সেদিন করিবেন না !





## তৃতীয় পরিচ্ছেদ ।



## লবঙ্গলতাব কথা ।

আমি মনে কবিয়াছিলাম, বজনীর এই বিস্ময়কর কথা শুনিয়া, অমরনাথ আগুনে সঁকা কলাপাতের মত ওকাইয়া উঠিবে। কই, তাহা ত কিছু দেখিলাম না। তাহাব মুখ না শুকাইয়া বং প্রফুল্ল হইল। বিস্মিত হতবুদ্ধি, যা হইবার তাহা আমিই হইলাম।

আমি প্রথমে তোমাসা মনে কবিলাম, কিন্তু বজনীর কাতবতা, অশ্রুপাত, এবং দার্ঢ্য দেখিয়া আমার নিশ্চয় প্রতীতি জন্মিল যে বজনী আস্তবিক বলিতেছে। আমি বলিলাম,

“বজনী। কায়েতের কুলে তুমিই ধন্য। তোমাব মন্ত কেহ নাই। কিন্তু আমি তোমাব দানগ্রহণ কবিব না।”

বজনী বলিল, “না গ্রহণ কবেন আমি ইহা বিলাইয়া দিপ্র।”

আমি। অমরনাথ বাবুকে ?

বজনী। আপনি উঁহাকে সবিশেষ চিনেন না ; আমি দিলেও উনি লইবেন না। লইবাব অন্য লোক আছে।

আমি। অমরনাথ বাবু কি বল ?

অমর । আমার সঙ্গে কোন কথা হইতেছে না, আমি কি বলিব ।

আমি বড় ফাঁপবে পড়িলাম, বঙ্গনী যে বিষয় ছাড়িয়া দিতেছে, তাহাতে বিস্মিত, আবার অমবনাথ যে বিষয় উদ্ধাবেব জন্য এত কবিতাছিল, যাহাব লোভে বঙ্গনীকে বিবাহ কবিবাব জন্য উদ্যোগ করিতেছে, সে বিষয় হাত ছাড়া হইতেছে, দেখিয়াও সে প্রফুল্ল । কাণ্ডখানা কি ?

আমি অমবনাথকে বলিলাম যে, যদি স্থানান্তরে যাও, তবে আমি বঙ্গনীৰ সঙ্গে সকল কথা মুখ ফুটিয়া কই । অমবনাথ স্মমনি সবিতা গেল । আমি তখন বঙ্গনীকে বলিলাম,

“সত্য সত্যই কি তুমি বিষয় বিশাইয়া দিবে ?”

“সত্য সত্যই । আমি গঙ্গাজল নিয়া শপথ কবিতা বলিতেছি ।”

আমি । আমি তোমাব দান লই, তুমি যদি আমার কিছু দান লও ।

রঙ্গনী । অনেক লইয়াছি ।

আমি । আবও কিছু লইতে হইবে ।

রঙ্গনী । একখানি প্রসাদি কাপড় দিবেন ।

আমি । তা না । অগ্নি বা দিই, তাই নিতে হইবে ।

বঙ্গনী । কি দাবন ?

আমি । শচীন্দ্র বলিয়া আমার একটি পুত্র আছে । আমি তোমাকে শচীন্দ্রদান কৰিব । স্বামীস্বরূপ তুমি তাহাকে গ্রহণ

কবিবে । তুমি যদি তাহাকে গ্রহণ কব, তবেই আমি তোমার বিষয় গ্রহণ কবিব ।

বজনী দাঁড়াইযাছিল, ধীবে ধীবে বসিয়া পড়িয়া, অন্ধনয়ন মুদিল । তার পব, তাহাব মুদিত নয়ন হইতে অবিবল জলধারা পড়িতে লাগিল—চক্ষের জল আৰু কুয়ায় না । আমি বিষম বিপদে পড়িলাম । বজনী কথা কহে না—কেবল কাঁদে । আমি জিজ্ঞাসা কবিলাম, “কিস বহনি ? অত কাঁদ কেন ?”

বজনী কাঁদিতে কাঁদিতে বলিল, “সে দিন গঙ্গার জলে আমি ডুবিয়া মৰিতে গিয়াছিলাম—ডুবিয়াছিলাম, লোকে ধৰিয়া তুলিল । সে শচীন্দ্রের জন্ম । তুমি যদি বলিতে, তুমি অন্ধ, তোমাব চক্ষু ফুটাইয়া দিব—আমি তাহা চাহিতাম না—আমি শচীন্দ্র চাহিতাম । শচীন্দ্রের অপেক্ষা এ জগতে আৰু কিছুই নাই—আমাব প্রাণ তাহাব কাছে, দেবতার কাছে ফুলেব বলিমাত্র—শ্রীচরণে স্থান পাইলেই সার্থক । অন্ধের হৃৎথেব কথা শুনিবে কি ?”

আমি বজনীর কাতবতা দেখিয়া কাতব হইয়া বলিলাম, “শুনিব ।”

তখন বজনী কাঁদিতে কাঁদিতে, হৃদয় খুলিয়া, আমাব কাছে সকল কথা বলিল । শচীন্দ্রের কণ্ঠ, শচীন্দ্রের স্পর্শ, অন্ধের কপোদ্মাদ । তাহার পলাবন, নিমজ্জন, উদ্ধাব সকল বলিল । বলিয়া বলিল, “ঠাকুবাণি, তোমাদেব চক্ষু আছে—চক্ষু থাকিলে এত ভালবাসা বাসিতে পাৰে কি ?”

মনে মনে বলিলাম, “কাণি! তুই ভালবাসাব কি জানিস্! তুমি লবঙ্গলতার অপেক্ষা সহস্রগুণে স্নেহী।” প্রকাশ্যে বলিলাম, “না, বঙ্গনি আমার বুড়া স্বামী—আমি অত শত্রু জানি না। তুমি শচীন্দ্রকে তবে বিবাহ করিবে, ইহা স্থিৰ?”

রজনী বলিল, “না।”

আমি। সে কি? তবে, এত কথা কি বলিতেছিলে—  
এত কাঁদিলে কেন?

বঙ্গনী আমার সে স্নেহ কপালে নাই, বলিয়াই এত কাঁদিলাম।

আমি। সে কি? আমি বিবাহ দিব।

বঙ্গনী। দিতে পারিবেন না। অমবনাথ হইতে আমার সক্ষম। অমবনাথ আমার বিষয় উদ্ধাবেব জ্ঞাত যাহা কবিয়াছেন, পবেব জন্য পবে কি তত কবে? তাও ধৰিণা, তিনি আপনাব প্রাণ দিয়া আমার প্রাণবক্ষা কবিয়াছেন।

বঙ্গনী সে বৃত্তান্ত বলিল। পবে কহিল, যাঁহাব কাৰ্ছে আমি এত ঋণী, তিনি আমার যাহা করিবেন তাহাই হইবে। তিনি যখন অনুরূপ কবিয়া আমাকে দাসী কবিতো চাহিয়াছেন, তখন আমি তাঁহাবই দাসী হইব, আব কাহারও নহে।”

হবি! হবি! কেন বাছাকে সন্ন্যাসী দিয়া ঔষধ কবিলাম!  
বিবাহ ব্যতীতও বিষয় থাকে—বঙ্গনী ত এখনই বিষয় দিতে চাহিতেছে। কিন্তু ছি! রজনীর দান লইব? ভিক্ষা মাগিয়া

খাইব—সেও ভাল । আমি বলিয়াছি—আমি যদি এই বিবাহ না দিই ত আমি কায়েতেব মেয়ে নই । আমি এ বিবাহ দিবই নাই । আমি বজনীকে বলিলাম, “তবে আমি তোমাব দান লইব না । তুমি যাহাকে ইচ্ছা তাহাকে দান কবিও ।” আমি উঠিলাম ।

বজনী বলিল, “আব একবাব বসুন । আমি অমবনাথ বাবুব দ্বাবা একবাব অনুবোধ কঁবাইব । তাঁহাকে ডাকিতেছি ।”

অমবনাথের সঙ্গে আব একবাব সাক্ষাৎ আমাবও ইচ্ছা । আমি আবাব বসিলাম । বজনী অমবনাথকে ডাকিল ।

অমবনাথ আসিলে, আমি বজনীকে বলিলাম, “অমবনাথ বাবু এ বিষয়ে যদি অনুবোধ কবিতে চাহেন, তবে সকল কথা কি তোমাব সাক্ষাতে খুলিষা বলিতে পাবিবেন ? আপনাব প্রশংসা আপনি দাডাইযা শুনিও না ।”

রজনী সবিযা গেল ।



চতুর্থ পবিচ্ছেদ ।

লবঙ্গলতাব কথা ।

আমি অমরনাথকে জিজ্ঞাসা কবিনাম,

“তুমি কি বজনীকে বিবাহ কবিবে ?”

অ । কবিব—স্থিব ।

আমি । এখনও স্থির ? বজনীৰ বিষয় ত বজনী আমাকে  
দিতেছে ?

অ । আমি রজনীকে বিবাহ কবিব—বিষয় বিবাহ কবিব  
না ।

আমি । বিষয়েব জ্ঞানই ত রজনীকে বিবাহ কবিত্তে  
চাহিয়াছিলে ?

অ । স্ত্রীলোকেব মন এমনই কদৰ্শ্য ।

আমি । আমাদেব উপব এত অভক্তি কত দিন ?

অ । অভক্তি নাই—তাহা হইলে বিবাহ কবিত্তে চাহি-  
তাম না ।

আমি । কিন্তু বাছিয়া বাছিয়া অন্ধ কষ্টতে এত অমুবাগ  
কেন ? তাই বিষয়ের কথা বলিতেছিলাম ।

অম। তুমি বৃদ্ধিতে এত অনুবক্ত কেন? বিষয়ের জ্ঞান কি?

আমি। কাহাবও সাক্ষাতে তাহাব স্বামীকে বুড়া বলিতে নাই। আমার সঙ্গে রাগারাগি কেন? তুমি কি মুখরা স্ত্রীলোকের মুখকে ভয় কব না।

(কিন্তু বাগাবাগি আমাব আস্তবিক বাসনা।)

অমবনাথ বলিল, “ভয় কল্পি বই কি? রাগেব কথা কিছু বলি নাই। তুমি যেমন মিত্রজাকে ভালবাস, আমিও রজনীকে তেমনি ভালবাসি।”

আমি। কটাঙ্কেব গুণে নাকি?

অম। না। কটাঙ্ক নাই বলিয়া। তুমিও কাণী হইলে আবও সুন্দব হইতে।

আমি। সে কথা মিত্রজাকে জিজ্ঞাসা কবিব, তোমাকে নহে। সম্প্রতি, তুমিও যেমন রজনীকে ভালবাস আমিও বজনীকে তেমনি ভালবাসি।

অম। তুমিও রজনীকে বিবাহ কব্বিতে চাও নাকি?

আমি। প্রায়। আমি নিজে তাহাকে বিবাহ না করি, তাহার ভাল বিবাহ দিতে চাই। তোমার সঙ্গে তাহাব বিবাহ হইতে দিব না।

অম। আমি সুপাত্র। বজনীব একপ আব জুটতেছে না।

আমি। তুমি কুপাত্র। আমি সুপাত্র জোটাইয়া দিব।

অম। আমি কুপাত্র কিসে?

আমি । কামিজটা খুলিয়া পিঠ বাহির কর দেখি ?  
 অমবনাথের মুখ শুকাইয়া কালো হইয়া গেল । অতি  
 দুঃখিতভাবে বলিল,

“ছি ! লবঙ্গ !”

আমাব হুঃখ হইল, কিন্তু হুঃখ দেখিয়া ভুলিলাম না ।  
 বলিলাম,

“একটি গল্প বলিব শুনিবে ?”

আমি কথা চাপা দিতেছি মনে করিয়া অমরনাথ বলিল,  
 “শুনিব ।”

আমি তখন বলিতে লাগিলাম,

“প্রথম যৌবনকালে লোকে আমাকে রূপবতী বলিত—”

অ । এটা যদি গল্প তবে সত্য কোন্ কথা ?

আমি । পরে শোন । সেইরূপ দেখিয়া এক চোর মুগ্ধ  
 হইয়া, আমার পিত্রালয়ে, যে ঘরে আমি এক পবিচারিকা সঙ্গে  
 শয়ন করিয়াছিলাম, সেই ঘবে সিঁধ দিল ।

এই কথা বলিতে আঁবস্ত করায়, অমবনাথ গলদ্বন্দ্ব হইয়া  
 উঠিল । বলিল, “ক্ষমা কর ।”

আমি বলিতে লাগিলাম, “সেই চোর সিঁধপথে, আমার  
 কক্ষমধ্যে প্রবেশ করিল । যবে আলো জলিতেছিল—আমি  
 চোবকে চিনিলাম । ভীতা হইয়া পবিচারিকাকে উঠাইলাম ।  
 সে চোবকে চিনিত না । আমি তখন অগত্যা, চোরকে আদর  
 করিয়া আঁবস্ত করিয়া ঋণলঙ্কে বসাইলাম ।”



অমব । ক্ষমা কব, সে ত সকলই জানি ।

আমি । তবু একবার শ্রবণ কবিয়া দেওয়া ভাল । ক্ষণেক পবে, চোবেব অলক্ষ্যে আমাব সঙ্কেতানুসাবে পরিচারিকা বাহিবে গিয়া দ্বাববান্কে ডাকিয়া লইয়া সিঁধমুখে দাঁড়াইয়া রহিল । আমিও সময় বুঝিয়া, বাহিবে প্রবোজন ছলনা কবিয়া নির্গত হইয়া বাহিব হইতে একমাত্র দ্বাবেব শৃঙ্খল বন্ধ কবিলাম । মন্দ কবিয়াছিলাম..?

অমরনাথ বলিল, “এ সকল কথা কেন ?”

আমি । পবে চোব নির্গত হইল কি প্রকাবে বল দেখি ? ডাকিয়া পাড়াব লোক জমা কবিলাম । বড় বড় বলবান আসিবা চোবকে ধবিল । চোব লজ্জায় মুখে কাপড় দিয়া রহিল, আমি দয়া কবিয়া তাহাব মুখেব কাপড় খুলাইলাম না, কিন্তু স্বহস্তে লোহাব শলা তপ্ত করিয়া তাহার পিঠে লিখিয়াছিলাম,

“চোর !”

অমব বাবু মতি গ্রীষ্মেও কি আপনি গায়েব জামা খুলিয়া শয়ন করেন না ?

অ । না ।

আমি । লবঙ্গলতাব হস্তাক্ষব মুছিবাব নহে ।

আমি রজনীকে ডাকিয়া এই গল্প শুনাইয়া যাই, ইচ্ছা ছিল কিন্তু শুনাইব না । তুমি রজনীব যোগ্য নহ, রজনীকে বিবাহ

করিতে চেষ্টা পাইও না । যদি ক্ষান্ত না হও, তবে স্মৃতরাং  
গুনাইতে বাধ্য হইব ।

অন্নবনাথ কিছুক্ষণ ভাবিল । পবে, দুঃখিতভাবে বলিল,  
“গুনাইতে হয় গুনাইও । তুমি গুনাও বা না গুনাও, আমি  
স্বয়ং আজি তাহাকে সকল গুনাইব । আমার দোষ গুণ সকল  
তুনিয়া রজনী আমাকে গ্রহণ কবিত্তে হয় গ্রহণ করিবে, না  
করিতে হয়, না করিবে । আমি তুাহাকে প্রবঞ্চনা করিব না ।”

আমি হাবিয়া, মনে মনে অন্নবনাথকে শত শত ধন্তবাদ  
কবিত্তে কবিত্তে, হর্ষবিষাদে ঘবে দিবিয়া আসিলাম ।



---

পঞ্চম পরিচ্ছেদ।

---

শচীন্দ্রনাথের কথা।

ঐশ্বর্য্য হাবাইয়া, কিছুদিন পবে আমি পীড়িত হইলাম। ঐশ্বর্য্য হইতে দাবিদ্রো পতনের আশঙ্কায় মনে কোন বিকার উপস্থিত হইয়াছিল বলিয়া, কি কিজন্ত এই পীড়ার উৎপত্তি তাহা আমি বলিবাব কোন চেষ্টা পাইব না। কেবল পীড়ার লক্ষণ বলিব।

সন্ধ্যাব পূর্বে বৌদ্রেব তাপ অপনীত হইলে পব, প্রামাদের উপব বসিয়া অধ্যয়ন করিতেছিলাম। সমস্ত দিবস অধ্যয়ন কবিয়াছিলাম। জগতেব দুকহ গূঢ় তত্ত্ব সকলেব আলোচনা কবিতেছিলাম। কিছুবই মর্ম্ম বুঝিতে পাবি না, কিন্তু কিছুতেই আকাজ্ঞা নিবৃত্তি পায় না। যত পডি তত পড়িতে সাধ কবে। শেষ শ্রান্তি বোধ হইল। পুস্তক বন্ধ করিয়া হস্তে লইয়া, চিন্তা কবিতে লাগিলাম। একটু নিদ্রা আসিল—অথচ নিদ্রা নহে। সে মোহ, নিদ্রাব স্তায় স্মথকব বা তৃপ্তিজনক নহে। ক্লাস্ত হস্ত হইতে পুস্তক খসিয়া পড়িল। চক্ষু চাহিয়া আছি—বাহুবস্ত সকলই দেখিতে পাইতেছি কিন্তু কি দেখিতেছি তাহা বলিতে পাবি না। অকস্মাৎ সেইখানে, প্রভাত-বীচিবিক্ষেপচপলা কলকলনাদিনী নদী বিস্তৃত দেখিলাম—যেন

তথা উষাব উজ্জল বৰ্ণে পূৰ্বদিক্ প্রভাসিত হইতেছে—দেখি সেই গঙ্গাপ্রবাহমধ্যে, সৈকতমূলে, বজনী! বজনী জলে নামিতেছে। ধীবে, ধীবে, ধীবে! অন্ধ! অথচ কুক্ষিতল্ল, বিকলা, অথচ স্থিবা; সেই প্রভাতশাস্তিশীতলা ভাগীবথীব ন্যায় গম্ভীবা, ধীবা, সেই ভাগীবথীব ন্যায় অন্তবে দুৰ্জয় বেগশালিনী! ধীবে, ধীবে, ধীবে,—জলে নামিতেছে। দেখিলাম, কি সুন্দর। রজনী কি সুন্দরী! বৃক্ষ হইতে নবমুঞ্জীব স্নগন্ধের ন্যায়, দ্ববশ্রুত সঙ্গীতেব শেষভাগেব ন্যায়, বজনী জলে, ধীবে—ধীবে—ধীবে, নামিতেছে! ধীবে বজনী! ধীবে! আমি দেখি তোমায। তখন অনাদব কবিতা দেখি নাই, এখন একবার ভাল কবিতা দেখিবা লই। ধীবে বজনী, ধীবে!

আমাব মুছাঁ হইল। মুছাঁব লক্ষণ সকল আমি অবগত নহি। যাহা পশ্চাৎ শুনিয়াছি, তাহা বণিয়া কোন ফল নাই। আমি যখন পুনর্নাব চেতনপ্রাপ্ত হইলাম, তখন বাত্রিকাল—আমাব নিকট অনেক লোক। কিন্তু আমি সে সকল কিছুই দেখিলাম না। আমি দেখিলাম—কেবল সেই মৃৎনাদিনী গঙ্গা, আর সেই মৃৎগামিনী বজনী, ধীবে, ধীবে, ধীবে জলে নামিতেছে। চক্ষু মুদিলাম তবু দেখিলাম সেই গঙ্গা, আব'সেই রজনী। আবাব চাহিলাম, আবাব দেখিলাম সেই গঙ্গা আর সেই রজনী! দিগন্তবে চাহিলাম—আবাব সেই বজনী, ধীবে, ধীবে, ধীবে, জলে নামিতেছে। উৰ্দ্ধে চাহিলাম—উৰ্দ্ধে আকাশবিহাবিণী গঙ্গা ধীবে, ধীবে, ধীবে বহিতেছে;

আব আকাশবিহাবিলী বজ্রনী ধীবে, ধীবে, ধীবে নামিতেছে ।  
 অন্তর্দিকে মন ফিহাইলাম, তথাপি সেই গঙ্গা আব সেই  
 বজ্রনী । আমি নিবস্ত হইলাম । চিকিৎসকেবা আমার  
 চিকিৎসা কবিতে লাগিল ।

অনেকদিন ধবিয়া আমাব এই চিকিৎসা হইতে লাগিল,  
 কিন্তু আমাব নয়নাগ্র হইতে বজ্রনীকপ তিলেক জন্য অন্তর্হিত  
 হইল না । আমি জানি না আমাব কি বোগ বলিয়া  
 চিকিৎসকেবা চিকিৎসা কবিতেছিল । আমাব নয়নাগ্রে যে  
 রূপ অহরহঃ নাচিতেছিল, তাহার কথা কাহাকেও বলি নাই ।

ষষ্ঠ পবিচ্ছেদ ।



শচীন্দ্রের কথা ।

ওহে ধীবে, বজনি ধীবে ! ধীবে, ধীবে, আমাব এই  
 হৃদয়মন্দিবে প্রবেশ কব ! এত দ্রুতগামিনী কেন ? তুমি অন্ধ,  
 পথ চেন না, ধীবে, বজনি ধীবে ! ক্ষুদ্রা এই পুৰী, আঁধাব,  
 আঁধাব, আঁধাব ! চিবাক্কাব ! দীপশলাকাব ন্যায় ইহাতে  
 প্রবেশ কবিয়া আলো কব,—দীপশলাকাব ন্যায় আপনি  
 পুড়িবে, কিন্তু এ আঁধাবপুৰী আলো কবিবে ।

ওহে ধীবে, বজনি ধীবে ! এ পুৰী আলো কব, কিন্তু  
 দাহ কব কেন ? কে জানে যে শীতল প্রস্তবেও দাহ কবিবে—  
 তোমায ত পাষণগঠিতা, পাষণময়ী জানিতাম, কে জানে যে  
 পাষণেও দাহ কবিবে ? অথবা কে জানে পাষণেও লৌহেব  
 সংঘর্ষণেই অগ্ন্যুৎপাত হয় । তোমাব প্রস্তবধবল, প্রস্তবস্নিগ্ধ-  
 দর্শন, প্রস্তবগাঠতবৎ মূর্তি যত দেখি ততই দেখিতে ইচ্ছা  
 হয় । অনুদিন, পলকে পলকে, দেখিয়াও মনে হয় দেখিলাম  
 কই ? আবাব দেখি । আবাব দেখি, কিন্তু দেখিবা ত সাধ  
 মিটিল না ।

পীড়িতাবস্থাব, আমি প্রায় কাহাবও মঙ্গল কথা কহিতাম  
 না । কেহ কথ কহিত্তে আসিলে ভাল লাগিত না । বজনীব

কথা মুখে আনিলাম না—কিন্তু প্রলাপকালে কি বলিতাম না বলিতাম, তাহা স্ববণ করিয়া বলিতে পারি না। প্রলাপ সচবাচবই ঘটত।


শয্যা প্রায় ত্যাগ করিতাম না। শুইবা শুইবা কত কি দেখিতাম তাহা বলিতে পারি না। কখন দেখিতাম, সমবক্ষেত্রে যবননিপাত হইতেছে—বক্ষে নদী বহিতেছে; কখন দেখিতাম, সূবর্ণপ্রান্তাব হীর্বেকবৃক্ষে স্তবকে স্তবকে নক্ষত্র ফুটিয়া আছে। কখন দেখিতাম, আকাশমার্গে, অষ্টশশি-সমন্বিত শটনশ্চব মহাগ্রহ চতুশ্চন্দ্রবাণী বৃহস্পতিব উপব মহাবেগে পতিত হইল—গ্রহ উপগ্রহ সকল ধণ্ডু ধণ্ডু হইবা ভাঙ্গিয়া গেল—আঘাতোৎপন্ন বহ্নিতে সে সকল জলিয়া উঠিয়া, দহমানাবস্থাতে মহাবেগে বিশ্বমণ্ডলেব চতুর্দিকে প্রধাবিত হইতেছে। কখন দেখিতাম, এই জগৎ, জ্যোতির্ম্ময় কান্তরূপধব দেবযোনিব মূর্ত্তিতে পবিপূর্ণ; তাহাশ অবিবত অস্ববপথ প্রভাসিত কবিয়া বিচরণ কবিতেছে; তাহাদিগেব অঙ্গেব সৌবভে আমার নাসাবকু পবিপূর্ণ হইতেছে। কিন্তু যাহাই দেখি না—সকলেব মধ্যস্থলে—বজনীব সেই প্রস্তবময়ী মূর্ত্তি দেখিতে পাইতাম। হায! রজনী! পাথবে এত আগুন।

ধীবে, বজনী, ধীবে। ধীবে, ধীবে, বজনী, ঐ অন্ধ নয়ন উন্মীলিত কব। দেখ, আমায় দেখ, আমি তোমায় দেখি! ঐ দেখিতেছি—তোমার নয়নপদ্ম ক্রমে প্রস্ফুটিত

ছইতেছে—ক্রমে, ক্রমে, ক্রমে, ধীবে, ধীবে, ধীবে, ধীবে নয়ন-  
রাজীব ফুটিতেছে। এ সংসাবে কাহার না নবন আছে ?  
গো, মেঘ, কুক্কুব, মার্জ্জাব, ইহাদিগেবও নবন আছে—তোমার  
নাই ? নাই, নাই, তবে আমাবও নাই। আমিও আব  
চক্ষু চাহিব না।



সপ্তম পরিচ্ছেদ ।



লবঙ্গলতাব কথা ।

আমি জানিতাম শচীন্দ্র একটা কাণ্ড কবিবে—ছেলে বয়সে অত ভাবিতে আছে! দিদি ত একবার কবে চেয়েও দেখেন না—আমি বলিলে বিমাতা বলিয়া আমার কথা গ্রাহ্য কবে না। ও সব ছেলেকে আঁটিয়া উঠা ভাব। এখন দায় দেখিতেছি আমার। ডাক্তার বৈদ্য কিছু কবিত্তে পাবিল না—, পাবিবেও না। তাবা বোগই নির্ণয় কবিত্তে জানে না। বোগ হনো মনে—হাত দেখিলে, চোখ দেখিলে, জ্বব দেখিলে তাবা কি ক্বিবে? যদি তাবা আমার মত আডালে লুকাইয়া বসিয়া আঁডিপেতে ছেলের কাণ্ড দেখ্ত, তবে একদিন বোগেব ঠিকানা কবিলে কবিত্তে পাবিত।

কথাটা কি? “ধীবে, বঙ্গনী।” ছেলে ত একেলা থাকিলেই এই কথাই বলে। সন্ন্যাসীঠাকুবের ঔষধে কি এই ফল ফলিল? আমার মাথা খাইতে কেন আমি এমন কাজ করিলাম? ভাল, বঙ্গনীকে একবার বোগীব কাছে বসাইয়া বাথিলে হয় না? কই, আমি বঙ্গনীব বাড়ী গিয়াছিলাম সে ত, সেই অবধি আমার বাড়ী একবারও আসে নাই। ডাকিয়া পাঠাইলে না আসিয়া থাকিত্তে পাবিবে নী। এই ভাবিয়া

আমি বজনীব গৃহে লোক পাঠাইলাম—বলিয়া পাঠাইলাম  
যে, আমাব বিশেষ প্রয়োজন আছে, একবাব আসিতে  
বলিও।

মনে কবিলাম, আগে একবাব শচীন্দ্রের কাছে বজনীব  
কথা পাডিয়া দেখি। তাহা হইলে বুঝতে পাবিব, বজনীর  
সঙ্গে শচীন্দ্রের পীড়ার কোন সম্বন্ধ আছে কি না ?

অতএব প্রকৃত তত্ত্ব জানিবাব জন্ত শচীন্দ্রের কাছে গিয়া  
বসিলাম। এ কথা ও কথাব পব বজনীব প্রসঙ্গ ছলে পাডি-  
লাম। আব কেহ সেখানে ছিল না। বজনীব নাম শুনিবামাত্র  
বাছা অমনি, চমকিত হংসীব গায় গ্রীবা তুলিয়া আমাব  
মুখপ্রতি চাহিয়া বহিল। আমি যত বজনীব কথা বলিতে  
লাগিলাম, শচীন্দ্র কিছুই উত্তব কবিল না, কিন্তু ব্যাকুলিত  
চক্ষে, আমাব প্রতি চাহিয়া বহিল। ছেলে বড অস্থিব হইয়া  
উঠিল—এটা পাড়ে, সেটা ভাঙ্গে, এইরূপ আবস্ত কবিল।  
আমি পবিশেষে বজনীকে তিবস্কার কবিতে লাগিলাম; সে  
অত্যন্ত ধনলুকা, আমাদিগের পূর্বকৃত উপকাব কিছুমাত্র স্মবণ  
কবিল না। এইরূপ কথাবার্তা শুনিয়া শচীন্দ্র অপ্রসন্ন ভাবা-  
পন্ন হইলেন, এমন আমাব বোধ হইল, কিন্তু কথা কিছু  
প্রকাশ পাইল না।

নিশ্চয় বুঝিলাম, এটি সন্ন্যাসীব কীর্তি। তিনি ঐক্ষণে  
স্থানান্তবে গিয়াছিলেন, অল্পদিনে আসিবাব কথা ছিল। তাঁহাব  
প্রতীক্ষা কবিলে লাগিলাম। কিন্তু তাহাও মনে ভাবিতে

লাগিলাম—যে তিনিই বা কি করিবেন ?' আমি নিরোধ  
 ছবাকাজ্জাপববশ স্ত্রীলোক—ধনেব লোভে তগ্র পশ্চাৎ না  
 ভাবিবা আপনিই এই বিপত্তি উপস্থিত কবিয়াছি ! তখন  
 মনে জানিতাম যে বজনীকে নিশ্চয়ই পুত্রবধূ কবিব । তখন  
 কে জানে যে কাণা ফুলওয়ালীও ছল্ভ হইবে ? কে জানে  
 যে সন্ন্যাসীব মস্ত্রোষধে হিতে বিপবীত হইবে ? স্ত্রীলোকের  
 বুদ্ধি অতি ক্ষুদ্র তাহা জানিতাম না ; আপনাব বুদ্ধিব অহঙ্কাবে  
 আপনি মজিলাম । আমাব এমন বুদ্ধি হইবার আগে, আমি  
 মবিলাম না কেন ? এখন ইচ্ছা হইতেছে মবি, কিন্তু শচীন্দ্র-  
 বাবুব আবোগ্যা না দেখিবা মবিতে পাবিতেছি না ।

কিছুদিন পবে কোথা হইতে সেই পুত্রপবিচিত সন্ন্যাসী  
 আসিবা উপস্থিত হইলেন । তিনি বলিলেন, তিনি শচীন্দ্রেব  
 পীড়া শুনিয়া দেখিতে আসিবাছেন । কে তাঁহাকে শচীন্দ্রেব  
 পীড়াব সম্বাদ দিল তাহা কিছু বলিলেন না ।

শচীন্দ্রেব পীড়াব বৃত্তান্ত আদ্যোপান্ত শুনিলেন । পরে  
 শচীন্দ্রেব কাছে বসিবা নানাপ্রকাব কথোপকথন কবিতে  
 লাগিলেন । তৎপবে প্রণাম কবিবাব জন্ত আমি তাঁহাকে  
 স্যাকিবা পাঠাইলাম । প্রণাম করিয়া, মঙ্গল জিজ্ঞাসাব পব  
 বলিলাম,

“মহাশয় সৰ্ব্বজ্ঞ ; না জানেন, এমন তব্বই নাই । শচীন্দ্রেব  
 কি বোগ, আপনি অবশ্য জানেন ।”

তিনি বলিলেন, “উহা বায়ুবোগ ; অতি দুশ্চিকিৎস ।

আমি বলিলাম, “তবে শচীন্দ্র সর্বদা রজনীর নাম করে কেন ?”

সন্ন্যাসী বলিলেন, “তুমি বালিকা, বুঝিবে কি ?” ( কি সর্বনাশ, আমি বালিকা । আমি শচীব মা । ) “এই রোগের এক গতি এই যে, হৃদয়স্থ লুক্কায়িত এবং অপবিচিত্ত ভাব বা প্রবৃত্তি সকল প্রকাশিত হইয়া পড়ে, এবং অত্যন্ত বলবান্ হইয়া উঠে । শচীন্দ্র কদাচিত্‌ আমাদিগেব দৈববিদ্যা সকলের পরীক্ষার্থী হইলে, আমি কোন তান্ত্রিক অনুষ্ঠান কবিলাম তাহাতে যে তাঁহাকে আন্তরিক ভালবাসে তিনি তাহাকে স্বপ্নে দেখিবেন । শচীন্দ্র বাব্বিযোগে বজ্রনীকে স্বপ্নে দেখিলেম । স্বাভাবিক নিয়ম এই যে, যে আমাদিগকে ভালবাসে বুঝিতে পাবি, আমবা তাহাব প্রতি অনুবক্ত হই । অস্ত্রএব সেই বাত্রে শচীন্দ্রেব মনে বজ্রনী প্রক্তি অনুবাগেব বীজ গোপনে সমাবোপিত হইল । কিন্তু বজ্রনী অন্ধ, এবং ইতবলোকেব কঁথা, ইত্যাদি কাবণে সে অনুবাগ পবিস্কুট হইতে পাবে নাই । অনুবাগেব লক্ষণ স্বহৃদয়ে কিছু দেখিতে পাইলেও শচীন্দ্র তৎপ্রক্তি বিশ্বাস কবেন নাই । ক্রমে ঘোবতব দাবিদ্ৰ্যতঃখেব আশঙ্কা তোমাদিগকে পীড়িত কবিতে লাগিল । সর্বাপেক্ষা শচীন্দ্রই তাহাতে গুরুতব ব্যথা পাইলেন । অন্তমনে, দাবিদ্ৰ্য দুঃখ ভুলিবাব জন্ম শচীন্দ্র অধ্যয়নে মন দিলেন । অন্তমনা হইয়া বিদ্যালোচনা কল্পিতে লাগিলেন । সেই বিদ্যালোচনার

আধিক্য হেতু, চিত্ত উদ্ভ্রান্ত হইয়া উঠিল। তাহাতেই এই মানসিক বোগেব সৃষ্টি। সেই মানসিক বোগকে অবলম্বন কবিয়া বঙ্গনীৰ প্ৰতি সেই বিলুপ্তপ্ৰায় অনুবাগ পুনঃপ্ৰস্তুত হইল। এখন আৰু শচীন্দ্ৰেব দে মানসিক শক্তি ছিল না, যে তদ্বাৰা তিনি সেই অবিহিত অনুবাগকে প্ৰশমিত কৰেন। বিশেষ, পূৰ্বেই বলিযাছি যে এই সকল মানসিক পীড়াৰ কাৰণ যে যে গুপ্ত মানসিক জ্বৰ বিকশিত হয়, তাহা অপ্ৰকৃত হইয়া উঠে। তখন তাহা বিকাৰেব স্বৰূপ প্ৰতীক্ষমান হয়। শচীন্দ্ৰেব সেইৰূপ এ বিকাৰ।”

আমি তখন কাতব হইয়া জিজ্ঞাসা কৰিলাম, যে “ইহাৰ প্ৰতীকাৰেব কি উপায় হইবে ?”

সন্ন্যাসী বলিলেন, “আমি ডাক্তাৰি শাস্ত্ৰেব কিছুই জানি না। ডাক্তাৰদিগেব দ্বাৰা এ বোগ উপশম হইতে পাবে কি না তাহা বিশেষ বলিতে পাৰি না। কিন্তু ডাক্তাৰেৰা কৰন এ সকল বোগেব প্ৰতীকাৰ কবিয়াছেন, এমন আমি শুনি নাই।”

আমি বলিলাম যে, “অনেক ডাক্তাৰ দেখান হইয়াছে, কোন উপকাৰ হয় নাই।”

স। সচবাচৰ বৈদ্যাচিকিৎসকেব দ্বাৰাও কোন উপকাৰ হইবে না।

আমি। তবে কি কোন উপায় নাই ?

স। যদি বল, তবে আমি ঔষধ দিই।

আমি । আপনাব ঔষধেব অপেক্ষা বাহাব ঔষধ ? আপ-  
নিই আমাদেব বক্ষাকর্তা । আপনিই ঔষধ দিন ।

স । তুমি বাডীব গৃহিণী । তুমি বলিলেই ঔষধ দিতে  
পাবি । শচীন্দ্রও তোমাব বাধ্য । তুমি বলিলেই সে আমাব  
ঔষধ সেবন কবিবে । কিন্তু কেবল ঔষধে আবোগ্য হইবে না ।  
মানসিক পীড়াব মানসিক চিকিৎসা চাই । বজ্ঞনীকে চাই ।

আমি । বজ্ঞনী আসিবে । ডাকিয়া পাঠাইবাছি ।

স । কিন্তু বজ্ঞনীব আগমনে ভাল হইবে কি মন্দ হইবে  
তাহাও বিবেচ্য । এমত হইতে পাবে যে, বজ্ঞনীব প্রতি এই  
অপ্রকৃত অনুবাগ, কথাবস্তায় দেখা সাক্ষাৎ হইলে বন্ধমূল হইয়া  
স্তাবিত্ব প্রাপ্ত হইবে । যদি বজ্ঞনীব সঙ্গে বিবাহ না হয়, তবে  
বজ্ঞনীব না আসাট ভাল ।

আমি । বজ্ঞনীব আসা ভাল হউক মন্দ হউক তাহা বিচার  
কবিবার আব সময় নাই । ঐ দেখুন বজ্ঞনী আসিতেছে ।

সেই সময়ে একজন পবিচারিকা সঙ্গে বজ্ঞনী আসিয়া  
উপস্থিত হইল । অম্বনাথও শচীন্দ্রেব পীড়া শুনিয়া স্বয়ং  
শচীন্দ্রকে দেখিতে আসিয়াছিলেন । এবং বজ্ঞনীকে সঙ্গে  
আনিয়া উপস্থিত কবিয়াছিলেন । আপনি বহির্কোণে থাকিয়া,  
পবিচারিকাব সঙ্গে তাহাকে অন্তঃপূবে পাঠাইয়া দিয়াছিলেন ।





## পঞ্চম অধ্যায় ।

—◆◆◆—  
অমবনাথের কথা ।

—◆◆◆—  
প্রথম পরিচ্ছেদ ।

এই অন্ধ পুষ্পনাথী কি মোহিনী জানে, তাহা বলিতে পারি না। চক্ষে কঁটাক্ষ নাই, অথচ আমার মত সন্ন্যাসীকেও মোহিত করিল। আমি মনে কবিতা ছিলাম, লবঙ্গলতাব পব, আব কখন কাহাকে ভাল বাসিব না। মনুষ্যের সকলই অনর্থক দম্ভ। অল্প দূরে থাক, সহজেই এই অন্ধ পুষ্পনাথী কর্তৃক মোহিত হইলাম ।

মনে কবিতা ছিলাম—এ জীবন আমার স্যাব বাস্তব স্বরূপ—অন্ধকাবেই কাটিবে—সহসা চন্দ্রোদয় হইবে। মনে কবিতা ছিলাম—এ জীবনসিদ্ধি, সঁতারিয়াই আমাকে পার হইতে

হইবে—সহসা সম্মুখে সুবর্ণসেতু দেখিলাম। মনে কবিয়াছিলাম এ মকভূমি চিবকাল এমনই দন্ধক্ষেত্র থাকিবে, বজ্রনী সহসা সেখানে নন্দনকানন আনিয়া বসাইল। আমাব এ সুখেব আব সীমা নাই। চিবকাল যে অন্ধকাব গুহামধ্যে বাস কবিয়াছে, সহসা সে যদি এই সূৰ্য্যকিবণসমুজ্জল তরুপল্লব কুসুমসুশোভিত মনুশানোকে স্থাপিত হব, তাহাব যে আনন্দ, আমাব সেই আনন্দ। যে চিবকাল পবাধীন পবপীড়িত দাসানুদাস ছিল, সে যদি হঠাৎ সবেশ্বব সার্কভোম হয়, তাহার যে আনন্দ আমাব সেই আনন্দ। বজ্রনীৰ মত যে জন্মাদ্ধ, হঠাৎ তাহাব চক্ষু কুটিলে যে আনন্দ, বজ্রনীকে ভাল বাসিয়া আমাব সেই আনন্দ।

কিন্তু এ আনন্দে পবিণামে কি হইবে তাহা বলিতে পাবি না। আমি চোব। আমাব পিঠে, আগুনেব অক্ষবে, লেখা আছে যে আমি চোব। যে দিন বজ্রনী সেই অক্ষবে হাত দিগা, জিজ্ঞাসা কবিবে, এ কিসেব দাগ—আমি তাহাকে কি বলিব। বলিব কি, যে ও কিছু নহে? সে অন্ধ কিছু জানিতে পাবিবে না। কিন্তু যাহাকে অবলম্বন কবিয়া আমি সংসাবে স্তম্ভী হইতে চাহিতেছি—তাহাকে আবাব প্রতাবণা কবিব। যে পাবে সে ককক, আমি যখন পাবিবাছি, তখন ইহাব অপেক্ষাও গুৰুতব দুষ্কার্য্য কবিবাছি—কবিয়া ফলভোগ কবিবাছি—আব কেন? আমি লবঙ্গণতাব কাছে বলিবাছিলাম, সকল কথা বজ্রনীকে বলিব কিন্তু বলিতে মুখ ফুটে নাই। এখন বলিব।



যে দিন বজনী শচীন্দ্রকে দেখিয়া আসিয়াছিল সেই দিন অপরাহ্নে আমি রজনীকে এই কথা বলিতে গেলাম । গিয়া দেখিলাম যে বজনী একা বসিয়া, কাঁদিতেছে । আমি তখন তাহাকে কিছু না বলিয়া বজনীর মাসীকে জিজ্ঞাসা কবিলাম যে, বজনী কাঁদিতেছে কেন ? তাহাব মাসী বলিল যে, কি জানি ? মিত্রদিগের বাড়ী হইতে আসিয়া অবধি বজনী কাঁদিতেছে । আমি স্বয়ং শচীন্দ্রের নিকট যাষ্ট্ৰ নাই—আমাব প্রতি শচীন্দ্র বিরক্ত, যদি আমাকে দেখিয়া তাহাব পীড়াবৃদ্ধি হয়, এই আশঙ্কায় যাই নাই—সুতবাং সেখানে কি হইয়াছিল, তাহা জানিতাম না । বজনীকে জিজ্ঞাসা করিলাম, কেন কাঁদিতেছ ? রজনী চক্ষু মুছিয়া চুপ কবিয়া বহিল ।

আমি বড় কাতব হইলাম । বলিলাম “দেখ বজনী, তোমাব খাড়া কিছু ছুংখ তাহা জানিতে পাবিলে আমি প্রাণপাত কবিয়া তাহা নিবাবণ কবিব—তুমি কি ছুংখে কাঁদিতেছ আমায় বলিবে না ?”

বজনী আবার কাঁদিতে আবস্ত কবিল । বক্তকষ্টে আবার বোদন সম্বরণ কবিবা বলিল, “আপনি এত অনুগ্রহ কবেন, কিন্তু আমি তাহাব যোগ্য নহি ।”

আমি । সে কি বজনী ? আমি মনে জানি আমিই তোমাব যোগ্য নহি । আমি তোমাকে সেই কথাই বলিতে আসিবাছি ।

বজনী । আমি আপনাব অনুগ্রহীত দাসী, আমাকে অনন্য কথা কেন বগেন ?

আমি । শুন বজনী । আমি তোমাকে বিবাহ কবিয়া, ইহজন্ম সূত্রে কাটাইব, এই আমার একান্ত ভবনা । এ আশা আমার ভগ্ন হইলে, বুঝি আমি মরিব । কিন্তু সে আশাতেও যে বিঘ্ন তাহা তোমাকে বলিতে আসিবাছি । শুনিয়া উত্তর দিও না শুনিয়া উত্তর দিও না । প্রথমমৌবনে একদিন আমি রূপান্ন হইয়া উন্নত হইবাছিলাম—জ্ঞান হাবাইয়া চোবেব কাজ কবিবাছিলাম । অল্পে আজিষ্ তাহাব চিহ্ন আছে । সেই কথাই তোমাকে বলিতে আসিবাছি ।

তখন ধীবে ধীবে, নিতান্ত ধৈর্য্যমাত্র সহায় কবিয়া, সেই অকথনীয়া কথা বজনীকে বলিতাম । বজনী অন্ধ তাই বলিতে পাবিলাম । চক্ষে চক্ষে সন্দশন হইলে বলিতে পাবিতাম না ।

বজনী নীবব হইয়া বহিল । আমি তখন বলিলাম, “বজনী ! রূপোন্মাদে উন্নত হইয়া প্রথমমৌবনে একদিন এই অজ্ঞানের কার্য্য কবিবাছিলাম । আব কখন কোন অপবাধ কবি নাই । চিবজীবন, সেই একদিনেব অপবাধেব প্রাযশ্চিত্ত কবিবাছি । আমাকে কি তুমি গ্রহণ কবিবে ?”

বজনী কাঁদিতে কাঁদিতে বলিল, “আপনি যদি চিবকাল দক্ষ্যকৃতি কবিয়া থাকেন—আপনি যদি সহস্র ব্রহ্মহত্যা, গোহত্যা, স্ত্রীহত্যা কবিয়া থাকেন, তাহা হইলেও আপনি আমার কাছে দেবতা । আপনি আমাকে চরণে স্থান দিলেই আমি আপনার দানী হইব । কিন্তু আমি আপনার যোগ্য নহি । সেই কথাটি আপনার গনতে থাকি আছে ।”

আমি । সে কি বজনি ?

বজনী । আমার এই পাপ নন পবেব কাছে বিক্রীত ।

আমি চমকিয়া, শিহবিষা উঠিলাম । জিজ্ঞাসা কবিলাম  
“সে কি বজনি ?”

বজনী বলিল, “আমি জীশোক—আপনার কাছে ইহাব  
অধিক আব কিপ্রকাবে বলিব ? কিন্তু লবঙ্গ ঠাকুবানী সকল  
জামেন । যদি আপনি তাঁহাকে জিজ্ঞাসা কবেন, তবে সকল  
শুনিতে পাইবেন । বলিবেন, আমি সকল কথা বলিতে  
বলিয়াছি ।

আমি তখনই, মিত্রদিগের গৃহে গেলাম । যে প্রকাবে  
লবঙ্গের সাক্ষাৎ পাউলাম তাহা দিখিয়া ক্ষুদ্রবিষয়ে কালক্ষেপ  
কবিব না । দেখিলাম, লবঙ্গমতা, পূন্যবলুষ্ঠিতা ৩ইয়া শচীন্দ্র  
জন্য কাঁদিতেছে । বাইবামাত্র লবঙ্গমতা আমার পা জড়াইয়া  
আবও কাঁদিতে লাগিল—বলিল, “ক্ষমা কব । অমবনাথ, ক্ষমা  
কব । তোমার উপর আমি এত অত্যাচার কবিয়াছিলাম বলিবা  
বিধাতা আনাকে দণ্ডিত করিতেছেন । আমার গর্ভজ পুত্র  
অধিক প্রিয় পুত্র শচীন্দ্র বুকি আমারই দোষে প্রাণ হাবাম ।  
আমি বিষ খাইয়া মরিব । আজি তোমার সম্মুখে বিষ খাইয়া  
মরিব ।”

আমার বুক ভাঙ্গিয়া গেল । বজনী কাঁদিতেছে, লবঙ্গ  
কাঁদিতেছে । ইহাব জীশোক, চক্ষেব জল ফেলে ; আমার  
চক্ষেব জল পড়িতেছিল না—কিন্তু বজনীর কথায় আমার

সদয়েব ভিতব হইতে বোদনধ্বনি উঠিতেছিল। লবঙ্গ কাঁদিতেছে, বজনী কাঁদিতেছে, আমি কাঁদিতেছি—আব শচীন্দ্রের এই দশা। কে বধে সংসাব সুখেব ? সংসাব অন্ধকাব ।

আপনাব হুঃখ বাথিয়া আগে লবঙ্গেব হুঃখেব কথা জিজ্ঞাসা কবিলাম। লবঙ্গ তখন কাঁদিতে কাঁদিতে শচীন্দ্রের পীডাব বৃত্তান্ত সমুদয় বলিল। সন্ন্যাসীৰ বিদ্যাপবীক্ষা হইতে কণ্ঠশয্যায় বজনীৰ সঙ্গে সাক্ষাৎ পব্যস্ত লবঙ্গ সকল বলিল।

তাব পৰ, বজনীৰ কথা জিজ্ঞাসা কবিলাম। বলিলাম বজনী সকল কথা বাঁলিতে বলিয়াছে—বল। লবঙ্গ তখন, বজনীৰ কাছে যাহা যাহা শুনিয়াছিল, অকপটে সকল বলিল।

বজনী শচীন্দ্রের, শচীন্দ্র বজনীৰ, মাঝখানে আমি কে ?

এবাব বঙ্গে মুখ লুপাইয়া কাঁদিতে কাঁদিতে আমি ঘবে দিবিয়া আসিলাম।



দ্বিতীয় পলিচ্ছেদ।

এ ভবেব হাটি হইতে, আনাব দোকান পাঠ উঠাইতে হইল। আনাব অদৃষ্টে স্তম্ভ বিধাতা বিধেন নাই—পবেব স্তম্ভ কাঁড়না লইব কেন ? শচীক্লেব বজ্জনী শচীক্কে দিসা আমি এ সংসার ত্যাগ কবিব। এ হাটি ভান্দিব, এ হৃদয়াক শানিত কবিব—যিনি সুখছুঃখেব অর্ভাত, তাহাবই চরণে সকল সমর্পণ কবিব।

প্রভো, তোমাব অনেক সন্ধান কবিযাছি,কই তুমি ? দর্শনে, বিজ্ঞানে, তুমি নাই। জ্ঞানীবি জ্ঞানে, ধ্যানীবি ধ্যানে তুমি নাই। তুমি অপ্ৰমেয়, এজন্য তোমাব পক্ষে প্রমাণ নাই। এই ক্ষুটীতোনুখ হৃদ্পদ্বই তোমাব প্রমাণ—ইহাতে তুমি আবোলব কব। আমি অন্ধ পুষ্পনারীকে পবিত্যাগ কবিযা, তোমাব ছায়া সেখানে,স্তাপন কবি।

তুমি নাই ? না থাক, তোমাব নামে আমি সকল উৎসর্গ কবিব। অখণ্ডমণ্ডলাকাবং ব্যাপ্তং বেন চবাচবং তস্মৈ।নমঃ' বলিযা, এ কলঙ্কলাঙ্কিত দেহ, উৎসর্গ কবিব। তুমি বাগ্য দিযাছ, তুমি কি তাহা লইবে না ? তুমি লইবে, নহিলে এ কনকেশ্বব ভাব আবি কে পবিত্র কবিবে ?

প্রভো ! অপ্ৰনাব ক্রাছে একটা নিবেদন আছে। এ দেহ

কলঙ্কিত কবাইল কে, তুমি না আমি ? আমি যে অনৎ.অসাব,  
দোষ আমাব না তোমাব ? আমাব এ মনিহাবিব দোকান  
সাজাইল কে, তুমি না আমি ? যাহা তুমি সাজাইয়াছ, তাহা  
তোনাকেই দিব । আমি এ বাবসা আব বাপিব না ।

সুখ । তোমাকে সর্বত্র খুঁজিলাম—পাইলাম না । সুখ  
নাই—তবে আশায় কাজ কি ? যে দেশে অগ্নি নাই, সে দেশে  
ইন্ধন আহরণ কবিয়া কি হইবে ?

প্রতিজ্ঞা কবিয়াছি, সব বিসর্জন দিব ।

আমি পবদিন শচীন্দ্রকে দেখিতে গেলাম । দেখিলাম  
শচীন্দ্র অধিকতর স্ত্রিব—অপেক্ষাকৃত প্রফুল্ল । তাঁহার সঙ্গে  
অনেকক্ষণ কথোপকথন কবিত্তে লাগিলাম । বুঝিলাম আমাব  
উপব যে বিবক্তি, শচীন্দ্রের মন হইতে তাহা যায় নাই ।

পবদিন পুনবপি তাঁহাকে দেখিতে গেলাম । প্রত্যহই  
তাঁহাকে দেখিতে যাইতে লাগিলাম । শচীন্দ্রের দুর্বলতা ও  
ক্লিষ্টভাব কমিল না, কিন্তু ক্রমে স্বৈধ্য জন্মিতে লাগিল । প্রলাপ  
নূব হইল । ক্রমে শচীন্দ্র প্রকৃতিস্থ হইলেন ।

বজনীর কথা একদিনও শচীন্দ্রের মুখে শুনি নাই । কিন্তু  
ইহা দেখিয়াছি, যে যেদিন হইত বজনী আসিয়াছিল সেইদিন  
হইতে তাঁহার পীড়া উপশমিত হইয়া আসিত্তেছিল ।

একদিন, যখন আব কেহ শচীন্দ্রের কাছে ছিল না, তখন

আমি ধীবে ধীবে বিনা আঁডম্ববে বজ্রনীৰ কথা পাড়িলাম।  
ক্রমে তাহাব অন্ধতাব কথা পাড়িলাম, অন্ধেব দুঃখেব কথা  
বলিতে লাগিলাম, এই জগৎসংসাবশোভা দর্শনে সে যে বঞ্চিত,  
—প্রিয়জনদর্শনস্বখে সে যে আজন্মমৃত্যুপথ্যস্ত বঞ্চিত, এই  
সকল কথা তাঁহাব সাক্ষাতে বলিতে লাগিলাম। দেখিলাম  
শচীন্দ্র মুখ ফিবাইলেন, তাঁহাব চক্ষু জলপূর্ণ হইল।

অনুবাগ বটে।

তখন বলিলাম “আপনি বজ্রনীৰ মঙ্গলাকাজ্জী! আমি  
সেইজন্তই একটি কথাব পবামর্শ জিজ্ঞাসা কবিতে চাই। বজ্রনী  
একে বিধাতাকর্তৃক পীড়িতা, আবাব আনাকর্তৃক আবও গুরুতব  
পীড়িতা হইয়াছে।”

শচীন্দ্র আমাব প্রতি বিকট কটাঙ্ক নিষ্কপ কবিলেন।

আমি বলিলাম, “আপনি যদি সমুদয় মনোবোগপূর্বক  
শুনেন, তবেই আমি বলিতে প্রবৃত্ত হই।”

শচীন্দ্র বলিলেন, “বলুন।”

আমি বলিলাম, “আমি অত্যন্ত লোভী এবং স্বার্থপব।  
আমি তাহাব চবিত্রে মোচিত হইয়া, তাহাকে বিবাহ কবিত্তে  
উদ্যোগী হইয়াছি। সে আমাব নিকট বিশেষ কৃতজ্ঞতাপাশে  
বদ্ধ ছিল, সেইজন্য আমাব অভিপ্রায়ে সম্মত হইয়াছে।”

শচীন্দ্র বলিলেন, “মহাশয়, এ সকল কথা আমাকে  
বলিতেছেন কেন?”

আমি বলিলাম, “আমি ভাবিয়া দেখিলাম আমি সন্ন্যাসী,

আমি নানা দেশ ভ্রমণ কবিয়া বেড়াই ; অন্ধ বজনী কি প্রকারে  
আমাব সঙ্গে দেশে দেশে বেড়াইবে ? আমি এখন ভাবিতেছি,  
অন্য কোন ভদ্রলোক তাহাকে বিবাহ করে, তবে সুখেই হয় ।  
আমি তাহাকে অন্য পাত্রস্তু কবিত্তে চাই । যদি কেহ আপনাব  
সন্ধানে থাকে, সেই জন্য আপনাকে এত কথা বলিতেছি ।”


শচীন্দ্র একটু বেগেব সহিত বলিলেন, “বজনীব পাত্রের  
অভাব নাই ।”

আমি বুঝিলাম, বজনীব ববপাত্র কে ।





তৃতীয় পবিচ্ছেদ ।



পবদিন, আবাব মিত্রদিগের আলয়ে গিয়া দেখা দিলাম । লবঙ্গলতাকে বলিয়া পাঠাইলাম, বে আমি কলিকাতা ত্যাগ কবিয়া যাইব । এক্ষণে সম্প্রতি প্রত্যাগমন কবিব না—তিনি আমার শিষ্যা, আমি তাঁহাকে আশীর্বাদ কবিব ।

লবঙ্গলতা আমার সহিত, পুনশ্চ সাক্ষাৎ কবিল । আমি তাহাকে জিজ্ঞাসা কবিলাম,

“আমি কালি যাহা শচীন্দ্রকে বলিয়া গিয়াছি, তাহা শুনিয়াছ কি ?”

ল । শুনিয়াছি । তুমি অদ্বিতীয় । আমাকে ক্ষমা কবিও , আমি তোমার গুণ জানিতাম না ।

আমি নীরব হইয়া বহিলাম । তখন অবসর পাইয়া লবঙ্গলতা জিজ্ঞাসা কবিল,

“তুমি আমার সঙ্গে সাক্ষাতেব ইচ্ছা কবিয়াছ কেন ? তুমি নাকি কলিকাতা হইতে উঠিয়া যাইতেছ ?”

অ । যাইব ।

ল । কেন ?

অ । যাইব না কেন ? আমাকে যাইতে বাবণ করিবার শু কেহ নাই ।

ল। যদি আমি বাবণ কবি ?

অ। আমি তোমাব কে যে বাবণ কবিবে ?

ল। তুমি আমাব কে ? তা ত জানি না। এ পৃথিবীতে তুমি আমাব কেহ নও। কিন্তু যদি লোকান্তব থাকে—

লবঙ্গলতা আব কিছু বলিল না। আমি ক্ষণেক অপেক্ষা কবিয়া, বলিলাম,

“যদি লোকান্তব থাকে তবে ?”

লবঙ্গলতা বলিল, “আমি ত্রীলোক—সহজে দুর্কলা। আমাব কত বল দেখিয়া তোমাব কি হইবে ? আমি ইহাই বলিতে পাবি আমি তোমাব পবন মঙ্গলাকাজ্জী।”

আমি বড় বিচলিত হইলাম, বলিলাম, “আমি সে কথায় বিশ্বাস কবি। কিন্তু একটি কথা আমি কখন বৃষ্টিতে পাবিলাম না। তুমি যদি আমাব মঙ্গলাকাজ্জী তবে আমাব গায়ে চিব দিনেব জন্য এ কলঙ্ক লিখিয়া দিলে কেন ? এ হে মুছিলে যায় না!—কখন মুছিলে যাইবে না।”

লবঙ্গ, অধোবদনে বহিল। ক্ষণেক ভাবিল। বলিল,

“তুমি কুকাঙ্গ কবিয়াছিলে, আমিও বালিকাবুদ্ধিতেই কুকাঙ্গ কবিয়াছিলাম। যাহাব যে দণ্ড, বিধাতা তাহাব বিচার কবিবেন,—আমি বিচারেব কে ? এখন সে অন্ততাপ আমাব—কিন্তু সে সকল কথা না বলাই ভাল। তুমি আনাকে সে অপবাদ ক্ষমা কবিবে ?”

আমি। তুমি না বলিতেই আমি ক্ষমা বস্বিয়াছি। ক্ষমাই

বা কি? উচিত দণ্ড কবিয়াছিলে—তোমাব অপবাধ নাই। আমি আব আসিব না—আব কখন তোমাব সঙ্গে সাক্ষাৎ হইবে না। কিন্তু যদি তুমি কখন ইহাব পবে শোন যে অমবনাথ কুচবিত্ত নহে, তবে তুমি আমার প্রতি একটু—অণুমাত্র—স্নেহ কবিবে?

ল। তোমাকে স্নেহ কবিলে আমি ধৰ্ম্মে পতিত হইব।

আমি। না, আমি সে স্নেহেব ভিখারী আব নহি। তোমাব এই সমুদ্রতুল্য হৃদয়ে কি আমাব জ্ঞান এতটুকু স্থান নাই?

ল। না—যে আমাব স্বামী না হইয়া একবাব আমাব প্ৰণয়কাঙ্ক্ষী হইয়াছিল, তিনি স্বয়ং মগাদেব হইলেও তাহাব জ্ঞান আমাব হৃদয়ে এতটুকু স্থান নাই। লোকে পাখী পুথিনে যে স্নেহ কবে, ইহলোকে তোমাব প্রতি আমাব সে স্নেহও কখন হইবে না।

আবাব “ইহলোকে।” যাক—আমি লবঙ্গের কথা বুঝিলাম কি না, বলিতে পাবি না, কিন্তু লবঙ্গ আমাব কথা বুঝিল না। কিন্তু দেখিলাম, লবঙ্গ ঈষৎ কাঁদিতেছে।

আমি বলিলাম, “আমাব যাহা বলিবাব অবশিষ্ট যাচ্ছ তাহা বলিয়া যাই। আমাব কিছু ভ্ৰসম্পত্তি আছে, আমাব তাহাতে প্ৰয়োজন নাই। তাহা আমি দান কবিয়া যাইতেছি।”

ল। কাহাকে?

আমি। যে বজ্রনীকে বিবাহ কবিবে তাহাকে।

ল। যদি আমি বাবণ কবি ?

অ। আমি তোমাব কে দে বাবণ কবিবে ?

ল। তুমি আমার কে ? তা ত জানি না। এ পৃথিবীতে  
তুমি আমার কেহ নও। কিন্তু যদি লোকান্তর থাকে—

লবঙ্গলতা আর কিছু বলিল না। আমি ক্ষণেক অপেক্ষা  
করিয়া, বলিলাম,

“যদি লোকান্তর থাকে তাব ?”

লবঙ্গলতা বলিল, “আমি স্ত্রীলোক—সহজে দুর্বল।  
আমাব কত বল দেখিয়া তোমাব কি হইবে ? আমি ইহাই  
বলিতে পারি আমি তোমাব পবন মঙ্গলাকাজ্জী।”

আমি বড় বিচলিত হইলাম, বলিলাম, “আমি সে কথা  
বিশ্বাস কবি। কিন্তু একটি কথা আমি কখন বুঝিতে পারিলাম  
না। তুমি যদি আমার মঙ্গলাকাজ্জী তবে আমার গায়ে চিব-  
দিনেব জন্য এ কলঙ্ক লিপিবা দিলে কেন ? এ যে মুছিলে যার  
না—কখন মুছিলে যাইবে না।”

লবঙ্গ, অধোবদনে বহিল। ক্ষণেক ভাবিল। বলিল,

“তুমি কুকাঙ্গ কবিয়াছিলে, আমিও বালিকাবুদ্ধিতেই  
কুকাঙ্গ কবিয়াছিলাম। যাহাব যে দণ্ডবিধাতা তাহাব বিচার  
করিবেন,—আমি বিচারেব কে ? এখন সে অন্ততঃ আমার  
—কিন্তু সে সকল কথা না বলাই ভাল। তুমি আনাকে সে  
অপবাদ ক্ষমা কবিবে ?”

আমি। তুমি না বলিতেই আমি ক্ষমা করিয়াছি। ক্ষমাই

বা কি? উচিত দণ্ড কবিয়াছিলে—তোমাব অপবাধ নাই। আমি আব আসিব না—আব কখন তোমাব সঙ্গে সাক্ষাৎ হইবে না। কিন্তু যদি তুমি কখন ইহাব পবে শোন যে অমবনাথ কুচবিত্ত নহে, তবে তুমি আমার প্রতি একটু—অণুমাত্র—স্নেহ কবিবে?

ল। তোমাকে স্নেহ কবিলে আমি ধর্ম্মে পতিত হইব।

আমি। না, আমি সে স্নেহেব ভিখারী আব নহি। তোমাব এই সমুদ্রতুল্য হৃদয়ে কি আমার জন্ত এতটুকু স্থান নাই?

ল। না—যে আমার স্বামী না হইয়া একবার আমার গ্ৰন্থবাক্যজ্ঞী হইয়াছিল, তিনি স্বয়ং মহাদেব হইলেও তাহাব জন্ত আমার হৃদয়ে এতটুকু স্থান নাই। লোকের পাখী পুষ্টিদে যে স্নেহ কবে, ইহলোকে তোমাব প্রতি আমার সে স্নেহও কখন হইবে না।

আমাব “ইহলোকে।” যাক—আমি লবঙ্গের কথা বুঝিলাম কি না, বদিতে পাবি না, কিন্তু লবঙ্গ আমার কথা বুঝিন না। কিন্তু দেখিলাম, লবঙ্গ ঈষৎ কাঁদিতেছে।

আমি বলিলাম, “আমাব যাহা বলিবাব অবশিষ্ট যাহা তাহা বলিয়া যাই। আমার কিছু ভূসম্পত্তি আছে, আমার তাহাতে প্রয়োজন নাই। তাহা আমি দান কবিয়া যাইতেছি।”

ল। কাহাকে?

আমি। যে বজনীকে বিবাহ কবিবে তাহাকে।

ল। তোমার সমুদায় স্বাবর সম্পত্তি ?

আমি। হাঁ। তুমি এই দানপত্র এক্ষণে তোমার কাছে অতি গোপনে রাখিবে। যতদিন না বজনীর বিবাহ হয়, ততদিন ইহাব কথা প্রকাশ কবিও না। বিবাহ হইয়া গেলে, বজনীর স্বামীকে দানপত্র দিও।

এই কথা বলিয়া, ললিতলবঙ্গলতাব উত্তবেব অপেক্ষা না কবিয়া, দানপত্র আমি তাঁহার নিকট ফেলিয়া দিয়া চলিয়া গেলাম। আমি সকল বন্দোবস্ত ঠিক কবিয়া আসিয়াছিলাম— আমি আব বার্ডী গেলান না। একবাবে ষ্টেসনে গিয়া বাষ্পীয় শকটাবোহণে কাশ্মীর যাত্রা কবিলাম।

দোকানপাঠ উঠিল।



চতুর্থ পরিচ্ছেদ।

ইহাব দুই বৎসর পবে, একদা ভ্রমণ করিতে করিতে আমি ভবানীনগর গেলাম। শুনিলাম যে নিত্রবংশীয় কেহ তথায় আসিয়া বাস করিতেছেন। কোঁতুহলপ্রযুক্ত আমি দেখিতে গেলাম। দ্বাবদেশে শচীন্দ্রের সহিত সাক্ষাৎ হইল।

শচীন্দ্র আমাকে চিনিতে পাবিয়া, নমস্কার আলিঙ্গনপূর্বক আমার হস্তধারণ করিয়া লইয়া উত্তমাসনে বসাইলেন। অনেক ক্রণ তাঁহাব সঙ্গে নানাবিধ কথোপকথন হইল। তাহাব নিকট শুনিলাম, যে তিনি বজনীকে বিবাহ করিয়াছেন। কিন্তু বজনী ফুলওয়ালী ছিল, পাছে কলিকাতাব ইহাতে লোকে ঘণা কবে, এই ভাবিয়া, তিনি কলিকাতা পরিত্যাগ করিয়া ভবানীনগরে বাস করিতেছেন। তাঁহাব পিতা ও দ্রাতা কলিকাতাতেই বাস করিতেছেন।

আমাব নিজসম্পত্তি, প্রতিগ্রহণ করিবাব জন্ত শচীন্দ্র আমাকে বিস্তর অনুবোধ করিলেন। কিন্তু বলা বাহুল্য যে আমি তাহাতে স্বীকৃত হইলাম না। শেষে শচীন্দ্র বজনীব সঙ্গে সাক্ষাতেব জন্ত আমাকে অনুবোধ করিলেন। আমাবও সে ইচ্ছা ছিল। শচীন্দ্র আমাকে অন্তঃপূবে বজনীব নিকটে লইয়া গেলেন।

বজনীব নিকট গেলে, সে আমাকে প্রণামপূর্বক পদধূলি

গ্রহণ কবিল। আমি দেখিলাম, যে ধূলিগ্রহণকালে, পাদস্পর্শ জন্ত, অন্ধগণের স্বাভাবিক নিষমান্নবাহী সে ইতস্ততঃ হস্ত-সঞ্চালন কবিল না, এককালেই আমার পাদস্পর্শ কবিল। বিছু বিস্মিত হইলাম।

সে আমাকে প্রণাম কবিতা, দাড়াইল। কিন্তু মুখ অবনত কবিতা বঁচন। আমার বিষয় বাড়িল। অন্ধদিগের লজ্জা চক্ষুর্গত নহে। চক্ষে চক্ষে গিগনজনিত যে লজ্জা তাহা তাহা-দিগের ঘটিতে পাবে না বলিয়া, তাহারা দৃষ্টি লুকাইবার জন্ত মুখ নত ববে না। একটা কি কথা জিজ্ঞাসা কবিলাম, বজনী মুখ তুলিয়া আশ্রয় নত কবিল, দেখিলাম—নিশ্চিত দেখিলাম—সে চক্ষে কটাক্ষ।

জন্মান্ত বজনী কি এখন তবে দেখিতে পাব? আমি শচীন্দ্রকে এই কথা জিজ্ঞাসা কবিতো যাইতেছিলাম, এমত সময়ে শচীন্দ্র আমাকে বসিবার আসন দিবার জন্ত বজনীকে আজ্ঞা কবিলেন। বজনী একথানা কার্পেট লইয়া পাতিতেছিল—যেখানে পাতিতেছিল সেখানে অল্প একবিন্দু জল পড়িয়াছিল; বজনী আসন বাধিয়া, অগ্রে অঞ্চলের দ্বারা জল মুছিয়া লইয়া আসি পাতিল। আমি বিস্ময় দেখিয়াছিলাম, যে বজনী সেই জন স্পর্শ না কবিতাই আসন পাতা বন্ধ কবিতা জল মুছিয়া লইয়াছিল। অতএব স্পর্শের দ্বারা কখনই সে জানিতে পাবে নাই, যে সেখানে জল আছে। অবশ্য সে জল দেখিতে পাইয়াছিল।



আমি আর থাকিতে পাবিলাম না। জিজ্ঞাসা করিলাম,  
“বঙ্গনি, এখন তুমি কি দেখিতে পাও?”

বঙ্গনী মুখ নত কবিয়া, ঈষৎ হাসিয়া বলিল, “হাঁ।”

আমি বিস্মিত হইয়া শচীন্দ্রের মুখপানে চাহিলাম। শচীন্দ্র বলিলেন, “আশ্চর্য্য বটে, কিন্তু ঈশ্বররূপায় না হইতে পাবে, এমন কি আছে? আমাদিগেব ভাবতবর্ষে চিকিৎসাসম্বন্ধে কতকগুলি অতি আশ্চর্য্য প্রকাশ ছিল—সে সকল তত্ত্ব ইউ-বোপীয়েবা বহুকাল পবিশ্রম কবিলেও আবিষ্কৃত কবিতে পাবিবেন না। চিকিৎসাবিদ্যায় কেন, সকল বিদ্যাতেই এইরূপ। কিন্তু সে সকল, এক্ষণে লোপ পাইয়াছে, কেবল দুই একজন সন্ন্যাসী উদাসীন প্রভৃতিব কাছে, সে সকল লুপ্তবিদ্যাব কিষদংশ অতি গুহ্যভাবে অবস্থিত কবিতেছে। আমাদিগেব বাডীতে একজন সন্ন্যাসী কখন কখন যাতায়াত কবিয়া থাকেন, তিনি আমাকে ভালবাসিতেন। তিনি যখন গুনিলেন আমি বঙ্গনীকে বিবাহ কবিব, তখন বলিলেন, ‘শুভদৃষ্টি হইবে কি প্রকারে? কষ্টা যে অন্ধ।’ আমি বহু কৃষিয়া বলিলাম, ‘আপনি অন্ধত্ব আবোগ্য কবন।’ তিনি বলিলেন, ‘কবিব—এক মাসে।’ ঔষধ দিবা, তিনি এ মাসে বঙ্গনীব চক্ষু দৃষ্টিব সৃজন কবিলেন।”

আমি আবও বিস্মিত হইলাম, বলিলাম, “না দেখিলে, আমি ইহা বিশ্বাস কবিতাম না। ইউবোপীয় চিকিৎসাসাশ্ত্রানু-সাবে, ইহা অসাধ্য।”

এই কথা হইতেছিল, এমনত সময়ে একবৎসরের একটি শিশু, টলিতে টলিতে, চলিতে চলিতে, পড়িতে পড়িতে, উঠিতে উঠিতে সেইখানে আসিয়া উপস্থিত হইল। শিশু আসিয়া, রজনীব পায়ের কাছে হুই একটা আছাড় খাইয়া, তাহার বস্ত্রের একাংশ ধৃত করিয়া টানাটানি কবিয়া উঠিয়া, রজনীব আঁটু ধরিয়া তাহার মুখপানে চাহিয়া, উচ্চগাসি, হাসিয়া উঠিল। তাহার পবে, ক্ষণেক আমাব মুখপানে চাহিয়া, হস্তোত্তোলন করিয়া আমাকে বলিল, “দা।” ( বা ! )

আমি জিজ্ঞাসা করিলাম, “কে এটি ?”

শচীন্দ্র বলিলেন, “আমাব ছেলে।”

আমি জিজ্ঞাসা করিলাম, “ইহার নাম কি রাখিয়াছেন ?”

শচীন্দ্র বলিলেন, “অমবপ্রসাদ।”

আমি আর সেখানে দাঁড়াইলাম না।

